


শান্তিলতা

[লেখকের সর্বশেষ উপন্থাস]

মানিক বল্দ্যাপাধ্যায়

সাহিত্য জগৎ • কলিকাতা

২০৩৪, কর্ণওয়ালিস প্রীট



প্রথম প্রকাশ—শ্বাবণ, ১৩৬৭

প্রকাশক—কালীদাস বন্দ্যোপাধ্যায়

সাহিত্য জগৎ

২০৩১৪, কনওয়ালিস স্ট্রিট

কলিকাতা—৬

প্রচ্ছদপট পরিকল্পনা

সন্তোষ কুমার দাশ

প্রচ্ছদপট ইক

টাওয়ার হাফটোন কোং

মুদ্রাকর—শ্রীঅরবিন্দ সরদার

শ্রী প্রিণ্টিং ওয়ার্কস

৬৭, বন্দীদাস টেল্পল স্ট্রিট

কলিকাতা—৪

বাঁধাই—বেঙ্গল বাইওস'

দাম—আড়াই টাকা

স্বর্গত মানিক বন্দেয়াপাধ্যায়ের
পুণ্য স্মৃতির উদ্দেশে
তাঁরই সর্বশেষ উপন্থাস ‘শাস্তিলতা’
নিবেদন করা হল

মানিক বন্দ্যোপাধ্যায়ের
জীবিতকালে প্রকাশিত সর্বশেষ
উপন্থাস ‘মাঞ্জল’ প্রকাশিত
হবার দীর্ঘকাল পর তার সর্বশেষ
উপন্থাস ‘শাস্তিলতা’ প্রকাশিত
হল। শ্রগত লেখকের সাহিত্য-
সাধনার সর্বশেষ কৌতি হিসাবে
এই বইটি বাংলা দেশের ঘরে
ঘরে সমাদৃত হবে, সে দানী ও
আশা রাখি!

—প্রকাশক

ভূমিকা

॥ মানিক-প্রতিভা ॥

প্রায় ৩৬খানা উপন্যাস ও ১৭টি গল্প-সংকলনে মোট প্রায় ১৭৭টি ছোটে গল্প রেখে মানিক বন্দ্যোপাধ্যায় গত ৩৩ ডিসেম্বর (১৯৫৬ ইং) চিরবিদায় গ্রহণ করেছেন। তাঁর ৪৬ (বা ৪৮) বৎসরের অকাল নিম্নীলিত জীবনের ও ২৮ বৎসরের সাহিত্যিক জীবনের সাক্ষ্য এই বিপুল দান। শোকাঙ্গুল বন্ধুদের পক্ষে এখনো তা পরিমাপ করা দুঃসাধ্য। এমন কি, তাঁর সকল লেখার সঙ্গে বহু পাঠক পরিচয়ও রাখতে পারেন নি। মানিক বন্দ্যোপাধ্যায়ের রচিত গ্রন্থ-সমূহের সঠিক তালিকা সংকলন করতে গিয়ে গবেষণা-কুশল বন্ধুরাও বিপুল বোধ করেন। তাই তাঁর বিশ্বতপ্রায় রচনাসমূহ ও বিলীয়মান স্মৃতিগুলিকে সঘনে আহরণ করাও তাঁর বন্ধুদের ও সাহিত্য-ভুরাগীদের একটি গুরুতর দায়িত্ব। সে দায়িত্ব এখন পালন না করলে পরবর্তী কালে তা আরও দুঃসাধ্য হবে। কারণ, বাংলাদেশে পাঠক-সাধারণের মনের সম্মুখে থেকেও এমন করে স্ব-সমাজের কৌতুহলদৃষ্টির অগোচর হয়ে যেতে বোধহয় আর কোনো সাহিত্যিক পারেন নি। অথচ ৩৩ ডিসেম্বরের শোক-যাত্রায় ও ৭ই ডিসেম্বরের শোকসভায় যেভাবে সাহিত্যিক ও যুবক সমাজে স্বতঃ উৎসাহিত বেদনায় মানিক বন্দ্যোপাধ্যায়ের উদ্দেশ্যে প্রণাম নিবেদন করেন তাতে স্পষ্টই বুঝা যায় মানিক বন্দ্যোপাধ্যায়ের প্রতিভা ও সৌহার্দ্য সামাজিক পুরস্কার ও অভিনন্দনের অপেক্ষা না রেখে কত গভীর ও নিবিড় ভাবে তাঁর দেশবাসীর ও সাহিত্যিক বন্ধুদের হৃদয় স্পর্শ করেছিল। অবশ্য আত্মায়তা ও কৃতজ্ঞতা প্রকাশের দু'টি পথ তাঁদের সম্মুখে এখনো উন্মুক্ত

আছে—মানিক বন্দোপাধ্যায়ের পরিবাব-পবিজনের প্রতি কর্তব্য-পালন তাদেৱ সামাজিক কর্তব্য, মানিক বন্দোপাধ্যায়ের সাহিত্য-প্রতিভাব সহিত তার স্বদেশবাসীৰ ও বিদেশীয়দেৱ পবিচষ-সাধন তাদেৱ সাহিত্যিক কর্তব্য। কাৰণ, সাহিত্যকেৰ অমৰ-সত্তা সাহিত্য-আলোচনাৰ সূত্ৰেই অমৰত্ব লাভ কৱে, শোকাভিভূত বন্ধুগণেৰ পক্ষেও তা স্মৰণীয়। শ্ৰদ্ধা ও দায়িত্বেৱ সহিত সমকালীন সাহিত্যিকগণ সে কর্তব্যপালনে অগ্ৰসৰ হলে সেই সাহিত্যিক কর্তব্যই পালন কৱবেন।

॥ ১ ॥

বহু শিখিল প্ৰয়োগ সত্ত্বেও ‘জিনিয়াস’ বা ‘প্রতিভা’ কথাটাৰ একা গভীৰ তাৎপৰ্য আছে। নৈসৰ্গিক সত্ত্বৰ মতোই কচিং তাৰ আবিৰ্ভাৰ, এবং তৰ্কাতীত তাৰ প্ৰকাশ। এ সহজাত কবচকুঙ্গল নিয়ে শ্ৰেষ্ঠ সাহিত্যকেবাও অনেকেই জন্মেন না। তবু ‘জিনিয়াস’ বা ‘প্রতিভা’ ছাড়া মানিক বন্দোপাধ্যায়েৰ সৃষ্টিশক্তিকে আৱ কিছু বলাৰ উপায় নেই। তাৰ অশাস্ত্ৰ প্ৰাণশক্তি ও প্ৰাণঘাতী পৰিণামেৰ দিকে তাকিয়ে এই কথাই মনে হয়—এ শুধু প্রতিভা নয়, এ তাৰ প্ৰকৃতি। এই তাৰ নিয়তি। সেই সঙ্গে তাই এই কথাও মনে হয়—এ প্রতিভা আত্মসচেতন প্রতিভা নয়, আত্মবিচাৰ ও আত্মগঠন এ প্রতিভাৰ ধৰ্ম নয়।

ইউৰোপীয় ভাষায় যে দুজন্ধ শক্তিকে ‘ডীমন’ বলে অভিহিত কৰা হয়, আমৱা তাকে কি নাম দিতে পাৰি জানি না। সৰ্বনীতি-নিয়মেৰ অতীত মেট মানসশক্তি বেন নি’জট একমাত্ৰ নিয়ম, নিয়তিৰ মতোই সে অলজ্য ও অনিবায়। সে শুধু সামাজিক নীতি-নিয়মেৰ অতীত নয়। যাকে সে আশ্রয় কৰে তাৰ দৈহিক মানসিক সমস্ত জীবনকেই সে কৰলিত কৱে একমাত্ৰ আপনাৰ অমোৰ উদ্দেশ্য সিদ্ধ কৰিয়ে নেয়। অলৌকিকতায় বিশ্বাসীৱা তাকে ‘ডেভিল’ বলতে পাৱেন, আৱ আমাদেৱ অদৃষ্টবাদেৱ দেশে বিমৃঢ হতাশায় আমৰা তাকে ‘নিয়তি’ও বলতে পাৱি। ‘মেফিস্টোফিলিসে’ৰ কৰ্পকেও

আমাদের বুদ্ধিগ্রাহ করে তুলতে পারে কবিকল্পনা—সেই ক্ষুর নিষ্ঠুর শক্তি
যাকে কবলিত করে দানবীয় ঐশ্বরের বিদ্যুচ্ছটায় বিচ্ছুরিত হয় তার নানা
রীতি। আব সেই বিদ্যুজ্জালাতেই বল্সে ধায় তার দেহ, তার মন, তার
আত্মা। কিন্তু এ ক্লপকেও আমাদের প্রয়োজন নেই। আমরা এ শক্তিকে
'প্রকৃতি'ও বলতে পারতাম. 'প্রবৃত্তি'ও বলতে পারতাম; কিন্তু 'প্রতিভা' বলেই
এ ক্ষেত্রে আমরা তাকে স্বীকার করতে বাধ্য। আর তাব স্বরূপ বুঝলে
বলতে পারি—এ হচ্ছে 'বিদ্রোহী প্রতিভা'—বিদ্রোহেই ধার আত্মপ্রকাশ,
আর তাই আত্মনাশ ধার আত্মপ্রকাশেরই প্রায় অপরিহার্য অঙ্গ।

বাঙালা-সাহিত্যে 'বিদ্রোহী প্রতিভার' সঙ্গে আমাদের আরও সাক্ষাত্কার
না ঘটেছে তা নয়। আমরা মাইকেলকে জানি, নজরুলকে দেখেছি।
মানিক বন্দ্যোপাধ্যায়ও ছিলেন তাঁদের সগোত্র। আত্মরক্ষার বুদ্ধি এঁদের
নেই, এঁদের অশাস্ত্র প্রতিভাকে আত্মবিনাশ থেকে বিবত করে এমন সাধ্যও
কাবো হয় না। অবশ্য একই গোত্রের হলেও এঁরা প্রত্যেকেই অতুর,
শ্রষ্টা মাত্রই যেমন বিশিষ্ট। তা ছাড়া দেশকালের ষোগায়োগ নানা ক্লপেই
প্রত্যেকের পার্থক্য স্ফুচিত করে তোলে।

॥ ২ ॥

প্রতিভার জন্ম-রহস্য আজও অজ্ঞাত, পিতৃমাতৃ-পরিচয়ে তার স্মৃতিসন্ধান
করা বুথা। ১৯০৮-এই হোক বা ১৯১০-এই হোক, মানিক বন্দ্যোপাধ্যায়
যখনি জন্মে থাকুন, ভদ্র শিক্ষিত পবিবাবের বৈজ্ঞানিক মনীমাসম্পন্ন তাঁর
অগ্রজদেব কথা উল্লেখ করেও তাঁর প্রতিভার পরিচয় দান কৰা সম্ভব হয় না।
ববং পদ্মাতীরে তার পৈতৃক বাসভূমি ও পিতৃ-কর্মোপলক্ষে নানা অঞ্চলের
সঙ্গে তাঁর অচিবিশ্বায়ী পরিচয়,—এই পরিবেশের স্থুল বা স্মৃতি চিহ্ন মানিক
বন্দ্যোপাধ্যায়ের দুর্দান্ত প্রাণশক্তিতে ও তাঁর অস্থির, নির্মাণিক শিল্প-চেতনায়
সঙ্গান করা যেতে পারে। অবশ্য প্রতিভার গতি-প্রকৃতি ও শুধু পরিবেশের
আকরিক বিচার দ্বারা (এনভাইরনমেণ্টালিজম্-এর সূত্রে) বুঝা ধায় না,

প্রতিভাবঙ্গ নিজস্ব প্রকাশ সীতি আছে। না হলে পদ্মাতীরের মানিক
বন্দোপাধ্যায় রবীন্দ্রনাথেরই মত

‘হে পদ্মা আমাৱ,

তোমায় আমায় দেখা কত শতবার

বলে অপূর্ব রহস্যাবেশে কৃতার্থ হতে পাৱতেন ; ‘পদ্মানন্দীৰ মাৰ্বি’ লিখবাৱ
কথা ঠাঁৰ মনেও উঠত না। কিংবা, রাচেৱ-গ্ৰামে-প্ৰাস্তৱে আপনাকে তিনি
তেমনি উদাস দৃষ্টিতে হারিয়ে ফেলতে পাৱতেন ‘গ্ৰামছাড়া ওই রাঙা
মাটিৰ পথে’। এইন্দুপ অবকাশ মানিক বন্দোপাধ্যায়েৰ যে ঘটে নি, তাৱ
প্ৰথম কাৰণ—ঠাঁৰ প্ৰতিভা সম্পূৰ্ণ ভিন্ন গোত্ৰে—ৱৰীন্দ্ৰনাথেৰ প্ৰতিভাৱ মতো
তা স্বসংহত প্ৰতিভা নয়, স্বৰ্মায় ঘাৱ অধিষ্ঠান, অপ্ৰমত্ত সাধনায় যা আপনাকে
প্ৰকাশিত কৱবে। কাল ও দেশেৰ সঙ্গে ঘাত-প্ৰতিঘাতে ঝাঁৱা আপন
ব্যক্তি-প্ৰকৃতিৰ সামঞ্জস্য সাধন কৱতে কৱতে আপন ব্যক্তিস্বৰূপকে আবিষ্কাৱ
কৱতে পাৱেন, প্ৰতিষ্ঠিত কৱতে পাৱেন, এবং নব-নব প্ৰকাশে নিজ শক্তিকে
বিকশিত কৱে তুলতে পাৱেন, তেমনি সম্পূৰ্ণ ও আত্মগঠন-সমৰ্থ প্ৰতিভা
মানিকেৰ ছিল না। ঠাঁৰ প্ৰতিভা—বিদ্রোহী প্ৰতিভা। বিদ্রোহৈ তাৱ
মূল প্ৰকৃতি। তাই পৱিবেশেৰ ঘাত-প্ৰতিঘাতে একদিকে নব-নব স্পৰ্ধায় তা
স্পৰ্ধিত হয়ে উঠেছে অন্য দিকে সেই স্পৰ্ধাৰ স্মৃত্ৰেই আপনাকে দীৰ্ঘ-বিদীৰ্ঘ
কৱেছে, উৎসাৱিত ও বিচ্ছুৱিত কৱে দিয়েছে। এই স্মৃতীৱ প্ৰকাশ যেমন
সেই প্ৰতিভাৱ ধৰ্ম, এই প্ৰচণ্ড বিনাশও তেমনি সেই প্ৰতিভাৱ ধৰ্ম। এ জন্মই
মনে হয়, প্ৰকৃতিৰ বুঝি এৱ নিয়মি, ‘ক্যারেকটাৱ ইজ ডেষ্টিনি’।

কিন্তু প্ৰতিভাৱ গতিপ্ৰকৃতি বিচাৱে দ্বিতীয় সত্যাটও একপক্ষে স্বীকাৰ্য।
বিশেষ বিশেষ পৱিবেশে এই প্ৰতিভাৱ গতি-প্ৰকৃতি কতকাংশে নিৰ্ধাৱিত
হয়ে উঠে, তাতে ভুল নেই। এজন্মই মাইকেল বানজকুলেৰ সঙ্গে একদিকে
সগোত্ৰ হলেও মানিক বন্দোপাধ্যায় স্বতন্ত্ৰ—মাইকেল উনবিংশ শতকেৱ
জাগৱণেৰ যুগে যে আশা-উদ্দীপনায় অফ্ৰিৱ হয়ে উঠেছিলেন তাতে ঠাঁৰ

বিদ্রোহী প্রতিভা বিপ্লবী প্রতিভায় উল্লীল হতে পেরেছিল। আবাদের কলোনিয়াল জীবনের সংকীর্ণতায় ও মানিতে তা অতি অল্পকালের মধ্যেই আপনার গ্রিশ্ম খুইয়ে ফেলে; তারপর থেকে মাইকেল নিষ্পত্তি। শুধু ‘আশার ছলনে ভুলি কি ফল লভিত্ব হায়’ বলে সেই বিরাট প্রতিভা জলে পুড়ে থাকহয়ে গেল। নজরুলও বিংশ শতকের মানবমুক্তির একটা মহালগ্নকে আশ্রয় করে একবারের মত এমনি বিপ্লবী চেতনায় আপন বিদ্রোহী প্রতিভাকে উদ্বৃত্ত করতে চেয়েছিলেন কিন্তু কাল সংঘাতে তা সম্ভব হয় নি। বিদ্রোহী কবির আত্মদ্রোহী রূপটি ক্রমে তাকে আচ্ছন্ন করে ফেললে।

যুগ-সংকটের সেই তীব্রতর লগ্নে মানিক বন্দ্যোপাধ্যায়ের আবির্ভব তখন আর সাময়িক ভাবেও এক্লপ মহৎ আশায় প্রবৃক্ষ হওয়া সম্ভবপর ছিল না। বিংশ শতকের ১৯২৫ থেকে ১৯৩৫ পর্যন্ত কালটি বিশ্বসংকটেরও একটি তমিশ্বা-ঘন পর্ব। বিচক্ষণ বৈজ্ঞানিকের—সোবিয়েত সাম্যবাদ “এক মূলন সভ্যতা ?”—এ প্রশ্ন অবশ্য উদ্বিদিত হয়েছে। কিন্তু পৃথিবী-ব্যাপী তখন আর্থিক সংকট, ফ্যাশন্স-দানবতার তখন দাপট। মানিক বন্দ্যোপাধ্যায়ের স্বদেশে ও সাহিত্যেও তখন পর্বটা শুধু রবীন্দ্রনাথ-শরৎচন্দ্রের পর্ব নয়। ইউরোপের প্রথম যুদ্ধের পর্বের অশ্রদ্ধাকে (সিনিসিজ্ম) বাঙালী নাকী স্বরে ও বর্ণচোরা ভাবালুতায় ঢালাই করছিলেন অতি-আধুনিক সাহিত্যিকরা—নকল হলেও এটা একটা পর্ব-লক্ষণ। কারণ প্রতিবাদের স্বর সার্থক ভাবে তুলেছিলেন শৈলজানন্দ, প্রেমেন্দ্র প্রমুখ লেখক-গোষ্ঠী। কৃতী তরুণ লেখকেরা অনেকেই সন্ধান করছিলেন কৃতিত্বের পথ, কিন্তু যুগের নিজস্ব রূপ বা নিজেদের বাণীরূপ তখনো তাদের চেতনায় প্রতিভাত হয়নি। বরং রবীন্দ্রনাথের প্রতিভাই আপনার নবীন বিকাশে তরুণদের সেই অসংবন্ধ প্রতিবাদ-প্রয়াসকে লজ্জা দিয়ে সার্থক হয়ে উঠল কাব্যে, উপন্যাসে। অন্ত দিকে বিভূতিভূষণ বন্দ্যোপাধ্যায়ের মত শ্রষ্টা সাহিত্য-ক্ষেত্রে তার অকৃত্তিম জীবনবোধ ও বিশ্বাসের পাত্র নিয়ে উপস্থিত হয়ে সেই বিক্ষেপ ও প্রতিবাদের স্বরকে যেন

মিথ্যা বলে প্রমাণ করে দিতে চাইলেন। কিন্তু যে বিক্ষোভ শতাব্দীর মাঝীতে মাঝীতে জমেছে,—দেশের পাঁজরে পাঁজরে ঘার দাগ পড়ে,— তা এভাবে মিথ্যা হয়ে যাব না এ কথা বলাই বাহ্ল্য। মানিক বন্দ্যোপাধ্যায় সাহিত্য-ক্ষেত্রে আবিভূত হন এই সত্যকেই ঘোষণা করে—রবীন্দ্রনাথের সৌন্দর্য-সূষ্মাবাদে আর তার কুলোয় না। অতি-আধুনিকের প্রতিবাদ এবার নাস্তিকোর বিজ্ঞাহে ক্লপায়িত হল। আর মানিকের বিজ্ঞাহী প্রতিভা যুগের সেই সঞ্চিত বিক্ষোভকে যে ক্লপদান করলে তা বাঞ্ছা সাহিত্যে তার পূর্বে বা পরে এখন পর্যন্ত আব কারও দ্বারা সম্ভব হয়নি। কারণ প্রতিভার অধিকারী আর কেউ সে যুগ্য-ব্যাধিকে এমন করে অনুভব করতে পরেন নি।

কিন্তু এইটিই মানিক বন্দ্যোপাধ্যায়ের শেষ কথা নয়। সত্যতার সেই শব-ব্যবচ্ছেদ-সূত্রেই এই সত্যেরও আভাস পান লেখক—শবটাই সব নয়। শব শুধু জীবন-হীন দেহ। আর জীবন একটা পরমাশৰ্ষ সত্য,—তাঁর বিজ্ঞাহী প্রতিভা তাঁকে মানতে না চাইলেও সে সত্যই ধাকবে। এইখান থেকে মানিক বন্দ্যোপাধ্যায়ের সাধনার দ্বিতীয়ার্ধের সূচনা। বিজ্ঞাহী প্রতিভার বিলক্ষে বিজ্ঞাহ মানবতায় বিশ্বাসী লেখকের। জীবনে ও মানবতায় বিশ্বাস নিয়ে ১৯৪৩-এর প্রারম্ভ থেকে তিনি চাইলেন নবজীবনবাদের ভিত্তিমূল সূচনা করতে। তাঁর বিজ্ঞাহী প্রতিভাকে চাইলেন বিপ্রবী প্রতিভায় ক্লপাস্ত্রিত করতে। সাঁরা মানিক-প্রতিভার স্বরূপ উপলক্ষ করতে পেরেছেন তাঁরাই বুবাবেন একত বড়, বিরাট ও দুর্জ্য সাধনা। তাঁর প্রতিভাবই একাংশের সঙ্গে তাঁর আত্মার এই দ্বাদশবর্বব্যাপী অঙ্কাস্ত সংগ্রাম। আর তাঁরাই সশ্রদ্ধ হৃদয়ে মানিক বন্দ্যোপাধ্যায়ের এই শেষপর্বের সাধনাকে অভিনন্দিত করবেন —মৃত্যু থেকে অমৃতে পৌঁছুবার প্রয়াস জীবনেরই মূল বাণী।

॥ ৩ ॥

১৯২৮ (ইং) সনের ষে দিনটিতে ঘটনাক্রমে ‘অতসী মামী’ গল্পটি লিখিত হয়

এবং অজ্ঞাতনামা লেখকের সে গল্প (বিচিত্রা, ১৩৩৫ সালের পৌষ সংখ্যায়) প্রকাশিত হয়, সেদিন থেকেই মানিক বন্দ্যোপাধ্যায়ের প্রতিভার প্রকাশ-পথও আবিষ্কৃত হয়ে পড়ে। এমন সত্য কথা আর নেই—পরবর্তী আটাশ বৎসরে “অন্ত কিছু তিনি করেন নাই, চেষ্টা করিয়াও করিতে পারেন নাই।” তার প্রতিভা তাঁকে নিঙ্কুতি দেয়নি, জীবনের শত আবর্তে তাঁকে বিক্ষিপ্ত উৎক্ষিপ্ত করেও আমরণ সাহিত্যের স্ফট-শ্রোতৃতেই একুলে-ওকুলে ভাসিয়ে নিয়ে যায়।

প্রথম গল্প ‘অতসী মামী’ ও প্রথম প্রকাশিত উপন্থাস ‘জননী’তে (১৯৩৫, মার্চ) বাঙ্গলা কথা-সাহিত্যের পরিচিত পরিমণ্ডলের সঙ্গে মানিক বন্দ্যো-পাধ্যায়ের প্রতিভার ঘোগস্ত্র খুঁজে পাওয়া যায়। কিন্তু সে প্রতিভা প্রায় তখনই তার নিজস্ব খাত আবিষ্কার করে ফেলেছে। ‘অতসী মামী’ নামক প্রথম গল্প-সংগ্রহও এসময়েই (১৯৩৫, আগস্ট) প্রকাশিত হয়। তার দশটি গল্পের মধ্যে আছে ‘সপিল’, ‘আন্ধত্যার অধিকার’ প্রভৃতি মানিক-প্রতিভার অভ্রাস্ত স্বাক্ষর সম্বলিত গল্প। কিন্তু তারও পূর্বে তাঁর ‘দিবাৰাত্রিৰ কাব্য’র প্রাথমিক পরিকল্পনা ও আদি-লিখন (১৯২৯ ? ১৯৩১ ?) শেষ হয়েছে। ‘সৱীস্মপ’ প্রভৃতি গল্প (বঙ্গশ্রী ১৩৪০ বাঁ আশ্বিন) রচিত হয়েছে এবং মানিক বন্দ্যোপাধ্যায়ের ছনিবার্ষ প্রতিভা (বাঁ ১৩৪১ এ বঙ্গশ্রীতে) ভাঙাগড়ার স্মতে মানিক বন্দ্যো-পাধ্যায়ের অস্থির মনকে ভেঙে গড়ে যে কৌ রূপ দান করতে চলেছে, তা পরিষ্কার হয়ে উঠেছে। ১৯৩৫ (ডিসেম্বর) সনেই ‘দিবাৰাত্রিৰ কাব্য’ও গ্রন্থাকাব্যে প্রকাশিত হয়। গ্রন্থকারৰূপে মানিক বন্দ্যোপাধ্যায়ের আবির্ভাব তাই এই বৎসরেই। ১৯২৮ থেকে ১৯৩৪-এব মধ্যেই তাঁর শিক্ষানবিশী শেষ হয়েছে। তাঁর সাহিত্যদৃষ্টি যে বাঙ্গলা সাহিত্যে অভিনব সে বিষয়ে ১৯৩৫ এ মানিক বন্দ্যোপাধ্যায়ের মনেও সংশয় নেই। ‘অতসী মামী’ গ্রন্থের ভূমিকায় লেখক জানাচ্ছেন, “‘অতসী মামী’ আমাৰ প্রথম রচনা। তাৰপৰ লেখাৰ অনেক পৱিত্রতন হয়েছে। সেটা স্পষ্ট বোৰা যাবে।” ‘দিবাৰাত্রিৰ কাব্য’ৰ নিবেদনাংশ

আরও উল্লেখযোগ্য—“দিবাৱাত্তিৰ কাব্য পড়তে বসে যদি কথনো মনে হয়,
বইখানা থাপছাড়া, অস্বাভাবিক (তা না মনে হয়ে পারে না—লেখক) —তখন
মনে রাখতে হবে এটি গল্প ও নয় উপন্থাসও নয়, কৃপক-কাহিনী। কিন্তু লেখক এ
কথায়ও স্মৃতিৰ বোধ করেন না, কাৰণ এক অৰ্থে সমস্ত উপন্থাসই তো কৃপক,
কোনো জীবনসত্ত্বেৰ কৃপদান। আৱ অন্ত অৰ্থে, কৃপক কথনো উপন্থাস হতে পারে
না। কৃপকেৱ সাধাৱণকৃত রীতিতে মানব সত্যকে চেলে সাজলে ‘চৱিত্’ তাৱ
বৈশিষ্ট্য হাৱায়। লেখক তাই ‘কৃপক কাহিনী’ বলেই আবাৱ বলছেন,
ৱপকেৱ এ একটা নৃতন কৃপ। একটু চিন্তা কৱলেই বোৱা যাবে, বাস্তব
জগতেৰ সঙ্গে সম্পর্ক দিয়ে সীমাবদ্ধ কৱে দিলে মানুষেৰ কতগুলি অনুভূতি যা
দীড়ায়, সেগুলিকেই মানুষেৰ কৃপ দেওয়া হয়েছে। চৱিত্ৰগুলি কেউ মানুষ
নয়, মানুষেৰ Projection মানুষেৰ এক এক টুকুৱো মানসিক অংশ।”

‘দিবাৱাত্তিৰ কাব্য’ই মানিক প্রতিভাৱ প্রথম ও বিশিষ্ট নিৰ্দশন। তাই এ
কাব্যেৰ এই নিবেদনাংশটুকুকে স্বত্বে বিশ্লেষণ কৱা প্ৰয়োজন। সেই
বিশ্লেষণে দেখতে পাই—প্ৰথমত, মানিক বন্দ্যোপাধ্যায় সচেতনভাৱে তাৱ
ৱচনাৰ গোষ্ঠীবিচাৰে কত অসমৰ্থ। এ কাহিনীৰ জন্ম ও বিকাশ, ভাঙা গড়াৱ
ইতিহাস (শ্ৰীসড়নীকান্ত দাসেৰ ‘আত্মস্মৃতি’ ২য় খণ্ডে তা লিখিত হয়েছে)
জানলে বেশ বুৱা যায়—মানিকেৱ প্রতিভা তাঁকে আশ্রয় কৱে কিভাৱে এ
কাহিনীৰ কথা-অংশ গড়ে তুলেছে। কিভাৱে তাৱ কৃপ রীতি নিৰ্ণীত কৱে
ফেলেছে। মানিকেৱ শিল্পীসম্বা আত্মসচেতন না হয়ে আত্মনিবেদনেই দুৰ্জন্ম
শক্তিৰ অধিকাৰী।—মানিক-সাহিত্যেৰ বিচাৰকালে এই মূল সত্যটি পৱৰীক্ষা
কৱাৱ মত কাৰণ বাৱবাৱ জুটিবে।

দ্বিতীয়ত, মানিক বন্দ্যোপাধ্যায়েৰ শিল্পৰত্তীৰ স্বপৰিচিত বাস্তবপদ্ধতি
নয়—মানুষকে বিশিষ্ট মানুষকে আশ্রয় কৱে তিনি চৱিত্-সৃষ্টিতে অগ্ৰসৱ হননি
বৱং অনুভূতিকেই আশ্রয় কৱে—অমৃত ধাৰণাকে গ্ৰহণ কৱে—তাকেই মানব-
চৱিত্ৰকুপে মৃত্যু কৱতে চেয়েছেন। তাৱ চৱিত্ৰগুলি কেউ মানুষ নয়, মানুষেৰ

Projection। সাবজেক্ট বা বিষয় থেকেই তিনি বিষয়ীকে চিনতে চান।
ভাব থেকে যান ক্লপে।

তৃতীয়ত, এই সাধারণীকৃত সূত্র বা ভাব-উপাদানকেও তিনি সম্পূর্ণক্লপে
গ্রহণ করেন নি। তিনি গ্রহণ করেছেন “মানুষের এক-এক টুকরো মানসিক
অংশ”—সম্পূর্ণ ভাব-জীবনও নয়, ভাব-জীবনের একটা খণ্ডাংশ।

কোন লেখকের প্রথম প্রকাশিত কোনো এক গ্রন্থের বক্তব্য থেকে এত
বড়ো সিদ্ধান্তে উপনীত হওয়া নিশ্চয়ই অসমীচীন। কিন্তু এ বক্তব্যের মধ্য দিয়ে
মানিক-প্রতিভার আকর্ষণ আমাদের নিকট স্পষ্ট হয়ে ওঠে বলেই এর গুরুত্ব।
মানিক-প্রতিভার দু'একটি সুপরিচিত দৃষ্টান্ত দিয়ে কথাটা পরিষ্কার করছি।
পৃথিবীর সাহিত্যে এগুলির স্থান স্বীকার করতেই হবে।

মানিক বন্দেয়াপাধ্যায়ের ‘প্রাগৈতিহাসিক’ (১৯৩৭ এ গ্রন্থকারে প্রকাশিত)
অন্ততম। মানিকের নাট্যিক-প্রতিভারও তা একটা বিশিষ্ট প্রমাণ। কথা
বস্তুর দিক দিয়ে দেখতে গেলে এ গল্প একটা বীভৎস রোমাণ্টিক কাহিনী।
একে বাস্তব বলা অসাধ্য। আর ভাববস্তুর দিক থেকে এর বক্তব্য পরিষ্কৃট।
গল্পের উপসংহারে—পাঁচীকে পিঠে লইয়া ভিথু যেখানে জোরে জোরে পথ
চলিতেছে :

“দূরে গ্রামের গাছপালার পিছন হইতে নবমীর চাঁদ আকাশে উঠিয়া
আসিয়াছে। ইশ্বরের পৃথিবীতে শান্ত স্ফুরতা।

“হয়ত শুই চাঁদ আর এই পৃথিবীর ইতিহাস আছে। কিন্তু যে ধারা-
বাহিক অঙ্ককার মাত্রগর্ত হইতে সংগ্রহ করিয়া দেহের অভ্যন্তরে লুকাইয়া
ভিথু ও পাঁচী পৃথিবীতে আসিয়াছিল এবং যে অঙ্ককার তাহারা সম্মানের
মাংসল অবেষ্টনীর মধ্যে গোপন রাখিয়া যাইবে তাহা প্রাগৈতিহাসিক।
পৃথিবীর আলো আজ পর্যন্ত তাহার নাগাল পায় নাই, কোন দিন পাইবেও
না।”

বৈজ্ঞানিক সত্য হিসাবে এই মন্তব্য অচল। মানব-প্রকৃতি যে অর্থে

অপরিবর্তনীয়, সে অর্থটি অঙ্গীকার করার প্রয়োজন নেই। কিন্তু মাঝুষ শুধু প্রাচীতিহাসিক ক্রুরতার জালে আবক্ষ পশ্চ নয়, এ কথা আমরা সকলেই জানি। মানবতা বলতে আমরা আজ যা বলি তাও তার ধর্ম, এবং সে ধর্মই দিনে দিনে নব বোধে নবায়মান। তাই মাঝুষকে প্রাচীতিহাসিক প্রমাণ করবার জন্ম প্রথমত অনুভূতির কয়েকটা খণ্ডকেট লেখক পাঁচটি ভিত্তি ক্রমে দাঢ় করিয়েছেন,—অঙ্গুত প্রতিভায় সেই রোমান্টিক আধ্যানে সত্যাভাস সংমোগ করেছেন। দ্বিতীয়ত, তিনি একটি খণ্ড-সত্যকে—এমন কি অপ্রধান সত্যকে,—সমগ্র সত্য বলে গ্রহণ করেছেন। এ গল্পের অনঙ্গীকার্য-সার্থকতা এই যে, প্রতিভা এমন নিঃসংশয়ে এই খণ্ড-সত্যকে উদ্ঘাটিত করেছে যে, শত সত্ত্বেও কেউ অঙ্গীকার করতে পারবে না যে, এ প্রাচীতিহাসিক হিংস্রতা আমাদেরও গহন মনের কোনো গহনের লুকায়িত নেই। অর্থাৎ যে অংশটি আমাদের সচেতন মনের অগোচরে, সে অংশটা আমাদের চেতনালোকে অনুভূত হয়ে উঠল।

ঠিক একথাই বলা চলে তাঁর আরও ভয়ঙ্কর গল্প ‘সরীসৃপ’ সমুক্তে। তাঁর অনায়াস বর্ণনা-ভঙ্গির মধ্যে যে শিল্পকুশলতা মিলিয়ে আছে তা প্রত্যক্ষ হয়ে উঠে দুর্ভার পীড়নে যেখানে হেমলতার প্রশ্নে,—‘হারে ভুবনের কোনো খোজ করলি না?’—বনমালী বলে, ‘আপনি গেছে, যাক।’

এর পরে হয়তো মন্তব্য শিল্প-নিয়মে দোষাবহ—যদি না সে মন্তব্য হয় এমন নির্মম :

“ঠিক সেই সময় মাথার উপর দিয়া একটা এরোপেন উড়িয়া যাইতেছিল। দেখিতে দেখিতে সেটা ঝুলুবনের উপরে পৌছিয়া গেল। মাঝুষের সঙ্গ ত্যাগ করিয়া বনের পশ্চরা যেখানে আশ্রয় লইয়াছে।”

নাস্তিক্য-প্রতিভার এমন উক্তি আর কচিং দেখা যায়। কিন্তু কে না জানে এ উক্তি অধ-সত্য নয়, বাবো আনা মিথ্যার সঙ্গে বড় জোর চার আনা সত্ত্বের ভেজাল? অথচ সম্ভব গল্পটি যে চতুরতার সঙ্গে বিবৃত হয়েছে,

নিরাসক শিল্প-দৃষ্টিতে তার হিংস্রতা ও ক্লেোস্ক পর্যাম একের পর এক উদ্ঘাটিত হয়েছে, তাতে সভ্যতার বিকল্পে এই বিজ্ঞপ্তি-শাণিত বক্রোক্তি মোটেই অসঙ্গত বোধ হয় না। কিন্তু মানবতাও মিথ্যা নয়, মানুষের সভ্যতাও যে মানুষকে সুস্থিত জীবন-বোধেই জাগ্রত করছে তাতেও সন্দেহের কারণ নেই। ক্ষয়িকুও সভ্যতার ক্ষয়ও একমাত্র সত্য নয়, সঙ্গে সঙ্গে নবজন্ম তাতে আছে। সমগ্র মানুষকে গ্রহণ না করে মানুষের এক-এক টুকরো মানসিক অংশকে গ্রহণ করলে মিথ্যাই এইরূপে সত্য হয়ে উঠতে চায়। গল্পটি তথাপি এক অমোঘ সৃষ্টি—প্রতিভাই এই অমোঘতা দিয়েছে।

এ-তুলনায় ‘পুতুলনাচের ইতিকথা’ (১৯৩৬) ও ‘পদ্মানন্দীর মাঝি’তে (১৯৩৬) মানিক বন্দ্যোপাধ্যায়ের এই ‘নাস্তিক্য-প্রতিভা অনেকটা সুশৃঙ্খল। পদ্মাপারের যে কোনো লোক জানেন—পদ্মানন্দীর মাঝিরের জীবনযাত্রার দিক থেকে যে উপন্যাসের চিত্র অনেকাংশেই অযথাৰ্থ, বিশেষত হোমেন মিঞ্চার কলোনি-গড়ার আকাঙ্ক্ষা ঘেন অবিশ্বাস্য একটা রোমাঞ্চিক রচা কথা। কিন্তু উপন্যাসের এই দীর্ঘতর আঘাতনে এক-এক টুকরো মানসিক অংশ নিয়ে কাহিনী রচনা করা চলে না। তাই এই কাহিনীতে অসঙ্গতি ও গঠন-দোষ থাকলেও একটা সমগ্রতা আছে। আর, তাঁর অকৃত্মি প্রীতি ও সরসতা কাহিনীকে স্বাভাবিক ভাবেই জনপ্রিয় করে তুলেছে। প্রতিভা এখানে মানুষকে অনেকটা পথ ছেড়ে দিয়ে আপনার সার্থকতা আরও স্ফুরিষ্ট করে তুলতে পেরেছে।

‘পুতুলনাচের ইতিকথা’য়ও এই পরিমিত রংবোধ নিষ্ঠুর বিজ্ঞপ্তবোধে পরিণত হয় নি। মানুষ সেখানে শয়তানের খেলায় উপাদান ততটা নয় যতটা সে কামনা-বাসনার খেলার পুতুল। সেই পুতুলের জন্য বিজ্ঞপ্তেও লেখকের একটু ক্ষীণ অনুকম্পা আছে—হায়রে পুতুল! আর পুতুলই হোক, আর যাই হোক, উদ্ভুত, অদ্ভুত, উচ্ছৃঙ্খল, সাধারণ, অসাধারণ সকল খেলার মধ্য দিয়ে তারা প্রত্যেকেই যে মানুষ এই সত্যটা অধীক্ষার করবার মতো আক্রেশ তখনো মানিক বন্দ্যোপাধ্যায়ের প্রতিভাকে পেয়ে বসে নি। কিন্তু

ক্রমেই তা মানিক বন্দোপাধ্যায়কে পেয়ে বসে। ‘টিকটিকি’ (মিহি ও মোটা কাহিনী, ১৯৩৮) প্রভৃতি ছোটোগল্লে তা ক্রমেই স্বাসরোধী একটা আবহাওয়া সৃষ্টি করে করে চলে, চতুর্শোণের (১৯৩৮) মতো উপন্যাসে পর্যন্ত সেই ঘোন-প্রবৃত্তির বিকৃত বিস্তার দেখতে পাওয়া যায়। অবশ্য তার পুরৈ এই দ্বিতীয় অধ্যায়ের চাপা অঙ্ককার থেকে মানিক বন্দোপাধ্যায় আঞ্চোক্তারের পথ সঞ্চান করছিলেন। সে পথ তিনি বুদ্ধি দিয়ে জুড়ে দিয়ে আবিষ্কার করেন মার্ক্স বাদের আলোকে, কিন্তু তাঁর বিদ্রোহী প্রতিভা সে পথকে মানতে প্রস্তুত ছিল না—এবং শেষ পর্যন্তও এই প্রতিভা সে পথে তাঁকে স্বচ্ছন্দ পদে চলতে সহায়তা করে নি। ‘সমুদ্রের স্বাদ’ (১৯৪৩) প্রভৃতি গল্লের সময় থেকেই মানিক বন্দোপাধ্যায়ের এই নৃতন পথের সঞ্চান সম্ভবত আরম্ভ হয়। ‘সমুদ্রের স্বাদ’ দুঃখবাদে করুণ হলেও জীবন-সম্বন্ধে নৈরাশ্যেরই সৃষ্টি। ‘বৌ’ (১৯৪৩) ও ‘ভেজালে’র (১৯৪৪) অধিকাংশ গল্লও সেই জীবন-বিরূপ প্রতিভারই সৃষ্টি। ‘দৰ্পণে সেই নব প্রয়াস ও বিরূপ-চেতনার বাঁকা-চোরা প্রতিলিপিই পড়েছে।’ এই স্বদীর্ঘ সংগ্রামে মানিক বন্দোপাধ্যায় জয়ী হয়ে নিষ্কান্ত হবেন. এমন সন্তাননা হয়তো ছিল না। কারণ তাঁর প্রতিভা এই নৃতন ধর্মকে গ্রহণ করতে পারে না।

তথাপি তাঁর শক্তির স্বাক্ষর, অস্তুতশিল্প-কুশলতা নানা গ্রন্থেই দেখা গিয়াছে। এক-একবার মনে হয়েছে হয়তো প্রতিভাকে তিনি এবার কবলিতে করতে পারলেন,—যেমন, কোথাও কোথাও ‘আজ-কাল-পরম্পর গল্ল’ (১৯৪৬), ‘পরিস্থিতি’তে (১৯৪৬), ‘চিঙ্গ’ উপন্যাসে (১৯৪৭) ‘ছোট বকুলপুরের যাত্রী’তে (১৯৪৯), ‘সোনার চেয়ে দামী’র প্রথম ভাগে (১৯৫১) ‘পাশাপাশি’ উপন্যাসে (১৯৫২) ‘হরফ’ উপন্যাসে (১৯৫৪) ‘মাশল’ উপন্যাসে (১৯৫৬) এবং একপ আরও অনেক লেখায়। কিন্তু তাঁর ক্ষয়িষ্ণু দেহে ও ক্ষীয়মান প্রাণ সমস্ত সন্তাননা ও সংগ্রাম সমাপ্ত করে অবশেষে অকালেই নির্বাপিত হয়ে গেল।

এক জন্ম থেকে আর-এক জন্মে পৌছানো—এই জীবনের মধ্যে জন্ম-জন্মাস্তর ঘটানো—মানিক-প্রতিভার পক্ষে সম্ভব হল না কেন তা আমরা দেখেছি। হয়তো তা সম্ভব হত যদি মানিক বন্দ্যোপাধ্যায় অন্ত কোনো পথে এই জন্মাস্তর কামনা করতেন। যে গভীর বক্রদৃষ্টিতে তিনি সভ্যতা ও মানবতাকে অস্তঃসার হীন বলে চিনছিলেন, তা থেকে মুক্ত না হয়েও কোনো কোনো শিল্পী নিষ্কৃতি পান—দেবতার নামে আত্মনিবেদন করে, পাপোহম্পাপসন্তাবহম্ বলে শ্রীষ্টীয় পাপাত্মত্বতি ও ভগবদাত্মত্বতিতে। স্টেডফ্র্ড-শ্বিন্সের মতে, বা আধুনিক ইউরোপীয় ক্যাথলিক-বিশ্বাস-বাদী গ্রেহাম গ্রীন প্রভৃতি শিল্পীর মতে একটা পথ গ্রহণ করলে—মাতৃষকে অস্বীকার করে, জীবনকে প্রত্যাখ্যান করেও একটা ভাবলোকে আশ্রয় রচনা করা যায়। সেক্রপ আশ্রয় মানিক বন্দ্যোপাধ্যায়ের বিদ্রোহী প্রতিভাকেও পরিত্যাগ করত না। কিন্তু মানিক বন্দ্যোপাধ্যায় সেক্রপ আশ্রয় না চেয়ে চাইলেন পৃথিবীকে, জীবনকে, মাতৃষকে,—যে সবের বিরুদ্ধে তাঁর প্রতিভার বিদ্রোহ, যাদের বিরুদ্ধে অভিযানে তাঁর প্রতিভা পরিপূর্ণ। দেবতায় বা পারমার্থিক সত্ত্বে বিশ্বাস অনেক সহজ, কিন্তু মাতৃষে বিশ্বাস, সভ্যতায় বিশ্বাস অনেক দুশ্চর সাধনা-সাপেক্ষ। এ সাধনাকে গ্রহণ করে মানিক বন্দ্যোপাধ্যায় তাঁর মানবীয় সততার প্রমাণ ও শিল্প-সভার এক মহৎ ঐতিহ্য রেখে গিয়েছেন—যারা সাহিত্য বিশ্বাসী মানবতায় বিশ্বাসী তাদের জন্ম, রেখে গিয়েছেন পরাহত মানবাত্মা ও মাতৃষের এই জয়সন্ত্ত। *

গোপাল হালদার

[মানিক বন্দ্যোপাধ্যায় স্বতি-সংখ্যা ‘পরিচয়’ হইতে গৃহীত]

॥ মানিক বল্দ্যপাধ্যায়ের গ্রন্থপঞ্জী ॥

- ১। জননী, উপন্যাস, গুরুদাস চট্টোপাধ্যায় এণ্ড সন্স, ৭ মার্চ
১৯৩৫, পৃঃ ২৮৪ (সর্বপ্রথম প্রকাশিত গ্রন্থ) ।
- ২। অতসীমামী, গল্ল, ৭ আগস্ট ১৯৩৫, পৃঃ ২৬৭ ।
- ৩। দিবাৱাত্রিৰ কাব্য, উপন্যাস, ডিসেম্বৰ ১৯৩৫, পৃঃ ২০৪ ।
- ৪। পুতুলনাচেৱ ইতিকথা, উপন্যাস, ১৯৩৬ ।
- ৫। পদ্মানন্দীৰ মাৰ্কি, উপন্যাস, ২৮ মে ১৯৩৬ ।
- ৬। জীবনেৱ জটিলতা, উপন্যাস, নভেম্বৰ ১৯৩৬, পৃঃ ১৩১ ।
- ৭। প্রাগৈতিহাসিক, গল্ল, ১৭ এপ্ৰিল ১৯৩৭, পৃঃ ২২৪ ।
- ৮। অমৃতস্তু পুত্রাঃ, উপন্যাস, জুলাই ১৯৩৮, পৃঃ ২২০ ।
- ৯। মিহি ও মোটা কাহিনী, গল্ল, সেপ্টেম্বৰ ১৯৩৮ পৃঃ ১৬২ ।
- ১০। সৱীস্মৃতি, গল্ল, ১৭ আগস্ট ১৯৩৯, পৃঃ ১৭৬ ।
- ১১। সহৱতলী—প্রথম পৰ্ব, উপন্যাস, ১৯৪১, পৃঃ ২০৮ (?)
- ১২। সহৱতলী—দ্বিতীয় পৰ্ব ১৯৪১, পৃঃ ১৩৫ ।
- ১৩। বৌ, গল্ল, ১৯৪৩, পৃঃ ২৬৪ ।
- ১৪। সমুদ্রেৱ স্বাদ, গল্ল, সেপ্টেম্বৰ ১৯৪৩, পৃঃ ১৫২ ।
- ১৫। প্রতিবিষ্ট, উপন্যাস, পৃঃ ৯০ ।
- ১৬। ভেজাল, গল্ল, ১৯৪৪, পৃঃ ১৪৪ ।
- ১৭। দৰ্পণ, উপন্যাস, জুন ১৯৪৫, পৃঃ ৩২০ ।
- ১৮। হলুদপোড়া, গল্ল, ১৯৬৫ ।
- ১৯। সহৱবাসেৱ ইতিকথা, উপন্যাস, ফেব্ৰুয়াৱি ১৯৪৬ ।

- ২০। আজকাল পরশুর গল্ল, গল্ল, মে ১৯৪৬, পৃঃ ১৭০।

২১। ভিটেমাটি, নাটক, মে ১৯৪৬, পৃঃ ৯৬।

২২। চিন্তামণি, উপন্থাস, জুলাই ১৯৪৬, পৃঃ ১০১।

২৩। পরিষ্ক্রিতি, গল্ল, অক্টোবর ১৯৪৬, পৃঃ ১৬১।

২৪। চিহ্ন, উপন্থাস, জানুয়ারী ১৯৪৭, পৃঃ ১৯৬।

২৫। আদায়ের ইতিহাস, উপন্থাস, ১৯৪৭, পৃঃ ৮২।

২৬। খতিয়ান, গল্ল, ১৯৪৭, পৃঃ ১৪৯।

২৭। চতুর্ক্ষেণ, উপন্থাস, ১৯৪৮, পৃঃ ১৭৫।

২৮। মাটির মাশুল, গল্ল, ১৯৪৮, পৃঃ ১৬৩।

২৯। অহিংসা, উপন্থাস, ১৯৪৮, পৃঃ ২৬১।

৩০। ধর্মাবৌধা জীবন, উপন্থাস, পৃঃ ৯২।

৩১। ছোটবড়, গল্ল, ১৯৪৮, পৃঃ ১৫৩।

৩২। ছোট বকুল পুরের ঘাতী, গল্ল, ১৯৪৯, পৃঃ ৯২।

৩৩। জীয়ন্ত, উপন্থাস, জুলাই ১৯৫০, পৃঃ ২৫৬।

৩৪। মানিক বন্দ্যোপাধ্যায়ের শ্রেষ্ঠ গল্ল, গল্ল, জুলাই ১৯৫০,
পৃঃ ২৩৮

৩৫। মানিক গ্রন্থাবলী প্রথমভাগ, জুলাই, ১৯৫০, পৃঃ ২৩৬।

৩৬। পেশা উপন্থাস, ১৯৫১, পৃঃ ২০০।

৩৭। স্বাধীনতার স্বাদ, উপন্থাস, ২০ জুন ১৯৫১, পৃঃ ২৬১।

৩৮। সোনার চেয়ে দামী, উপন্থাস, জুন ১৯৫১, পৃঃ ১২৭।

৩৯। ছন্দ পতন, উপন্থাস, ১৯৫১, পৃঃ ১৬৬।

৪০। সোনার চেয়ে দামী ২য় খণ্ড, উপন্থাস, ১৯৫২, পৃঃ ২২৭।

৪১। মানিক গ্রন্থাবলী, দ্বিতীয় ভাগ, ১৯৯।

- ৪২। ইতিকথার পরের কথা, উপন্যাস, ১৯৫২, পৃঃ ২৬৫।
 ৪৩। পাশাপাশি, উপন্যাস, ১৯৫২, পৃঃ ২০৬।
 ৪৪। সর্বজনীন, উপন্যাস, ১৯৫২, পৃঃ ২৫২।
 ৪৫। আরোগ্য, উপন্যাস, ১৯৫৩, পৃঃ ১৮৪।
 ৪৬। তেইশ বছর আগে পরে, উপন্যাস, ১৯৫৩, পৃঃ ২৩৩।
 ৪৭। নাগপাশ, উপন্যাস, ১৯৫৩, পৃঃ ১৯৬।
 ৪৮। ফেরিওলা, গল্প, ১৯৫৩, পৃঃ ১৪৩।
 ৪৯। চালচলন, উপন্যাস, ১৯৫৩, পৃঃ ১১৩।
 ৫০। লাজুকলতা, গল্প, ১৯৫৪, পৃঃ ১৬০।
 ৫১। শুভাশুভ, উপন্যাস, ১৯৫৪, পৃঃ ২৬০।
 ৫২। হরফ, উপন্যাস, মে ১৯৫৪, পৃঃ ২৪৪।
 ৫৩। পরাধীন প্রেম, উপন্যাস, ১৯৫৫, পৃঃ ১৮৯।
 ৫৪। হলুদ নদী সবুজ বন, উপন্যাস, ১৯৫৬, পৃঃ ২৭৮।
 ৫৫। মানিক বন্দ্যোপাধ্যায়ের স্ব-নির্বাচিত গল্প, গল্প,

১৯৫৬, পৃঃ ২২৯।

- ৫৬। মাঞ্চল, লেখকের জীবিতকালে প্রকাশিত সর্বশেষ গ্রন্থ
 (উপন্যাস), অক্টোবর ১৯৫৬, পৃঃ ২১৪।
 || মৃত্যুর পরে প্রকাশিত ||

- ৫৭। প্রাণেশ্বরের উপাখ্যান, উপন্যাস, ডিসেম্বর

১৯৫৬ পৃঃ ১০৮।

- ৫৮। মাটি ঘেঁষা মানুষ, উপন্যাস, ১৯৫৭।

- ৫৯। লেখকের কথা।

শাস্তিলতার রঙ খুব কালো ।

গড়ন-পিটন আশ্চর্য রকম ।

খাঁটি ভীল সাঁওতাল মেয়েদের পর্যন্ত যেন হার মানিয়ে দিতে
পারে ।

এমন স্বাস্থ্য খুব কম দেখা যায় ।

খায় তো ডালভাত আর শাকচচড়ি ।

কী করে তার এমন স্বাস্থ্য হল—বড় বড় ডাক্তাররা মাথা
ঘামিয়ে তার হদিস পাবে বলে মনে হয় না ।

রোগ-ব্যারামেব ব্যাপারটা রোগ-ব্যারামের ব্যাপার ।

স্বাস্থ্যের ব্যাপারটা স্বাস্থ্যের ব্যাপার ।

ডাক্তারেরা যেন হিসেব করতে পারছে না ।

হিমসিম খেয়ে যাচ্ছে ।

এলোমেলো চিকিৎসা চালাচ্ছে ।

ডাক্তার ডাকার নামেই শাস্তি তাই রেগে উঠে :

—ডাক্তার দরকার নেই। নিজের অস্থি নিজেই সারিয়ে নেব।
ডাক্তার এসে করবে কী? মিকশার খাওয়াবে—দেড়টাকা ছটাকা
দাম নেবে মিকশারের। আমার দরকার নেই। ডাক্তার ছাড়াই
আমি দিবি সেরে উঠব।

মনোলতার বড় ছেলে ডাক্তার।

ছেলের বিয়ে দিয়েছে মনোলতা।

বৌ তার পছন্দ হয় নি।

একেবারে যেন খুশীমুখী খেয়াল-খুশী ইয়ার্কি-মারা মেয়ে।

এমনভাবে চলাকেরা করে যে মনে হয় তারাই বুঝি আকাশচারী
দেবতার সামিল।

দেবতা!

রক্তমাংসের মানুষ।

মানুষকে বোকা বুঝিয়ে দেবতা হতে চায়।

মানুষ এ ইয়ার্কি সহ করতে রাজী হয় না।

তাই বেধে যায় সংঘাত।

সংঘাতে সংঘাতে ফাটিফাটি বাধে।

শাস্তিলতার বাবা চন্দ্রনাথেরও মরণ ঘটেছিল ওইভাবে।
চিকিৎসা চালাবার চেষ্টা। সেই সঙ্গে চিকিৎসা বাতিল করার
অপচেষ্টা।

কী করবে ভেবে পায় নি ডাক্তার।

মরবে জানা কথাই।

যথাসময়ে যথানিয়মে মানুষ মরবে, সেটা ঠেকাবার সাধ্য
কারও নেই।

আরও তিন-চার বছর বাঁচিয়ে রাখতে পারত। সেটা সম্ভবপর
ব্যাপার।

অর্ধেন্দু সে-ই চেষ্টাই করেছিল।

ইনজেকশন দিয়েছিল একুশটা।

তবু চন্দ্রনাথ মরে গেল, হার্টফেল করে।

অর্ধেন্দু ছুটে আসে।

মৃতদেহটা পরীক্ষা করে।

বলে, ব্যাপার তো ঠিক বুঝতে পারছি না। হার্ট তো ভালোই
দেখে গিয়েছিলাম।

শাস্তিলতা বলে, চলেই তো যেতেন—কেবল তু-এক বছর
আগে-পরের ব্যাপার।

অর্ধেন্দু বলে, না তু-এক বছর বাঁচিয়ে রাখাই আমাদের কাজ।
হঠাতে কেন হার্টফেল হল বুঝতে পারছি না। বুঝতে না পারার
দোষটা আমার।

রোগটা গোড়ায় ছিল এক রকম। বাড়তে বাড়তে একেবারে অন্ত দিকে মোড় নিল।

ভালো মানুষ, সুস্থ মানুষ, খায়-দায়, সংসার চালাবার ধান্দায় নানান তালে ঘুর বেড়ায়।

হঠাতে এক-একদিন গুম মেরে গিয়ে ঘরের দক্ষিণের কোণটিকে আশ্রয় করে, কেউ টেনে বার করতে পারে না।

স্নান নেই, আহার নেই, মুখে একটি কথা নেই। স্থির হয়ে কৃষ্ণচূড়া গাছটার দিকে কঠিন দৃষ্টি মেলে চেয়ে থাকে।

হঠাতে রাতছপুরে কলতলায় গিয়ে হড়হড় করে মাথায় বালতি বালতি জল ঢালতে শুরু করে। মুখ থেকে লম্বা লম্বা স্বস্তির আওয়াজ বেরোয়। আ—ঃ, আ—আ—ঃ!

ছ দিন কি তিন দিন মানুষটা এই রকম একটা ঘোরের মধ্যে থাকে। তারপর ঘোরটা কেটে যায়। আবার সহজ সুস্থ মানুষ।

কখনও কখনও পাগলামিটা আবার অন্ত রূপ নেয়।

হঠাতে বাড়ি ছেড়ে বেরিয়ে পড়ে। কোথায় যাচ্ছে, কেন যাচ্ছে, কাউকে কিছুই বলে না। ছ রাস্তির তিন রাস্তির পরে বাড়ি ফিরে আসে উক্ষেৰুক্ষে চুলে, কাদামাখা পায়ে।

বলে,— তুই আমার জন্যে খুব ভাবিস নি তো শাস্তি? মাঝেমাঝে মনটা কেমন বিশ্রী হয়ে যায় জানিস, কাউকে ভালো লাগে না। চেনা মানুষগুলোকে তো আরও না। তোকেও না।

শাস্তির কাছ থেকে সাবান চেয়ে নিয়ে বেশ অনেকক্ষণ ধরে

সর্বাঙ্গ ঘৰে ঘৰে স্নান কৰে। তাৱপৰ বেশ পৱিপাটি কৰে চুলটি
আঁচড়ায়। যা জোটে তাই দিয়েই ছুটি খেয়ে নেয়।

খেতে খেতে বলে :

—আমি কি আগে এমন ছিলাম রে শাস্তি ?

—না তো !

—হিসেবে সব গোলমাল হয়ে যাচ্ছে রে শাস্তি, কোথাও যেন
থই পাচ্ছি না ! এতদিন ধৰে যা শিখেছি যা বুৰেছি, এই শহৱেৰ
সঙ্গে দেখি তাৱ কিছুই খাপ খায় না।

এক দিন সব কথা তোকে বলব। তোকে ছাড়া আৱ কাকেই
বা বলব ?

শাস্তিলতা খুঁটিতে ঠেস দিয়ে দাঢ়িয়ে দাঢ়িয়ে চুপ কৰে শোনে।
কিছু বলে না। ভাৰে।

সেদিন শনিবাৰ। বস্তিৰ মুখে ভুজঙ্গ সাহাদেৱ বাঢ়িতে ছিল
শনিপুংজোৱাৰ নেমন্তন্ত্ৰ।

ৱাতে আৱ উমুন আলে নি শাস্তিলতা। পেট পুৱে নেমন্তন্ত্ৰ
খেয়ে এসে সন্ধ্যাৱ পৰই ঘৰে আগল দিয়ে গুয়ে পড়েছিল। ঘণ্টা-
খানেক এপাশ-ওপাশ না কৱাৱ আগে তাৱ ঘূম আসে না। কিন্তু
সেদিন কী হল কে জানে, বালিশে মাথা ঠেকাতেই ৱাজ্যোৱাৰ ঘূম
যেন ভেঙে এল শৰীৱে।

রাত তখন প্রায় দেড়টা, শাস্তিসত্ত্ব ঘরের শিকল বনবান করে
বেজে উঠল :

—শাস্তি, ওঠ ! দেখ, কে এসেছে !

ধড়ফড়িয়ে উঠে বসে শাস্তিলতা ।

যুমভাঙ্গা কানে চন্দনাথের গলার স্বরটুকুই সে শোনে । আর
কিছু কানে ঢেকে না ।

সলতেটা উসকে দিয়ে খিল খুলে দরজার সামনে এসে দাঢ়ায় ।
এলো খোপা খুলে গিয়ে চুলগুলো এলোমেলো ছিটোনো । অঁচল-
খানা বাঁ হাত বেয়ে ঝুলে পড়েছে । মেঘভাঙ্গা জ্যোৎস্নার ধূসর
আলো বুকের কালোর সঙ্গে মিশে বোতামখোলা জামাৰ কাঁক দিয়ে
অস্তুত অচেনা এক চাপা রঙের আভা ঝিলিক দিয়ে ওঠে ।

ছই পাল্লায় ছই হাত রেখে কিছুক্ষণ নিশ্চল হয়ে দাঢ়িয়ে থাকে
শাস্তিলতা । খুঁটিয়ে খুঁটিয়ে চন্দনাথের মুখের প্রত্যেকটি ভঁজকে
চিনে নিতে চায় যেন ।

তারপর আস্তে আস্তে যুমভাঙ্গা ভারী গলায় বলে :

—হাতমুখ ধূয়ে ঘরে এসো । দাঢ়াও, গামছাটা এনে দিই ।

কঙ্গির উপর দিয়ে গামছাখানা ঝুলিয়ে হাতে সাবান নিয়ে
বেরোতে গিয়ে চৌকাঠের উপরেই থমকে দাঢ়িয়ে পড়ে শাস্তিলতা ।
তৌক্ষ আর্ত চিংকারে ফেটে পড়ে :

— বাবা !

দরজার দিকে মুখ করে দাওয়ার খুঁটিতে ঠেস দিয়ে বসে আছে

সুখেন্দু। থাকি শাটের সব কটা বোতাম খোলা, আস্তিন ছুটে গুটিয়ে কল্পয়ের ওপরে তোলা। পায়জামার কিনার ছুটে হাঁটুর উপর উঠে এসেছে, পেছনে উলটনো চুলের ছেট ছেট ছুটি গুছি ভুকুর ওপর এসে পড়েছে।

সুখেন্দু মুখ তুলে ফালি আকাশটার দিকে চেয়ে ছিল। চিংকারে চমকে উঠে মুখ নামিয়ে শান্তিলতার মুখের উপর হির দৃষ্টিতে তাকিয়ে থাকে।

—বাবা ! একবার এদিকে এসো !

এইবার সাড়া দেয় চন্দ্রনাথ :

--কী হল ? ও তো সুখেন্দু। আমাদের আপনার লোক। তুই আমায় গামছাখানা দিয়ে যা। সাবান থাকলে দিস।

সাবান, গামছাটা কলতলায় রেখে এক দৌড়ে ঘরে ঢোকে শান্তিলতা। চুপ করে বসে থাকে। শোনে কলতলায় হড়হড় করে জল ঢালার শব্দ।

ঘর থেকেই চেঁচিয়ে ওঠে :

—এই রাতছপুরে চান কোরো না বাবা। বুঝেছ ?

চন্দ্রনাথ শোনে কিনা কে জানে, জল ঢালার শব্দ কিন্তু থামে না। ঘর থেকে বেরোতে সাহস পায় না শান্তিলতা। সুখেন্দুকে ও ভয় পেয়েছে। মাথার বালিশটাকে বুকে চেপে সর্বাঙ্গ টানটান করে বসে থাকে।

ঘরে ঢোকে সুখেন্দু। শান্তিলতার দিকে স্বচ্ছন্দে এগিয়ে আসে। বলে :

—থাবার জল কোথায় ? জল থাব।

বাঁ হাতের তর্জনী দিয়ে কলসীটা দেখিয়ে দেয় শাস্তিলতা।
কলসীটা হালকা।

নাড়া দেয়। শব্দ নেই। একদম থালি। কলসীর কানাটা
হ আঙুলে ধরে, স্বর্খেন্দু বেরিয়ে যায়।

মাথা মুছতে মুছতে ঘরে ঢোকে চন্দ্রনাথ। নিজের থেকেই
বলে চলে :

—আমাদের পুরুরের পশ্চিম দিকের পোড়ো ভিটেটাৰ কথা
মনে নেই তোৱ ? ওইখানে থাকত পৱেশ। আমৱা দুজনে খুব
বক্ষু ছিলাম। স্বর্খেন্দু পৱেশেৱই ছেলে। পৱেশ অনেক আগেই
দেশ ছাড়ে। আসামে ব্যাবসা কৱত। আজ সন্ধ্যায় চায়েৱ
দোকানে হঠাতে স্বর্খেন্দুৰ সঙ্গে দেখা হয়ে গেল। ধৰে নিয়ে এলাম।
ছেলে ভালোই।

—কে যে তোমাৰ ভালো, কে মন্দ, আমি বৃঝি না বাপু !
এখন উচ্চুন ধৰাতে হবে কিনা বলো।

—না রে, আমৱা খেয়ে এসেছি হোটেলে। ওই ডেকে নিয়ে
গিয়ে খুব খাওয়াল। খুব খাইয়েছে স্বর্খেন্দু। মাছ, মাংস, দই,
সন্দেশ পেট পুৱে খাইয়েছে।

আজ রাত্রে ও এখানেই থাকবে। আমাদেৱ দুজনেৰ একটু
শোবাৰ বাবস্থা কৱে দে এই দশিঙ্গেৱ কোণটায়।

বিমল পড়ছে। এক ঘুমের পর যখনই শাস্তিলতা জানলার ধারে গিয়ে দাঢ়ায়, দেখে বিমলের টেবিলে আলো জ্বলছে। রাত ছটা-তিনটের আগে বিমল শুতে যায় না। রাত জেগে পড়ে। বলে, রাতে মাথাটা সাফ থাকে বেশি।

বিমল ইতিহাস পড়ছে—‘পরিবার, ব্যক্তিগত সম্পত্তি ও রাষ্ট্রের উৎপত্তি’। সামাজিক ইতিহাসের বই। বইটার নাম ও জানত, আজই প্রথম হাতে এল।

ট্রামে বসে-বসেই বিশ-পঁচিশ পাতা পড়ে ফেলেছে। সব বোঝে নি। ইংরিজী বিমল ভালো বোঝে না। তবু ইংরিজী বই-ই পড়বে। অভিধান হাতড়ে শক্ত শক্ত কথার মানে টুকে টুকে বিশ মিনিটে এক পাতা পড়বে—তবু সে ইংরিজীই পড়বে।

হঠাতে উলটে রেখে বিমল উঠে দাঢ়ায়।

বাইরে তখন অশ্রাস্ত ধারায় বর্ষণ চলেছে। তিন দিন একটানা বৃষ্টির জের চলেছে বলা যায়। হয়তো বিরাম ঘটেছে ছু-এক ঘণ্টা, নিশ্চাস ফেলার অবকাশটুকুর মতো।

সন্ধ্যার পর ঘণ্টা কয়েক একটু মন্দা লেগেছিল, তারপর আবার গাদাগাদি-করা নতুন ধূসর মেঝে আকাশ অঙ্ককার করে এসে তোড়ে নেমে পড়ল কৌ প্রচণ্ড ঝমঝম বৃষ্টি !

গরাদের উপর মুখ চেপে বিমল দাঢ়িয়ে থাকে। শাস্তিলতার

মনে হয় বিমল কিছু একটা ভাবছে। নানান কথা ভাবছে।
নানান ভাবের মেশালে সে মুখের রূপ অবর্ণনীয়। কারণ মেশাল
ভাবের তন্ময়তা, তুলির টানে রঙের গুণে ফোটানো গেলেও, কথায়
তাকে ধরা যায় না।

কিছুক্ষণ পরে আবার পড়ার টেবিলে গিয়ে বসে বিমল।
ইতিহাসের বইখানা যত্ন করে তুলে রেখে র্যাক থেকে আর-একখানা
বই পেড়ে নিয়ে বসে—বঙ্গিমচন্দ্রের ‘আনন্দমঠ’।

পাতা উলটে চেঁচিয়ে চেঁচিয়ে মন্তব্যের বর্ণনা পড়তে আরম্ভ
করে :

‘১১৭৬ সালে গ্রীষ্মকালে একদিন পদচিহ্ন গ্রামে রৌদ্রের উত্তাপ
বড় প্রবল। আমখানি গৃহময় কিন্তু কোন লোক দেখি না।
বাজারে সারি সারি দোকান, হাটে সারি সারি চালা, পল্লীতে পল্লীতে
শত শত মৃগয় গৃহ, মধ্যে মধ্যে উচ্চ অট্টালিকা। আজ সব নীরব।’

হু পাতা পড়ার পর তাও আর ভালো লাগে না। আলো
নিভিয়ে দেয়। হাতের মুঠোয় গরাদ ছটো ধরে কালিঢাকা আকাশের
দিকে চেয়ে থাকে।

শাস্তিলতার জানলা থেকে আকাশের সরু একটা ফালি ছাড়া
আর কিছু দেখা যায় না।

বিমলের জানলার আকাশ তার চেয়ে অনেক বড়।

টিনের চালের উপর টিপটিপ বৃষ্টির মৃদু ঝুকতান বন্তির মাছুষ-
গুলোকে ঘূম পাড়িয়ে দিয়েছে।

গুধু স্বখেন্দু ঘুমোতে পারে না।

স্বখেন্দু এ বন্তির মাছুষ নয়। স্বখেন্দু থাকে ঘুঁঘুড়াঙার
বিলপারের বন্তিতে।

ওর খুপরির খোলা জানলা দিয়ে সিগন্তাল পোমের লাল-সবুজ
আলো এসে ঢোকে, মেটে দেওয়ালের উপর কত কিণ্টুত রূপ ধরে
দোলে। এঞ্জিনের শিটির তীব্র তীক্ষ্ণ আর্ট চিংকার অঙ্ককারকে
ফালি ফালি করে ছিঁড়ে দিয়ে যায়।

এ বন্তির চাপা অঙ্ককারে স্বখেন্দু ঘুমোতে পারে না।

এলোমেলো ভাবনা নিয়ে জেগে থাকে।

হঠাতে স্বখেন্দু উঠে দাঢ়ায়।

ছোট জানলাটার দিকে এগিয়ে যায়। একটু তাজা বাতাস
তার চাই।

একটি মুখ সে দেখতে চায়—যে মুখে শান্তি আছে, স্বপ্নের
আভাস আছে, স্বর্থের আশ্বাস আছে।

শান্তিলতার পায়ের নীচে হাঁটু গেড়ে বসে স্বখেন্দু। অনড় হয়ে
বসে থাকে।

তেলের অভাবে ঘরের প্রদীপ কখন নিভে গেছে। রাস্তার
গ্যাসবাতির কয়েকটা ক্ষীণ রেখা তেরচা ভাবে জানলা পার হয়ে
শান্তিলতার কালো চোখের পাতার উপর, বাঁ দিকের গালের উপর,
গলার থাঁজের উপর এসে পড়েছে।

স্বখেন্দু উঠে গিয়ে শিয়রের ধারে বসে। ডান হাতখানা একবার

উঠে আসে মাথার উপর, তারপর যেন হঠাতে চমকানি খেয়ে হাত-খানাকে গুটিয়ে নেয়। উঠে গিয়ে পায়ের নীচে বসে। হাতখানাকে আঙ্গে আঙ্গে পায়ের উপর রাখে। রেখে চুপ করে বসে থাকে। শরীরটাকে আরো একটু এগিয়ে নেয়। তারপর হঠাতে ছমড়ি খেয়ে পড়ে।

সঙ্গে সঙ্গেই চাপা একটা আর্তনাদ করে পিছনে ছিটকে গিয়ে পড়ে স্থুখেন্দু।

শাস্তিলতাকে দিনের আলোয় কখনও দেখে নি স্থুখেন্দু। তার পায়ে এত জোর সে বুবাবে কী করে।

তখন ঠিক ভোর হয়েছে বলা যায় না। চাঁদের আলো ফ্যাকাশে হয়ে এলেও ভোরের আলোর সঙ্গে মিশে একাকার হয়ে যায় নি। স্থুরেই আলো—চাঁদের গা থেকে ঠিকরে আসা আর সিধে আসা, তফাত তো শুধু এইটুকু। তবু কত তফাত।

অন্য দিন এমন সময় থেকেই রাস্তায় কলের জলে ভিড় জমতে শুরু করে। সারি সারি নানান মাপের বালতি আর কলসীর নিঃশব্দ মিছিল ঢাকিয়ে যায়।

বস্তির মেয়েপুরুষরাই সংখ্যায় বেশি। বাবুদের বস্তিঘৰে নতুন কলোনি থেকেও দু-চার জন আসে। কলোনি থেকে রাস্তার কলে নিরূপায় হয়ে ধৱা দিতে আসে শুধু লুঙ্গিপরা, গেঞ্জি-গায়ে বা গামছা-জড়ানো বেপরোয়া পুরুষরাই নয়, মাঝবয়সী বিধবারাও আসে। মোটা থান পরনে, একবারে কোরা অবশ্য থেকে একবারও

খোপ না দিয়ে মাঝে মাঝে সাবানকাচা করার ফলে একটা হলদে-হলদে ময়লা রঙ পাকা হয়ে পড়ে গেছে। এদের স্থিমিত ক্লিষ্ট মুখের দিকে চেয়ে গোড়ার দিকে কেমন একটু মাঝা অনুভব করত বস্তির মজুর মেয়ে-পুরুষের দল।

আজকাল আর করে না। ওরা ভৌষণ ঝগড়াটে। লাইনে জায়গা নিয়ে বালতি কলসী ভরে নিয়ে নিয়ম ভেঙে ঢট করে একটু চানও করে নিতে চেয়ে গলা ছেড়ে ওরা কেঁদল করে।

এ পক্ষের দাবির জবাবে ও পক্ষের পালটা দাবিতে কোলাহল এক-একদিন যখন চরমে ওঠে, বিমলকেই ছুটে আসতে হয় সালিসি করতে। বিমল অবশ্য বস্তির দিকে টেনেই রায় দেয় প্রায় সব ক্ষেত্রেই। তবু তাকে চটাতে সাহস পায় না কলোনির বাবুরা,— বউবিরা। আপদে বিপদে দায়বকি সামলাতে বিমলের মতো সহায় ওদের আর কেউ নেই।

শহরতলীর এই মানুষগুলির চোখের সামনে কয়েক মাসের মধ্যে ভোজবাজির মতো প্রায় এক ধাঁচের ছোট ছোট দালানের কলোনিটা গড়ে উঠেছে, অদৃশ্য হয়ে গেছে গোটা কতক কুঁড়ে, তিনটে ডোবা পুকুর, কয়েকটা বাঁশবাড় আর ছোটো একটা মহিষের খাটাল।

লোকে বলে রসিকবাবুর কলোনি, কিন্তু আসলে সবাই জানে মারোয়াড়ী ভগবনদাসের টাকাই, অবস্থা আঁচ কবে ডোবা ভরিয়ে, বাঁশবাড় কচুবন কুঁড়ে খাটাল উচ্ছেদ করে, সন্তা ওঁচা শুরুকি সিমেন্ট দিয়ে নীচু ভিত্তে রূপ করা দালানগুলি তুলেছে — পূর্ববঙ্গের একশ্রেণীর গৃহত্যাগী, গৃহের জন্ম উন্মাদ মানুষদের ঘাড় ভেঙে মোটা মুনাফা লুটেছে। এরা সব ধনী নয়তো অবস্থাপন্ন জোতদার, মহাজন,

ব্যবসায়ী, চাকুরে—যে দামেই হোক, একটা বাড়ির মালিক হয়ে
গাঁট হয়ে বসাটাই ছিল এদের প্রথম স্বপ্ন, প্রথম প্রয়োজন।
অনেকেই আবার বাড়ির একাংশে ভাড়াটে বসিয়েছে, অন্তত
একখানা ঘরে, কিছু আয়ের জন্তু।

ভাড়াটেরা সব অল্প সঞ্চয় নিয়ে আসা উদ্বাস্তু।

এই কলোনির মুখোমুখি রাস্তার ওপারে একটুকরো পোড়ো
জমিতে আর একটা কলোনি উঠেছে। পুতুলের খেলাঘরের মতো
কয়েকটা হোগলার চালা, প্রায় মাথাসমান উচু, লম্বা হয়ে শোওয়া
যায় প্রায় এ রকম লম্বা, তিন-চার জন পাশাপাশি শোওয়া চলে
তেমন চওড়া। এটা তাদের কলোনি, বন্দার কুটোর মতো দলে
দলে ভেসে এসে যারা চারিদিক আটকে গেছে—বস্তিতে, রোয়াকে,
রাস্তায়, গাছতলায়।

এত ভোরে বিমলের ঘূম ভাঙে না। কিন্তু এক-এক দিন হঠাত
কৌ এক অস্তিত্ব উঠে ওকে ক্রমাগত খোঁচা দিতে থাকে। তন্দ্রার
মধ্যেও সেই খোঁচার ধার বেশ টের পায়—অনবরত খুঁচিয়ে খুঁচিয়ে
ঘূম না ভাঙিয়ে, উঠে না বসিয়ে, ওকে রেহাই দেয় না।

জলকলের সামনের খোয়া-ওঠা রাস্তাটায় লক্ষ্যহীনভাবে
পায়চারি করতে করতে বস্তিতে ঢোকবার গলির মুখটায় এসে এক
একবার দাঁড়িয়ে পড়ে বিমল। হঠাতে কৌ মনে হতে হনহন করে
বাড়ির ভিতরে ঢুকে যায়। মিনিট তিনেক পরে বেরিয়ে এসে
আবার বস্তির দিকে এগিয়ে যায়। হাতে দুখানা বই।

বিমল অর্ধেকটা রাস্তা এগোতেই বস্তির গলি থেকে ঢুটি মানুষ

বেরিয়ে আসে। একজনকে বিমল চেনে। চন্দ্রনাথ। শুধুকে
তার চেনার কথা নয়।

ওরা বেরিয়ে দক্ষিণমুখে বড় রাস্তার দিকে সোজা এগিয়ে যায়।
বিমলকে লক্ষ্যই করে না।

বই ছানি হাতে নিয়ে বিমল আস্তে আস্তে চন্দ্রনাথের ঘরের
সামনে গিয়ে দাঢ়ায়। ঘরের দরজা আধখোলা।

শান্তিলতা ঘরে আছে কিনা বুঝতে পারে না। একবার ডাক
দেয়। কেউ সাড়া দেয় না। বিমল আস্তে আস্তে ঘরে গিয়ে ঢোকে।
চৌকির উপর গিয়ে বসে।

খানিক পরে ঘরে ফেরে শান্তিলতা। ওকে দেখে একটু অবাক
হয়, কিছুটা বিরক্তও হয়তো :

—আপনি ? এখন !

—তোমার বাবা এই সকালে কোথায় বেরোলেন ?

—কাজে।

—ফিরেছেন তো কাল অনেক রাতে ?

—হ্যাঁ।

—ছানা বই আছে। রাখো। খুব ভালো বই।

হাত বাড়িয়ে বই ছানা নেয় শান্তিলতা। বাস্তৱের মধ্যে রাখতে
রাখতে বলে :

—আগের ছানা নিয়ে যান। পড়া হয়ে গেছে।

—কেমন পড়লে ?

—ও-সব কথা এখন থাক। আমার এখন কাজ আছে।

—তোমার বাবার সঙ্গে যাকে দেখলাম উনি কে ?

—দেশের লোক।

—আগে তো কোনো দিন দেখি নি।

শাস্তিলতা কোনো জবাব দেয় না।

বিমল উঠে দাঢ়ায়। দরজার দিকে এগোতে এগোতে থামে :

—তোমার কিছু সওদা আছে নাকি?

—না।

—সব আছে?

—কাল বাত্রে বাবা সব সওদা করে এনে রেখেছেন।

—ও।

বিমল আস্তে আস্তে বেবিয়ে থায়।

বাস্তু খুলে বই ছথানা নেড়েচেড়ে দেখে শাস্তিলতা। ছথানা বইই আনকোবা নতুন। কেমন একটা মিষ্টি-মিষ্টি গন্ধ ওঠে বই থেকে। নাকের কাছে ধৰে গন্ধ শোঁকে। পাতা উলটেপালটে ছবি দেখে।

যে দেশে দাবিদ্য গেই, শোষণ নেই সেই দেশের মেয়েদের পরিত্তপু শুধী জীবনের ছবি। অভাবমুক্ত নিশ্চিন্ত গার্হস্য জীবনের ছবি।

দেখতে দেখতে কেমন যেন বাজতোলানো নেশা ধরে যায় শাস্তিলতার।

চন্দ্রনাথকে নিয়মিত জীবিকার ভরসা দিয়েছে সুখেন্দু।

লড়াই থেমে গেলে ইছাপুর বন্দুক কারখানা থেকে ছাঁটাই হয়ে
স্বাধীন ব্যবসায় নেমেছে সুখেন্দু। শহরতলীর এক স্টেশনের গায়ে
তার সাইকেল মেরামতের দোকান দু-তিন বছরের মধ্যেই বেশ
জেকে উঠেছে। একা হাতে সব কাজ সামাল দিতে পারে না—
একটি লোকও রেখেছে। হাতে তার এখন কিছু পুঁজিও জমেছে।
তাই দিয়ে সে আরও বড় কিছু ফাঁদবার মতলব ভাঁজছে।

সুখেন্দু চায় চন্দ্রনাথ সাইকেলের দোকানে গিয়ে বসে। তাকে
হাতেকলমে কিছু করতে হবে না। চন্দ্রনাথ শুধু তদারক করবে,
মালপত্রের উপর নজর রাখবে, টাকাপয়সার হিসাব রাখবে।
এইভাবে অবসর পেয়ে সুখেন্দু আস্তে আস্তে একটা মোটর
সারাইয়ের কারখানা গড়ে তুলবে। চন্দ্রনাথ যদি এ দায়িত্ব নেয়
সুখেন্দু তার সব অভাব পূর্ণ করে দেবে।

শান্তিলতার ঘর থেকে বেরিয়ে বিমল যখন কলের এক পাশ
ঘেঁষে দাঢ়ায় তখন সেখানে জলের উমেদারদের বেশ বড় লাইন
ঁাড়িয়ে গেছে। খানিক দূরে রাস্তার ওপারে হাইড্রাটের চোয়ানো
জল লোটায় ভরে স্নান শুরু হয়ে গেছে। বস্তির ধারে ছেট

ডোবাটাৰ জল সবুজ হয়ে গেঁজিয়ে উঠেছে। তাৰ চেয়ে এই
কাদাগোলা নদীৰ জল অনেক শুক্র ও পরিষ্কাৰ। রাত্ৰেৰ বৃষ্টিৰ স্পৰ্শে
ভোৱটা ঠাণ্ডা মিষ্টি লাগে খালি গায়ে। সারা আকাশ জুড়ে
ছাড়াছাড়া পুঞ্জ পুঞ্জ সাদা মেঘ সমান গতিতে দ্রুত উত্তৰে পাড়ি
দিচ্ছে। চারিদিকে কাছে ও দূৰে এলোমেলোভাবে উচিয়ে আছে
কাৰখনাৰ চিমনি। ওগুলিৰ তুলনায় রাস্তায় জলেৰ কলেৰ নলটা
কত সুৰু। কিন্তু সারা এলাকায় ঘতগুলি চিমনি রাস্তায় বস্তিতে
ততগুলি জলেৰ কলও বুৰি নেই। উপোসী মাছুষেৰ জলেৰ তেষ্টা ও
মেটে না। মুখ দিয়ে জল গিলে খাবাৰ তেষ্টাটুকু ছাড়া
সৰ্বাঙ্গেৰ যে শত রকম তেষ্টা আছে! কাপড়-গামছা বাসনপত্ৰ
ভালোভাবে ধূয়ে মেজে সাফ কৱাৰ যে দৱকাৰী সাধ আছে!

দাতন ঘৰতে ঘৰতে জলেৰ কলে লাইন আৱ হাইড্রাটেৰ
চোয়ানো জলে স্বানেৰ চেষ্টা দেখে আকাশেৰ দিকে চেয়ে থুতু ফেলে
মোতিলাল। বিড়বিড় কৱে কৈ বাল সে-ই জানে। বোধহয় ওই
উচোনো চিমনিগুলিকেই একটা অশ্রাবা গাল দেয়।

মাছুষটা ঢাণ্ডা। ঢাণ্ডা বুকেৰ পাঁজৰগুলি ঠেলে উঠেছে।
মুখভৱা খোঁচা খোঁচা কাঁচাপাকা দাঢ়িগোফ। মাথায় বড়ো টাক,
টাকেৰ বাড় ঠেকাতেই যেন কাঁচাপাকা চুলেৰ বাধ দিয়েছে টাকটা
ঘিৰে!

মোতিলালেৰ হাতে ছিল লোহাৰ শিক বাঁকিয়ে ঘৰে তৈৱী
নকল চাবি। খানিক ব্রহ্মাৰস্তি কৱে হাইড্রাটেৰ মুখটা খুলে দেয়।
হাতেৰ তালু দিয়ে হাইড্রাটেৰ মুখ চেপে সৱু ধাৰায় ধীৱে ধীৱে
জল তুলে লোটা ভৱে রামসুখ স্নান কৱছিল। পা দিয়ে চেপে

মোতিলাল তোড়ে জলের তিনহাত উচু বাঁকা ফোয়ারা তুলে দেয়।
রামসুখ এবার মনের স্থখে দাঢ়িয়ে দাঢ়িয়ে স্নান করে, ময়লা গামছা
দিয়ে ঘষে ঘষে গায়ের ময়লা তুলতে চেষ্টা করে।

শ্বানার্থী একজন বলে ওঠে :

—আরে রাম রাম, রামসুখ।

তেওয়ারী ব্রাহ্মণ রামসুখ নীচু জাতের একজনের পা-ধোয়া জলে
স্নান করছে—মন্ত্র পড়তে পড়তে স্নান করছে। বেচারার কাঁচা
শহরে প্রাণটাকে এরা নাড়া দিয়েছে ভীষণভাবে।

মাঝুষটা মেটে রঙের, মাঝবয়সী। কপালে গতকালের চলকা-
ওঠা চন্দন-তিলকের চিহ্ন। কজিতে গোটা তিনেক মাছলি, আড়া
মাথার টিকি থেকে ফুলটা খসে পড়ে গেছে কিন্তু গিঁটটা ঠিক
আছে। পরনের নতুন আধখানা হেঁটো কাপড়টি কুচকুচে কালো।

মোতিলালও ওইভাবেই কাপড় পরে, একখানা কাপড় কিনে
ছ খণ্ড করে চালায়। কাপড়ের যা দাম !

মাত্র ক মাস আগে দেশ থেকে চাববাস ছেড়ে কলকাতায়
এসেছে শিউশরণ। সেও ব্রাহ্মণ। ব্রাহ্মণ-হৃদয়টি তার এই ক
মাসে কত বার কতভাবে যে বিদীর্ণ হয়ে যাবার উপক্রম করেছে,
কিন্তু বিদীর্ণ হয় নি। কারণ তার হৃদয়টাই ব্রাহ্মণ্য বজায় রাখার
চেয়ে প্রাণটা বজায় রাখা পছন্দ করেছে বেশি।

অভয়পদ দাসের স্থানীয় ছোটো কয়লার গুদোমটিতে সে কুলি
খাটে—মুকতে। লরি ভরে চালান এলে কয়লা নামায়, ধন্দের
এলে কয়লা মেপে দেয়—পাঁচ সের থেকে এক মণ পর্যন্ত এক-এক
বারের মাপ। এজন্ত মজুরি পায় না। পায় ছ-বেলা আধ পো

হিসাবে আটা, ছটাক খানেক তরকারি আৱ ছুটি কৱে কাঁচা লক্ষ।
তাৱ রেশন কার্ডেৱ চিনি আৱ চাল অভয়পদৱিৰ বাড়িতে যায়।
সকালে বিকালে ফাউ পায় শিউশৱণ—ছু পয়সাৱ ছাতু বা ছোলা।
ভোৱ থেকে রাত আটটা নটা পৰ্যন্ত কয়লাৰ গুদোমে এলোমেলো
ছাড়াছাড়া ডিউটি।

বাড়তি থেটে তাৱ রোজগাৱ। পাঁচ দশ সেৱ কয়লা যাৱা
কেনে তাৱা নিজেৱাটি কাঁধে বয়ে নিয়ে যায়। আধমণ একমণ
কয়লাৰ বস্ত। খদেৱেৱ বাড়ি পৌছে দিয়ে সে নজুৱি পায় ছ আনা।
বাঁধা রেট—খদেৱেৱ বাড়ি এক মিনিটেৱ পথট হোক আৱ দশ
মিনিটেৱ পথই হোক।

রামসুখ তাৱ তিৱন্ধাৱ শুনেও শোনে না বলে শিউশৱণ ভীষণ
রেগে আবাৱ বলে :

—ৱাম ৱাম, ৱামসুখ।

তাৱ ধিক্কাৱ শুনতে শুনতে ৱামসুখ নিবিচাৱে তাড়াতাড়ি স্নান
সেৱে সৱে দাঢ়িয়ে গা মুছতে থাকে। এমন স্বার্থপৱ সে নয় যে
তোড়ে জল পেয়েছে বলেই আৱ সকলেৱ স্নান ঠেকিয়ে নিজে সাধ
মিটিয়ে স্নান কৱে যাবে—যদিও সে জানে আৱও ছু-তিন মিনিট
জলেৱ ফোয়াৱাটা দখল কৱে থাকলেও কেউ কিছু বলত না বা
ভাবত না।

ৱামসুখেৱ হয়ে মোতিলালই এবাৱ ধমকেৱ স্বৱে শিউশৱণকে
বলে :

—ক্যা, পাগলা হো গিয়া? গঙ্গাজল আছে না?

—ও, হ্যাঁ। ঠিক বাত।

শিউশরণ যেন মুক্তি পায়, ইংরেজ রাজের জেল খুনা থেকে ছাড়া
পাওয়ার চেয়ে বড়ো মুক্তি।

এতই সে স্বস্তি আর শাস্তি আর আশ্বাস অনুভব করে যে অন্ন-
বয়সী মুসলমান ছোকরাটাকে ঠেলে সরিয়ে দিয়ে মোতিলালের পা-
ধোয়া কাদাগোলা গঙ্গাজলের ফোয়ারায় স্নান করতে লেগে যায়।
মনে হয়, মোতিলালের পায়ের চাপে হাইড্রাণ্ট থেকে বাঁকা হয়ে যে
জলের ফোয়ারা উঠছে সেটা তাকে সেই ছবিটাকে মনে পড়িয়ে
দিচ্ছে : কোমরে গলায় সাপ জড়ানো, মোমের রক্তহীন পুতুলের
মতো ধবধবে ফরসা, কোলে পুতুলের মতো ছোটখাট একটি মেয়ে
বসানো, বটতলার সন্তা শিবের ছবি। হাইড্রাণ্টের মুখ থেকে
তোড়ে-ওঠা জলের উর্ধ্বমুখী স্বোত আর ছবির সাপে-বাঁধা জটা
থেকে উৎসারিত জলের ফোয়ারা—হৃটো মিলে যেন এক হয়ে
গেছে শিউশরণের চোখে।

কিন্তু জল পাওয়া তার এত সহজে হয় না। রামসুখ ধাকা
দিয়ে তাকে সরিয়ে দেয়, গর্জন করে ওঠে :

—লাটসাহেবি চালাবে না হেথা, খবরদার। একজন যে নাইছে
তাকে নাইতে দিয়ে তবে তুমি আসবে।

কুকু শিউশরণ ঝুঁথে উঠে, বলে :

—হামি পহেলা এসেছি।

—নেহি। তুমি পয়লা আস নি। তোমার আগে সালেক এসেছে।

—হঁ ? তুম বলনেসেই হয়ে গেল ? পুচ্ছা বিমলবাবুকে।

বিমল কথাটা শোনে কিন্তু আমল দেয় না। রামসুখও তাকে
সাক্ষী মানতে সে মুখ খোলে :

—মিছিমিছি বগড়া করছ কেন? একে একে নেয়ে নাও না।

কিন্তু তা কি হয়? তোড়ে জল উঠেছে, বগড়ার মীমাংসা হতে হতে সালেকের স্থান হয়ে যাবে। কিন্তু সে হল ভিন্ন কথা। আপোসে একজন কেন দশজন তার আগে নেয়ে নিক। সে কিছু বলবে না। কিন্তু, অন্তায় সহ করবে কেন? অবিচার মানবে কেন? যতই সামান্য হোক সে অন্তায়, সে অবিচার। রামসুখ বলে, আরে বাবা, সালেক আগেই এসেছিল। চাবিটাতো চাই! না, চাই না? চাবি আনতে সালেককে মোতিলালের ঘরে ভেজেছিলাম। ভেবেছিলাম কি, মোতিলাল আজ তোরে চান করতে আসবে না।

মোতিলাল বলে, হ্যা, সালেক চাবি চাইতে গিয়েছিল। এক-সাথে আসছিলাম, দাতন খুঁজতে ও পিছিয়ে গেল।

তাহলে অবশ্য কোনো কথা নেই। তাকে ডিঙিয়ে নাইতে শুরু করেছিল ভেবেই সে তাকে ঠেলে সরিয়ে দিয়েছিল। সালেক যদি সত্যিই আগে এসে থাকে তবে কাজটা তার অন্তায়ই হয়েছে বৈকি। তাকে ধাক্কা দিয়ে ধমক দিয়ে রামসুখ দোষট করেছে। মেঘ কেটে গিয়ে যেভাবে সূর্য বেরিয়ে আসে তেমনিভাবে পলকে শিউচরণের মুখের ক্রুক্র ভাব কেটে যায়।

রামসুখ মোতিলালকে জিজ্ঞাসা করে, তোরে চান করবে নাকি আজ?

মোতিলাল আশ্চর্য হয়ে বলে, খাটতে যাব না?

—খাটতে যাবে? আজ?

বিশ বছর ধরে মোতিলাল কারখানায় খাটতে যাচ্ছে, আজ কারখানার ছুটি বা ধর্মঘট বা শহরে হরতাল, এ-সব কিছুই

নেই তবু আজ মোতিলাল কাজ করতে যাবে শুনে রামসুখ যেন
স্তন্ত্রিত হয়ে যায়। তার মুখ দেখে মোতিলালেরও ভাবনা লেগে
যায় যে তার অঙ্গান্তেই হয়তো বা মন্ত ব্যাপার কিছু ঘটে গেছে,
যেজন্ত আজ কাজে যাওয়াটা খুবই খাপছাড়া হবে।

—কৌ বাপার রামসুখ? কৌ বলছ? কাজে যাব না কেন
আজ?

—কোটে যাবে না? কাজে যাবে তো কোটে যাবে কৌ করে?
এবার মোতিলালের মুখের ভাব কঠিন হয়ে যায়।

—কোটে যাব? কোটে যাবার আমার দরকার কৌ?

—তোমার ছেলেকে হাজির করাবে না আজ?

মোতিলাল মাটিতে থুতু ফেলে দাকণ অবজ্ঞার স্বরে বলে:

—ঠাঃ, কত হাজির করছে।

দাতনটা দাতে চিরে, মোতিলাল জিভ চাঁচে, মুখ ধোয়। একটা
ফাঁকা লরি জোরে বেরিয়ে যায়। তবু রামসুখ দ্বিধাভরে খানিকটা
যেন জিজ্ঞাসার স্বরেট বলে:

—তবু একটা হকুম যখন হয়েছে—

—হকুম হয়েছে, তোমার শখ থাকে তুমি যাও। মিছিমিছি
একটা দিনের মজুরি যাবে, বাসভাড়া যাবে, অত গরজ আমার নেট।

মোতিলালের দ্বিধা নেট, সংশয় নেই। বিচারক হকুম দিলেই
যে তার ছেলে আর তার সাথীদের আদালতে হাজির করাবে—সে
বিশ্বাস করে না। বিনা বিচারে আটক বাতিল হবে না, এটা
জানাই গেছে। কিন্তু বন্দীদের বিচারালয়ে হাজির করা হবে,
এতেও মোতিলালের এমন স্বনিষ্ঠিত অবিশ্বাস যে একদিনের মজুরি

আৱ বাসেৱ পয়সা খৰচা কৱে গিয়ে যাচাই কৱে আসতেও সে
ৱাজী নয়।

জলেৱ কলেৱ লাইন থেকে একজন চেঁচিয়ে প্ৰশ্ন কৱে :

—মোতিলাল, কোটে যাবে তো ?

মোতিলাল চেঁচিয়ে জবাব দেয় :

—না।

তাৱ জবাব শুনে কয়েকজন পুৰুষ ও স্ত্ৰীলোক লাইন ছেড়ে
এদিকে এগিয়ে আসে। নিজেদেৱ মধো তাদেৱ উত্তেজিত কথাৰ্বার্তা
শুনে বোৰা যায়, মোতিলালেৱ জবাব তাদেৱও রামস্বুখেৱ মতোই
বিচলিত কৱেছে।

কাছে এসে হু-তিনজন প্ৰশ্ন কৱে :

—যাবে না কি রকম ? তাৱিথ পালটেছে ? বিচাৰ বাতিল
হয়ে গেছে ?

আৱ একজন প্ৰশ্ন কৱে :

—তোমাৱ ছেলেকে ছেড়ে দিয়েছে ?

এই সব প্ৰশ্ন শুনে মোতিলাল জ্বালা ও ব্যঙ্গ ভৱা এক অন্তৃত
সশব্দ হাসি হাসে :

--ছেড়ে দিয়েছে বৈকি ! ছেড়ে দিয়ে বিয়ে কৱাতে হাওয়াই
জাহাজে মাৰ্কিন মূলুকে পাঠিয়েছে।

হঠাৎ হাসি থামিয়ে ভুৱ কুঁচকে প্ৰশ্নকাৰীকে বলে :

—আমাৱ ছেলেকে ছেড়ে দিয়েছে, তবে আৱ ভাবনা কৌ ?
আৱ কে শালা কোটে যায়। তাটি কোটে যাব না ভাবছ বুঝি ?

প্ৰশ্নকাৰী লজ্জা পায়। তাড়াতাড়ি বলে :

—না না, তা ভাবি নি। তা ভাবব কেন? কথাটা মনে
হল, তাই—

আর একজন বলে :

—যাক যাক, যেতে দাও। ব্যাপারটা কৌ মোতিলাল? যাবে
না কেন? আমি তো ভাবছিলাম যাব। দেখে আসব কৌ হয়।

মোতিলাল বলে :

—ব্যাপার কৌ আবার। ব্যাপার কিছু নেই। কিছুই হবে
না জানি তো, ফের গিয়ে কৌ করব? শুধু আইনের মারপঁচ
নিয়ে কচকচি হবে খানিক, কানাকড়ি মানেও ঢুকবে না মাথায়।
কাজ কৌ বাবা ঝকমারিতে।

—কৌ করে জানলে তোমার ছেলেদের আনবে না?

—কৌ করে আনবে? সাহস পাবে কোথায়? কৌ তাদের
দরকারটা আনবার? কোটে যদি আনবে, বিচার যদি করবে, বিনা
বিচারের কানুন করেছে কি শখের জন্মে, ধূয়ে জল খাবে বলে?

প্রায় ষাট বছরের বুড়ো পটল প্রথম কথা বলে। বাধা স্বতোটার
কাছ পর্যন্ত পোড়া বিড়িটাতে শেষ টান দিয়ে ছুঁড়ে ফেলে, ঢুবার
কেশে, ধৌর স্বরে সে বলে :

—আমি বলি কি, আইনমতে সমন্টমন বেরিয়েছে, ওদেরই
জজ আদালত, ওদেরই নিয়মকানুন, তাই হয়তো বা—

মোতিলাল হেসে বলে :

--কোথায় আছ দাদা? ভাবছ বুঝি ইংরেজ আমল শেষ হয়ে
.গচে, সত্যুগ এসে গেছে? আগে ঘাড়ে ছিল শুধু ইংরেজ; এখন
ইংরেজ মার্কিন ডবল ভূতের পালা। যার সৈন্ত যার পুলিস, তার

আইন তার আদালত। নিজের আইনের ফাঁদে পড়লে, জজ-আদালতের রায় মুশ্কিল করলে, কাল ফের একটা আইন করে জজ-আদালত তুলে দিতেই বা কতক্ষণ !

জলভরা বালতি হাতে নিয়ে পীতাম্বর এতক্ষণ একপাশে দাঁড়িয়ে চুপ করে শুনছিল। এবার সে মুখ খোলে :

—যা বলেছ মাটির ! লোকে বলে ভদ্রলোকের এক কথা। এ কেমন এক কথা রে বাপু ভদ্রলোকের ? এদিকে বিচারও রইবে, বিচার ছাড়া আটকের আইনও রইবে। রাখবি তো একটা রাখ। থুশি হয় বিচার-চিচার সব তুলে দে। বিচার রইলে বিনা-বিচার রয় কোন্ বিচারে ?

মোতিলাল বলে :

-- ইংরেজ-মার্কিনের লেজ ধরে স্বাধীন হলে সবট হয়। এ বাবা স্বাধীন মার্কিন বিচার।—এ শিউশুণ, তোমার তো ভাট্টাচাইনের কাজ নয়। আমি আগে নেয়ে নিট ?

—ঠা, ঠা—জরুর।

স্নান শেষ হতে হতে মোতিলাল টের পায়, জলের কলের লাইনে একটা গোল বেধেছে। চেঁচামেচি তার কানে আসে। লঙ্ঘীর মাকজনের সঙ্গে লাইন ছেড়ে তার সঙ্গে কথা কইতে আসে। লঙ্ঘীর মার পরিচিত তীক্ষ্ণ ও চড়া গলার আওয়াজ তার কানে আসে।

তাড়াতাড়ি স্নান সেবে কাছে গিয়ে দেখে, লাইন ছেড়ে যাবা তার সঙ্গে কথা কইতে গিয়েছিল, তাদের সঙ্গে লাইনের অন্ত কয়েক জনের ঝগড়া বেধেছে। লাইনের যেখান থেকে যে দু মিনিটের

জন্ম সরে গিয়েছিল, ফিরে এসে এবার আবার সেইখানে দাঢ়াতে চায়। কিন্তু কয়েকজন তাদের এ দাবি মানতে রাজী নয়। তারা বলেছে, এবার এদের দাঢ়াতে হবে সকলের পিছনে।

কারণ, তাই-ই নিয়ম। জলার্থীদের রাস্তায়-দাঢ়ানো পার্লামেন্টের অধিবেশনে সর্বসম্মতিক্রমে গৃহীত আইন।

অনেকটা বিমল আর মোতিলালের চেষ্টাতেই আইনটা পাশ হয়েছিল। শুধু লাইনে দাঢ়ানোর নিয়ম নয়, অন্যান্য ধারায় একজন ক-বালতি জল পাবে, কখন খাবার জল নেওয়া ছাড়া মুখ হাত ধোওয়া পর্যন্ত চলবে না, কখন চলবে—এ সব বিষয়ে নিয়ম ঠিক করা হয়েছে, সকলে স্বীকার করেছে নিয়ম মেনে চলবে।

নানা অবস্থার নানা বয়সের লোক এসে কলে ভিড় করত। বস্তি থেকে আরম্ভ করে অধিকাংশ দোকানপাট ঘরবাড়ির আনাচ কানাচ উদ্বাস্তুতে ভরে যাবার পর ভিড় অসম্ভব রকম বেড়ে যায়—বিশেষ করে এই ভোরের দিকে। প্রতিদিন হাতাহাতির উপক্রম হত, ছোটখাট ঝগড়া বেধেও যেত প্রায়ই। ভোরে মজুর বেশ হাজির থাকায় মারামারিটা গড়াত না, অল্লেই থেমে যেত।

বিমলই একদিন সকলের জন্ম এক রকম নিয়ম চালু করার কথা বলে, মোতিলাল খুব উৎসাহিত হয়ে ওঠে। বালতি কলসী বসিয়ে রেখে, এমন কি আগের রাত্রে ভাঙ্গা মাটির কলসী বসিয়ে লাইনে জায়গা দখল করে রাখা নিয়েই ঝগড়া হত সবচেয়ে বেশি। তাই নিয়ম হয়, লাইনে যে হাজির থাকবে তারই জল নেবার অধিকার—বালতি-কলসীর নয়। লাইন ছেড়ে চলে গেলে ফিরে এসে সকলের পিছনে দাঢ়াতে হবে।

এই নিয়মের ব্যাখ্যা আর প্রয়োগ নিয়ে আজ গোল বেধেছে।

আর একটা নিয়ম হয়েছিল, তোরে একজন এক বালতি বা এক কলসীর বেশি জল পাবে না। সাতটার পর ছ বালতি বা ছ কলসী।

পরদিনই ইঙ্গুলের মেকেও মাস্টার ফকিরচাঁদ পাঁচটি বাচ্চা, ছটি বড় কলসী আর চারটি বড় বালতি নিয়ে হাজির—বোধ হয় প্রতিবেশীর কাছে ধার করে। বাচ্চাগুলি তার নিজের।

বাগড়া আরম্ভ করেছিল লক্ষ্মী। সকলে তার পক্ষ নিয়েছিল। কিন্তু ফকিরচাঁদ কিছুতে মানবে না যে নিয়ম ভেঙেছে। একজনের এক বালতি—সে তো বেশি চাইছে না। বাচ্চারা কি মানুষ নয়?

অন্য কয়েকজনও ছেলেমেয়ে সঙ্গে নিয়ে এসেছিল। কিন্তু ফকিরবাবুর মতো অতটা চালাক কেউ হতে পারে নি। তখন নিয়ম হয়, প্রতোকের জন্যে এক বালতি বটে, কিন্তু সে এমন বালতি হবে যা সে নিজে বইতে পারে। ফকিরবাবু হস্তিহস্তি করেছিল অনেক, কিন্তু সকলে নিলে যে নিয়ম করেছে তা না মেনে উপায় কৈ! কালোনির ছ-তিন জন উদ্রলোকও তার বিপক্ষে দাঢ়ায়।

আজ সেই ফকিরবাবুই চেঁচাচ্ছে বেশি।

— যা নিয়ম আছে তা মানতে হবে। তোমরা কোন্তাতে যে খুশিমতো নিয়ম ভাঙবে? চলবে না ও সব। পিছনে দাঢ়াতে হবে তোমাদের—সবার পিছনে।

লক্ষ্মী আকাশচেরা গলা শেষ পর্দায় তুলে বলে :

—আরে মরণ মোর। নিয়ম ভাঙলাম কিসে? ছ-পা গিয়ে ছ-দণ্ড একটা লোকের সাথে কথা কয়েছি, তাতে লাইন ছেড়ে যাওয়া হল কোন্থানটায়? একটা বৃক্ষে মানুষের জোয়ান ছেলেটা

কতকাল বিনা বিচারে আটক রয়েছে, আজ নাকি তার বিচার হবে
সবার সাথে, বাপটাকে দেখে ছটো কথা শুধিয়ে না এসে থাকতে
পারে মানুষ? তাতেই লাইন ছাড়া হল? এ কোন্দেশী বিচার
গো মা! তুমি যে নর্দমায় জল করতে যাও, সেটা লাইন ছাড়া হয়
না? পিছনে দাঢ়াও না কেন জল করে এসে?

মোতিলাল কাছে এলে লক্ষ্মী বলে :

—ও মোতিলাল, একটা বিচার করো।

ফকিরবাবু বলে :

—মোতিলাল আবার বিচার করবে কি! বিচারের কী আছে!
লাইন ছেড়ে চলে গেলে পিছনে দাঢ়াতে হবে—সোজা কথা।

কিন্তু মোতিলালকে এত সহজে বাতিল করা সন্তুষ্ট নয়।
বেশির ভাগ যারা চুপ করে ঝগড়া শুনছিল, বুরো উঠতে পারচ্ছিল
না কোন্ পক্ষের যুক্তি সার্থক, তারা বলে :

—না না, মোতিলাল কী বলে শোনা যাক।

দেখা যায়, যারা ফকিরবাবুকে সমর্থন করেছে তাদের মধ্যেও
কয়েকজন মোতিলালের কথা শুনতে ইচ্ছুক।

মোতিলাল গামছা দিয়ে মুখ মুছে ফকিরবাবুর দিকে চেয়ে বলে :

—মোরা হেথা বেশির ভাগ গরিব মানুষ বাবু, খেটে থাই।

মোতিলাল একটু থামে। সকলে চুপ করে শোনে। কলে
জল এসেছে, বসানো বালতিতে জল পড়ার শব্দ স্পষ্ট শোনা যায়।

মোতিলাল বলে :

—মোরা এঁটো কথা গিলি না বাবু, বমি করে থাই না।

সে আবার একটু থামে। বোৰা যায়, ফকিরবাবু বেশ একটু

অস্তি বোধ করছে। মোতিলাল তার দিক থেকে চোখ সরিয়ে
আনে। বলে :

—মোরা দশজনে মিলে যে নিয়ম করেছি, নিয়মটা মোদের
মানতে হবে। কেউ তো খুশিমতো নিয়ম মোদের ঘাড়ে চাপায়
নি—মোদের কী বলার আছে না জেনেই! তোমাদের কিন্তু লক্ষ্মী
পিছনে দাঁড়ানো উচিত। মোদের নিয়ম মোরাই যদি না মানি
তো মানবে কে?

লক্ষ্মী নরম সুরে প্রতিবাদ জানায় :

—বিনা বিচারে আটকের বিচারটা কী ব্যাপার একটু জানতে
গেলাম—

মোতিলাল মাথা নেড়ে বলে :

তা বললে চলবে কেন? লাইন ছেড়ে না গেলেই হত। আমি
এখান দিয়ে যাবার সময় শুধোতে পারতে, ঘরে গিয়ে জানতে
পারতে। জরুরী বলে যদি লাইন ছেড়ে না গিয়ে পার নি, তার
দামটুকু দিতে হবে না?

বুড়ো পটল বলে :

—ঠিক কথা।

বলে, সে বালতি হাতে লম্বা লাইনের পিছনে গিয়ে দাঁড়াবার
জন্ত পা বাড়িয়েছে, জোয়ানবয়সী খলিল তার হাত ধরে লাইনে
নিজের জায়গায় দাঢ় করিয়ে দেয় :

—আমার তাড়া নেই, পিছনে ঘাঙ্কি। বুড়ো মানুষ, তোমার
কষ্ট হবে।

খলিল ছিল চারজনের পিছনে।

লাইনের মাঝামাঝি দাঢ়ানো শাস্তিলতা ডেকে বলে :

—অ লক্ষ্মীদিদি, তুমি বরং আমার জায়গায় এসে দাঢ়াও।
মেয়েটার জ্বর কমে নি, না ?

যারা মোতিলালের সঙ্গে কথা কইতে লাইন ছেড়েছিল তাদের
উদ্দেশ করে সাধারণভাবে আরেকজন বলে :

—তোমাদের কারও যদি তাড়া থাকে ভাই, আমার জায়গায়
এসে দাঢ়াও।

বিমল এতক্ষণ মুখ বুজে এক কোণে দাঢ়িয়ে ছিল। কখন যে
সে আস্তে আস্তে বড় রাস্তার দিকে চলে গেল, শাস্তিলতা ছাড়া
. আর কেউ তা লক্ষ্য করে নি।

চন্দ্রনাথ সেই কাকতোরে বেরোবার সময় বলে গিয়েছিল :

—আজ দুপুরেই ফিরব। বাড়িতেই খাব।
রাত আটটা। এখনও চন্দ্রনাথের দেখা নেই।
অসহ গুমোটি গরম। ঘরে এক দণ্ড তিষ্ঠনো যায় না।
শাস্তিলতা দাওয়ার খুঁটিতে ঠেশ দিয়ে একফালি ময়ল। আকাশের
দিকে চেয়ে আকাশ-পাতাল ভাবছিল।

পাশের ঘরে রেবতী আর তার মামৌর ফিসফিস গুঞ্জন মাঝে
মাঝে কানে আসছিল কিন্তু মনে পৌছচ্ছিল না।

হঠাতে তীব্র তীক্ষ্ণ চিংকারে ফেটে পড়ল রেবতী :

—ভগবান ! ভগবান ! ও নাম আৰ আমাৰ কাছে কোৱো
না। ঘেঁষা ধৰে গেছে ও নামে !

একটু খেমে আবাৰ ডুকৱে ডুকৱে কেঁদে উঠে :

—কত দেকেছি ভগবানকে। আকুল হয়ে কত কেঁদেছি
ভগবানকে দেকে। তবু আমাৰ এই হাল !

মিত্রদেৱ ছোট বউয়েৱ আজ সাধ। মিত্রদেৱ বাড়িতে ছেলে
পড়ায় রেবতীৰ মামা। বড় বড় বিকে দিয়ে খবৰ পাঠিয়েছিল,
মাস্টারেৱ বউ আৰ তাৰ ভাগনী যেন সন্ধ্যায় আসে।

রেবতী যাবে না। সে মামীৰ বিছানায় চিত হয়ে পড়ে
থাকে।

—মাসে মাসে কৌ হয় মোৰ জান না ? জানবে কেন ? ভাৰি
মোৰ মামাৰ বাড়িৰ দৱদ। বাথা-বেদনায় মৰে যাব, তাকিয়ে
দেখবে না। শুধু ঢঙ কৱবে আৰ গঞ্জনা দেবে—

বলাৰ কৌ ভঙ্গী !

যেন কেউটে সাপ ফুঁসছে।

ৱানী-সাপ গোখৱানীৰ মতো ফণা তুলে হেলেছুলে নয়—
কেউটেৰ মতো ছোবল মাৰে আছড়ে আছড়ে।

মামী তাড়াতাড়ি সুৱ পালটে বলে :

—এ পুজোটা কাটুক। পুজোৰ পৱ—

—পুজোৰ পৱ কৌ ?

মামীৰ জবাব আৰ শাস্তিলতাৰ কানে পৌছল না।

রেবতীৰ মামীৰ ক্ষীণ স্বৰকে ডুবিয়ে দিয়ে এক অচেনা ভাৱী,
ককশ পুৰুষকণ্ঠেৰ আওয়াজে চমকে উঠে ফিরে তাকাল শাস্তিলতা।

—চন্দ्रবাবুর ঘর কোনটা ?

মধ্যবয়সী ছজন লোক পাঁজাকোলা করে চন্দ্রনাথকে নিয়ে
আসছে ।

শাস্তিলতা উঠানের মাঝখানে এগিয়ে আসে ।

একজন তাকে জিজ্ঞাসা করে :

—চন্দ্রনাথবাবুর মেয়েকে একটু খবর দিতে পার ?

অচৈতন্ত্য চন্দ্রনাথকে তার সেই অঙ্ককারেও চিনতে দেরি হয়
না । আস্তে আস্তে বলে :

—আমিটি তাঁর মেয়ে । এই ঘরে নিয়ে আসুন ।

লোক ছুটি ঘরের ভিতর গিয়ে চন্দ্রনাথকে আস্তে আস্তে চৌকির
উপর শুইয়ে দেয় । তারপর খানিকক্ষণ শাস্তিলতার মুখের উপর
বোকার মতো ফ্যালফ্যাল করে তাকিয়ে থেকে বলে :

—বুড়ো মানুষ, বোঁকের মাথায় নেশা করে এই কাণ্ড । ভয়
নেই কিছু । ডাক্তার ওষুধ দিয়েছে । এখন ঘূম ভাঙ্গাবেন না ।

শাস্তিলতা চন্দ্রনাথের মুখের দিকে চেয়ে চুপ করে দাঁড়িয়ে
থাকে ।

লোক ছুটি আস্তে আস্তে দাওয়ায় গিয়ে দাঢ়ায় । বলে :

—আমরা এখন তাহলে যাই । স্বর্খেন্দু কাল সকালে এসে
খোঁজ নেবে বলেছে । হ্যাঁ, এই টাকা কটা ধরুন । বাবুর পকেটে
ছিল ।

শাস্তিলতা ঘরের ভিতর থেকে হাত বাঢ়ায় । তার হাতের
উপর একটা রংমালের পুঁটিলি তুলে দিয়ে ওরা উঠানে নেমে ধীরে
ধীরে বেরিয়ে যায় ।

চন্দনাথের পাশে গিয়ে বসে শান্তিলতা। মাথায় হাত দেয়,
নাকের সামনে হাতের তালুটা ধরে নিশাসের উষ্ণ স্পর্শ নেয়।
গামছা ভিজিয়ে কপালটা মুখটা আস্তে আস্তে মুছিয়ে দেয়।
পাখা এনে বাতাস করে মাথায়।

তারপর কী ভেবে উঠে পড়ে।

বাইরে এসে দরজা ভেজিয়ে শিকল তুলে দেয়। উঠোনে নেমে
বিমলদের বাড়ির দিকে এগোয়।

কড়া নাড়তে, এসে দরজা খুলে দেয় ছেনি :

—কী ভাগ্য, কী ভাগ্য আমাদের, আপনার পায়ের ধূলো
পড়ল আমাদের বাড়িতে !

বিমলের ছোট বোন ছেনি চোখেমুখে কথা কয়। পাকা-পাকা
কথা। হাত নেড়ে নেড়ে কথা কয়, কচি দেহটা নেড়ে নেড়ে কথা
কয়।

দেখে মনে হয় কিশোরী নয়। বালিকা কিশোরী হব-হব
করছে।

এমনি দেখলে বিত্তফা জাগে। মনে হয় বুঝি রাস্তার সন্তা
ভিথারিনী।

মনোযোগ দিয়ে দেখলে মনে হয়, একটা সুন্দর ফুল অকালে
শুকিয়ে গিয়ে কুঁসিত হয়ে গেছে।

শান্তিলতা ঘরে ঢোকে না। খোলা কপাটের সামনে দাঢ়িয়েই
জিজ্ঞেস করে :

—তোমার দাদা কোথায় ভাই ?

—দাদা তো আজ দেরি করছে দেখছি।

—তোমার দাদা এলেই একবার আমাদের ঘরে যেতে বোলো
আমার বাবার বড় অস্ত্র !

বিমল সেদিন বাড়ি ফেরে রাত সাড়ে নটায় ।

রাস্তা জাম হয়ে গিয়েছিল । দুর্ঘটনায় ।

দুর্ঘটনা অবশ্য হবার কথা নয় ।

অফিস থেকে বেরিয়ে বাসের জন্য অপেক্ষা করছিল বিমল ।

পাশেই ফুটপাথে দাঢ়িয়ে ছিল মেয়েটি ।

বেশভূষা থেকে, দাঢ়াবার ভঙ্গী দেখেই টের পাওয়া যায় শহরের
মেয়ে । অর্থাৎ নতুন আমদানী নয় ; শহরে বসবাস চলাফেরা
তার ধাতস্ত হয়ে গেছে । যার সহজ একটা মানে এই যে খুব বেশি
রকম অন্তর্মনক্ষ হয়ে থাকলেও শহরের রাজপথে চলার সময় তার
অবচেতনা তাকে আপনা থেকেই কতকগুলি সতর্কতা পালন
করায় ।

নৌচু-দরজাওয়ালা বাড়ির মানুষের যেমন কয়েকবার মাথায়
ঠোকর খাবার পর ঠিক সময়ে মাথাটা নৌচু করা স্বত্বাবে দাঢ়িয়ে যায়,
সব সময়ে সচেতনভাবে খেয়াল রাখার দরকার থাকে না ।

অর্থচ বেশ খানিকক্ষণ চুপচাপ দাঢ়িয়ে থেকে মেয়েটি হঠাৎ
কোনো দিকে না তাকিয়েই সোজা রাস্তায় নেমে কয়েক পা এগিয়ে
যায় —সন্ধ্যার ঠিক মুখেই শহরের রাজপথে দ্রুতগামী গাড়ির যে
হৃমুখী শ্রোতৃ পাশাপাশি বয়ে চলে, তারই কাছের শ্রোতৃর মধ্যে ।

বিজ্ঞান অবশ্য বলে দিতে পারে কেন এ রকম ঘটে। নৌচু
দরজাটার কাছে হাজারবার মাথাটা নত হলেও কেন একদিন হঠাৎ
অভ্যন্ত মাথাটা ঠোকর খেয়ে বসে, বছরের পর বছর ছদিকে তাকিয়ে
ফুটপাথ থেকে রাস্তায় নামাটা ধাতে দাঁড়িয়ে গেলেও কেন সেই
মানুষটাই একদিন হঠাৎ এভাবে চলন্ত গাড়ির স্রোতের মধ্যে নেমে
যায়। বাস্তব ব্যাখ্যা আর বিশ্লেষণ বলে দিতে পারে বলে তথা-
কথিত ভূলের জন্য অথবা দোষের জন্য যে সব দুর্ঘটনা ঘটে সেগুলি
ঠেকাবার উপায়ও বিজ্ঞান বলে দিতে পারে।

কিন্তু শুনছে কে ?

মন্ত্র সেলুন গাড়িটা যেভাবে আসছিল তাতে মেয়েটিকে মেরে
ফেলতে পারত। কারো কিছু বলার থাকত না। পিছনে গাড়ি,
পাশে গাড়ি—এ অবস্থায় আত্মহত্যা করার জন্য কেউ যদি এভাবে
চলন্ত গাড়ির ঠিক সামনে এসে দাঢ়ায়, প্রাণপণ ব্রেক কষেও গাড়িটা
থামাবার সময় বা ফাঁক না রাখে, তাকে চাপা দেবার অধিকার
নিশ্চয় সে লোকের আছে।

কিন্তু গাড়িও কিনা মানুষ চালায় এবং জগতে এত সমারোহের
সঙ্গে ছোট এবং বিরাট স্কেলে মানুষ মারা হয়ে থাকলেও মানুষকে
বাঁচাতে চাওয়াটাই ধাত কিনা মানুষের, দুর্ঘটনা তাই হয়ে দাঢ়ায়
অন্য রকম।

দুর্ঘটনা ঠেকাবার উপায় ছিল না। সেলুন গাড়িটার মোটা বেঁটে
কালো রঙের ড্রাইভারটি গাড়ির এবং নিজের খানিকটা বিপদের
কুঁকি নিয়ে মেয়েটিকে জোরে ধাক্কা দিয়েও প্রাণে বাঁচিয়ে দেয়।

দাতে দাত চেপে ব্রেক কষার সঙ্গে সঙ্গেই সে গাড়িটাকে ডাইনে

গুরিয়ে দেয়। গাড়ির ধাক্কায় মেঝেটি ছিটকে পড়ে ফুটপাথের দিকে, গাড়িটা গিয়ে ধাক্কা মারে চলস্ত ট্রামটার গায়ে।

অন্তুত একটা টানা আর্তনাদের মতো আওয়াজ ওঠে একসঙ্গে অনেকগুলি গাড়ির ব্রেক কষার।

সেলুন গাড়িটার পিছনে আসছিল পূরনো সম্ভাটে আকারের একটি গাড়ি। ব্রেক কষে সেটাও ছমড়ি খেয়ে পড়ে সেলুন গাড়ি-টার উপর। ফলে পিছনের সীটের ডান দিকের কোণে যে প্রোট ভদ্রলোকটি বসে ছিল, চোট লেগে অজ্ঞান হয়ে সেপাশের তরঙ্গীটির কোলে ঢলে পড়ে—সন্তা সিনেমার চমকপ্রদ ঘটনার মধ্যে আসল রসালো দৃশ্যটির মতোই।

সব গাড়ি থেমে যায়। দেখতে দেখতে প্রকাণ্ড এক লোকারণ্য মেখানে জমাট বেঁধে ওঠে।

কী বিরাট ছন্দে কী রুকম আশ্চর্য মস্তন গতিতে শহরের এই একটি রাজপথে জীবনের শ্রোত বয়ে চলেছিল, কী বিচ্ছিন্নতাবে তাতে মেশানো ছিল নানা বিভেদ আৱ সামঞ্জস্য, ব্যাহত হয়ে থেমে যেতে সেটা যেন স্পষ্ট হয়ে ওঠে। আগে ছিল নানা আওয়াজের মেশাল দেওয়া একটানা গুঞ্জনধ্বনি, এখন তার চেয়ে জোরালো। হয়ে ওঠে শুধু মুখর মানুষের কলরব।

কত অল্প সময়ের মধ্যেই যে আবার আগের অবস্থায় ফিরে যায় রাজপথটা!

চুর্ঘটনা গুরুতর নয়। একজনও মৰে নি, হাসপাতালে পৰে কাৰও মৰিবাৰ সন্তাৱনা নেই।

কয়েকজন আহত হয়েছে আৱ কমবেশি জখম হয়েছে খানচারেক

গাড়ি। বেশি চোট লেগেছে সেলুন গাড়িটার ড্রাইভার, আর যে মেয়েটি দুর্ঘটনা ঘটিয়েছে তার। তবে তাদেরও মারাত্মক নয় কিছু। সেলুন গাড়িটার পিছনের সীটের উজ্জ্বলোকের মাথার পিছন দিকটা দেখতে দেখতে ফুলে ঢোল হয়ে উঠেছে, একখানা হাত গেছে মচকে।

অ্যাম্বুলেন্স এসে পড়ার আগেই পুলিশ ভিড়কে একপাশে ঠেলে দিয়ে রাস্তার ওপাশ দিয়ে গাড়ি চলাচলের ব্যবস্থা চালু করে দেয়। অ্যাম্বুলেন্স এসে আহত কজনকে নিয়ে যায় হাসপাতালে। বেশি-জখম সেলুন গাড়িটার সামনের দিকটা শিকলে বেঁধে শূন্যে ঝুলিয়ে পিছনের দু চাকায় গড়িয়ে টেনে সরিয়ে দেওয়া হয়।

তার পরেই দেখা যায় পথে যেমন চলেছিল তেমনি চলছে গাড়ি ও মানুষের দুর্মুখী দুটি ধারা।

বিমল কিন্তু আর বাসে ওঠে না। তাকে ভাবনায় পেয়েছে। হাঁটতে হাঁটতেই বাড়ি ফেরে সেদিন।

বিমল যখন চন্দ্রনাথের ঘরে এসে পৌছল তখন রাত এগারোটা বেজে গেছে।

ঘরে ঢুকে দেখে, চন্দ্রনাথ ঘুমে অচেতন, শাস্তিলতা শিয়রে বসে মাথায় হাত ঝুলিয়ে দিচ্ছে।

বিমল গিয়ে চৌকির ধারে দাঢ়ায়।

—হঠাতে আবার কী হল?

—মদ খেয়েছেন।

—কেন?

—কোন্ এক সর্বনেশে বাড়িগুলেকে জুটিয়েছেন। চাকরি করে দেবে বলেছে।

—লোকটা কে ?

—চিনি না। বলেন, দেশের লোক। ছেলেবেলার বন্ধুর হেলে।
কারবার আছে। সেইখানে বাবাকে চাকরি দেবে বলেছে।

—কাল রাতে যে এসেছিল ?

শাস্তিলতা জবাব দেয় না।

কিছুক্ষণ পরে বিমল বলে :

—তুমি তাহলে বোসো। ডাক্তার নিয়ে আসি।

শাস্তিলতা বাধা দেয় :

—এখন থাক। ঘুমোচ্ছেন। কাল সকালে দরকার হয় তো যাবেন।

—বেশ, আমি কাল ভোরেই আসব।

বিমল ঘর ছেড়ে বেরোবার আগে শাস্তিলতা পিছন থেকে বলে :

—একটা কথা আপনাকে বলবার ছিল আমার।

বিমল ঘুরে দাঢ়ায়।

—আপনি আমাকে কাজ করার কথা বলেছিলেন একবার।

—বলেছিলাম। কিন্তু তুমি তো রাজী নও।

—বাবা রাজী নয়।

—সে একই কথা।

—বাবার কথা আর মানা চলবে না। আমাকে কাজ করতে হবে।

—সত্যিই কাজ করবে ?

—দয়া করে একটা ব্যবস্থা করে দিন বিমলবাবু। নইলে বাবাও, মরবে, আমিও বাঁচব না।

—কাজ একটা আছে। ছোটো ছোটো ছেলেমেয়েদের পড়াতে হবে। ইঙ্গুলের চাকরি। তোমার যা জানা আছে তাতেই হবে। মাঝে পঁচিশ টাকা। করবে ?

—আমি পারব ?

—পারবে না কেন ? বাঙ্গলা পড়তে শেখাবে, অঙ্গ শেখাবে, গল্ল করে দেশের কথা বলবে—এ তুমি পারবে না ?

—আপনি তাহলে কালই ব্যবস্থা করে দিন। দোহাই আপনার।

—তাহলে কিন্ত এ জায়গা ছাড়তে হবে। ইঙ্গুলের কাছাকাছি থাকতে হবে। ভালো করে ভেবে দেখো। কাল বোলো আমাকে।

সকাল হতে না হতেই সুখেন্দু এসে হাজির।

শাস্তিলতা তখন কলতলায়। সুখেন্দু স্টান গিয়ে ঘরে উঠে চৌকির উপর বসে। হাতে একটা ছুধের বোতল।

—কেমন আছেন জ্যাঠামশাই ?

মাথা নীচু করে আস্তে আস্তে জবাব দেন চন্দ্রনাথ :

—দেহটা বড় অবশ লাগছে, বাবা !

—ছুধ এনেছি। জ্বাল দিয়ে গরম গরম খেয়ে নিন। ভয় নেই কিছু।

মুখহাত ধূয়ে ঘরে ঢোকে শাস্তিলতা।

শুখেন্দুকে দেখে সর্বাঙ্গ জলে ঘায়। বলে :

—আপনি এসেছেন কেন ?

শুখেন্দু কথা গায়ে মাথে না। স্বাভাবিক কর্তৃ বলে :

—চুধ নিয়ে এসেছি। গরম করে থাইয়ে দিতে হবে। ডাক্তার
বলেছে।

শুখেন্দুর সামনে গিয়ে সাপিনীর মতো ফুঁসে উঠে শাস্তিলতা :

—আপনার চুধ নিয়ে আপনি এখনটি চলে যান এ বল্টিখেকে।
আপনার চুধ বিষ। ও চুধ আমার বাবা থাবে না।

শুখেন্দু আত্মরক্ষা করার চেষ্টা করে :

—আমার কী দোষ ? আমি কি মুখে তুলে দিয়েছিলাম ?

আমি তো বাধাটি দিতে গিয়েছিলাম।

—আপনার কোনো কথা আমি শুনব না। আপনি চলে যান
আমাদের ঘর থেকে।

চন্দ্রনাথ উঠে বসে :

—শুখেন্দু, ও বড় রাগী মেয়ে বাবা। তুমি বরং এখন এসো।
আমি একটু গায়ে জোর পেলেই তোমার সঙ্গে দেখা করব। তুমি
কিছু মনে কোরো না বাবা।

শুখেন্দু আর একটি কথাও না বলে বেরিয়ে ঘায়।

পিছন থেকে চিংকার করে শাস্তিলতা :

—আপনার চুধ নিয়ে যান।

শুখেন্দু ততক্ষণে উঠোনে নেমে পড়েছে।

চন্দ্রনাথ বলে :

—তুই বড় অসভ্য হয়েছিস শাস্তি।

শাস্তিলতা হুধের বোতলটা টান মেরে উঠোনে ছুঁড়ে দেয়।
পাঁচিলের ওপর ঠং করে একটা শব্দ ওঠে।

পরমুহুর্তেই বোতলটা ভেঙে মাটিতে পড়ে যায়। হুধটা
চারিদিকে ছিটকে ছড়িয়ে পড়ে। একদৃষ্টে সেইদিকে তাকিয়ে দেখে
শাস্তিলতা। তারপর দড়াম করে দরজা বন্ধ করে দেয় ঘরের।

সুখেন্দু পিছন ফিরে তাকায়। তার মনে হয় শাস্তিলতার
কথে ~~কানো~~ ভঙ্গীটা যেন অননুকরণীয়।

এ মেয়েকে হিসেবে পায় না সুখেন্দু।

বিশ বছর বয়স পর্যন্ত মাকে দেখেছে। গোবেচারা মানুষ।
উদয়াস্ত ঘাড় ঝঁজে কাজ করে যায়। সাত চড়েও মুখে রা
কাড়ে না।

মেয়ে বলতে সুখেন্দু এতকাল সোজা হিসেবে তার মাকেই বুঝে
এসেছে। নীরব, নত্র, বাধ্য।

সেই জানা হিসেব গুলিয়ে যাচ্ছে।

অন্ত হিসেব দিয়ে শাস্তিলতাকে যাচাই করতে হবে।

নতুন হিসেব বার করতে হবে সুখেন্দুকে।

নতুন হিসেব বার করতে হবে চন্দ্রনাথকেও। স্বার্থপর শহরে
স্বার্থপর অস্তিত্বের মন্ত্র। মাংস্তন্ত্রায়ের মন্ত্র।

সুখেন্দু বলেছে—কাউকে বিশ্বাস করবেন না জ্যাঠামশাই।
আমাকেও না।

ঠিক কথা । তা-ই ঠিক ।

কিন্তু শাস্তিলতাকে এখন সাপিনীর মতো ফুঁসে উঠতে দেখে
মনে হল, না, ঠিক নয় । ঠিকটা কী শাস্তিলতা জানে কি ?
হিসেবে বার বার গরমিল হয়ে যায় চন্দনাথের ।

সব ব্যবস্থা পাকা করে এসেছে বিমল । শাস্তিলতা ঘেদিন খুশি
গিয়ে চাকরি শুরু করে দিতে পারে ।

থাকার ব্যবস্থাও হয়েছে । মনোলতার দেওর পাটনায় বদলী
হয়েছে । তার ঘরটা খালি পড়ে আছে । আপাতত সেই ঘরে
গিয়ে উঠবে শাস্তিলতারা । তারপর ঘর একখানা খুঁজে নিলেই
হবে ।

শাস্তিলতা হাঁফ ছেড়ে বাঁচে । বলে :

—কী উপকার যে আমাদের করলেন ! চিরকাল মনে থাকবে ।
তাহলে কালই আমাদের পৌছে দিন না । দেরি করে লাভ কী ?

—তা কী করে হয় ? আমার অফিস আছে না ?

—তাহলে ?

—রবিবার । শনিবার সব বাঁধাছাঁদা গোছগাছ শেষ করে
রাখবে । রবিবার সকালের দিকেই পৌছে দেব ।

মনোলতারা একটা তেতলা বাড়িতে থাকে ।

বাড়িটা জীবন মাইতির ।

জীবন সপরিবারে থাকে একতলায় । দোতলা তিনতলা ভাড়া
থাটারা ॥

তিনতলায় থাকে নিখিলের ।

বাড়িটা তৈরি হবার কয়েক মাস পরেই তারা ভাড়াটে হয়ে
এসেছিল । দশ-এগারো বছর একটানা ভাড়া গুনে আসছে ।
নিখিলের বাবা অনাদি তিন তারিখে বেতন পায় । চার তারিখে
সকালবেলাই ভাড়ার টাকাটা জীবনকে দিয়ে আসে । জীবন মাঝে
মাঝে ভাড়াটা একটু বাড়িয়ে দেবার কথা বলে । বলে :

—অস্তুত দশটা টাকা না বাড়ালে তো চলে না মশায় । আগের
ভাড়াই চিরকাল চালিয়ে যাবেন ?

অনাদি নরম হয় না । তার প্রস্তাবকে আমল দেয় না । বলে :

—ভাড়ার টাকা যা গুনেছি আজ পর্যন্ত, জমালে নিজে একটা
বাড়ি করতে পারতাম । ভাড়া বরং এবাব কিছু কমিয়ে দেওয়া
উচিত আপনার ।

—ছেড়ে চলে যান । অন্ত ভাড়াটে রাখব ।

—এতকাল ভাড়া গুনলাম—ছেড়ে চলে গিয়ে অস্তুবিধায় পড়ব ?
এতট বোকা ভেবেছেন আমাকে ? পারেন তো উঠিয়ে দিন ।
আমি ঝঞ্চাট করবনা । পারবেন কি ? নিজেই মুশকিলে পড়ে

যাবেন। কোটি থেকে হয়তো ভাড়া কমিয়ে দেবে দশ-পনেরো
টাকা।

জীবন একটা বিড়ি ধরায়।

হাই তুলে বলে :

—কী বোকামিহ যে করেছি আপনাদের বাড়ি ভাড়া দিয়ে!
অনাদিহাসে।

—বোকামি করেছেন? ছটো তলা ভাড়া দিয়ে বাড়ি তৈরির
খরচ তো তুলে ফেলেছেন। এবার লাভ করছেন। লাভ যখন
হচ্ছে সেটাই মেনে নিন। দোতলার হেডমিস্ট্রি সের সঙ্গে মিলেমিশে
ভাড়া কমাবার মামলা করলে মুশকিলে পড়ে যাবেন। জজসাহে-
বেরা আজকাল ভাড়াটেদের দিকে টেনে রায় দেন—জানেন তো?

দোতলার ভাড়াটে মনোলতা।

মেয়েদের একটা হাইস্কুলের হেডমিস্ট্রি স।

স্কুলের শুরু থেকে চাকরি।

তার চেষ্টাতেই অনেক উন্নতি হয়েছে স্কুলের।

ক্লাসে ক্লাসে তিন-চারটে সেকশন করেও মেয়ে ভর্তি করে
কুলিয়ে ওঠা যাচ্ছে না।

মনোলতার মত এই যে ছেলেদের চেয়ে মেয়েরাই আজকাল
বেশি লেখাপড়া শিখছে।

পড়াশোনায় ছেলেদের মন নেই।

অন্তুত একটা অস্থিরতা এসেছে ছেলেদের মধ্যে।

মনোলতা বলে যে দোষ তাদের নয়।

মন বিগড়ে গেলে উপায় কী।

কোনো দিকে কোনো পথ খুঁজে পাচ্ছে না, কী করবে বুঝতে
পারছে না, অকাজ ছাড়া কাজ জুটছে না--ছেলেদের দোষ কী।

ছেলেদের এই অস্মুবিধির সুযোগ নিয়ে মেয়েরা যে চাকরিবাকরি
আদায় করবার সুযোগ-সুবিধা লুটছে, মনোলতা এটা মোটেই
পছন্দ করে না।

সে স্পষ্টই বলে, এসব হল সন্তা হিসেবের ইয়ার্ক। ছেলেরা
কাজ পাবে না—মেয়েদের জন্য কাজের ছয়লাপ চলবে। এ
নিয়মের মানে হয়! ছেলেদের বাদ দিয়ে চলতে পারবে মেয়েরা?
কী উন্ট বুদ্ধি!

— বুদ্ধিটা কার?

— একজনের তো নয়। কর্তাদের বুদ্ধি।

— কর্তাদের বাতিল করতে এবার তবে লড়াই শুরু করতে হয়।

— বোমা-পটকার লড়াই চলবে না কিন্তু। আমি নিজে ঠেকা-
বার চেষ্টা করব।

বিমল বলে :

— বোমা-টোমাৰ ব্যাপার আমরাই কি চলতে দেব? ও সব
বাতিল হয়ে গেছে। আপনি যদি বোমা-টোমাই বাতিল করতে
চান, সে কথাটা স্পষ্ট করে বলুন। আপনার আবোল-তাবোল
উলটো-পালটা কথা শুনে আমাদের মাথা গুলিয়ে যায়।

— আমি আবোল-তাবোল কথা বলি?

— হ্যাঁ। মেয়েরা বিশ্রী রকম আবোল-তাবোল কথা বলে।

— ছেলেরা?

— ছেলেরা যা বলে তাই করে।

—এত বেশি টানছ ছেলেদের দিকে ?

—ছেলেরাই ভালো—মেয়েদের চেয়ে শতগুণ ভালো ।

—ছেলেদের আমি তুচক্ষে দেখতে পারি না । দিন দিন যেন
সন্তা বনে যাচ্ছে ।

শাস্তিলতা এতক্ষণে মুখ খোলে । বলে :

—এটা আপনার হিংসার কথা, দিদি ।

—হিংসার কথা মানে ?

—হিংসার কথা ছাড়া কী ? মেয়েরা ভালো, ছেলেরা খারাপ

—এ কথার কোনো মানে হয় ? ছেলেরা খারাপ হলে মেয়েরা
কথনো ভালো হতে পারে ?

—কেন হতে পারবে না ?

—ছেলেমেয়ে মিলেমিশে চলে । ছেলেদের বাদ দিয়ে মেয়েদের
চলে না, মেয়েদের বাদ দিয়ে ছেলেদের চলে না । তুমি একেবারে
উলটো কথা বলছ, দিদি । দোষ যদি ধরতে হয় তু পক্ষের ধরতে
হবে । আবোল তাবোল দোষ ধরা আমরা ছেড়ে দিয়েছি ।

—আমরা মানে ?

—আমরা মানে মেয়েরা । ছেলেদের ঘাড় ভেঙেছি অনেক ।
আর ভাঙব না ।

শুনে মনোলতা হাসে ।

—তোর এমন বৈরাগ্য জন্মে গেছে ?

—বৈরাগ্য তো নয় দিদি—নীতিজ্ঞান ।

—নীতিজ্ঞান বেশি টনটনে হলেই বৈরাগ্য জন্মায় ।

—সে তো ভালো কথা ।

মনোলতা মাথা নাড়ে। জোর দিয়ে বলে :

—মেটেই ভালো কথা নয়। বৈরাগ্য নিয়ে সংসারে থাকার
কোনোই মানে হয় না। ছটোর মধ্যে খাপ খায় না। হয় এদিক
নয় ওদিক করতে হয়।

—করলেই হল—ফুরিয়ে গেল।

—অতই যদি সহজ হত, শাস্তি, তাহলে আর ভাবনা কী ছিল।
সংসারে মানুষ এত অশাস্তিতে ভুগত না। বুঝেশুনে চলতে পারা
যায় না বলেই তো এত গঙ্গোল বাধে। তোর কথা আমি
বুঝি না, আমার কথা তুই বুঝিস না। সব যেন এলোমেলো
উলটোপালটা হয়েই চলবে—কেউ ঠেকাতে পারবে না। কী
বিশ্রী ব্যাপার বল দিকি।

—বিশ্রী ব্যাপার মনে করলেই বিশ্রী ব্যাপার—নইলে নয়।
সংঘাত নিয়েই তো জীবন। সংঘাত ছাড়া জীবন হয় না। আমরা
মাথা গুলিয়ে ফেলি বলেই তো মুশকিল হয়।

—গুরু সংঘাত ? হাসি আনন্দ সব বাদ যাবে ?

—সংঘাত ছাড়া হাসি হয় ? আনন্দ হয় ? সংঘাত শক্টার
মানেই তোমরা জান না।

—তোরা সব শব্দের নতুন নতুন মানে শিখেছিস, আমরা
সেকেলে বুদ্ধি নিয়ে কী করে পাল্লা দেব বল ?

—সেকেলে বুদ্ধি একেলে বুদ্ধির কথা নয়, দিদি। আসল কথা
হল, আসল কথার আসল মানেটা ঠিকমতো বুঝতে পারা। এই
যে তুমি সেকাল আর একালের কথা বললে—কোন্ ধারণা
থেকে বললে ? তোমার মতে—একালে বুঝি সেকালটা বাতিল

হয়ে যায়। সেকাল বুঝি ফুরিয়ে গেছে—সেকালের আর দরকার নেই। কথা তা নয়। সেকাল ছাড়া একাল হয় না, সেকাল-একালকে পৃথক করা যায় না। কাল নিয়মে চলে, নিয়মে বাঁধা গতির মধ্যেই কালের পরিবর্তন ঘটে, আগে একরকম হয়েছিল বলেই পরে আর একরকম সম্ভব হয়েছে। তার মধ্যে এতটুকু ফাঁকিবাজির স্থান নেই। নিয়ম চলছে নিয়মে। তোমার বয়স কিছু বেশী হয়েছে, আমার বয়স কম। তোমার জীবনের জের টেনেই কিন্তু আমায় চলতে হবে—আকাশে ফানুস হয়ে উড়ে গেলে আমার চলবে না।

—কারই বা তা চলে ? একটা গুণ কিন্তু তোর এই এক বছরে হয়েছে দেখা যাচ্ছে—কথা কইতে শিখেছিস।

—মুখ্য মানুষ, দিদি—যেটুকু শিখেছি তোমাদের কাছ থেকে শুনে শুনেই শিখেছি।

—নে, খুব হয়েছে। এখন আমার আসল কথাটার জবাব দে তো !

—কী তোমার আসল কথা ?

—সুখেন্দুকে ভোগাছিস কেন ? তাকে স্পষ্ট করে কিছু বলছিস না কেন ?

—আমার কথা তো আমি বলেই দিয়েছি।

—কী বলেছিস ?

—আমার শর্ত মানতে হবে আগে।

—কী তোর শর্ত ?

—কারবার তুলে দিতে হবে।

—কেন ?

—ও লোকঠকানো কারবার । ওতে বুদ্ধি পচে যায় ।

—তুলে দিয়ে খাবে কী ?

—কারিগর মানুষ, কারিগর ছিল, আবার কারিগর হতে হবে

—আর ?

—মদ ছাড়বে বলে সকলের সামনে প্রতিজ্ঞা করতে হবে ।

—তোর কথা ঝদি ও মেনে নেয় ?

—তার কথা ও আমি মেনে নেব ।

—মাস্টারি ছাড়বি ?

—আপসে ছাড়ব ।

—সুখেন্দুকে তাই বলব ?

—শুনতে চাইলে বলতে পার । যেচে নয় ।

দিনের আলো ফুরোবার আগেই ঘন মেঘে আকাশ থমথমে
কালো হয়ে এল । মাঝে মাঝে বাজ ডেকে ওঠে, বিদ্যুৎ বিলিক
দিয়ে ওঠে । অল্প যে কজন নিমস্তিত হয়েছিল, জোর বৃষ্টি নামবার
ভয়ে কেউই আর বেশি রাত করতে সাহস পায় নি ।

হু হু করে একটা দমকা বাতাস এসে নিবু-নিবু বাতিটাকে এক
ফুঁয়ে নিবিয়ে দিয়ে গেল । আর সঙ্গে সঙ্গেই সুখেন্দুর টিনের চালের
উপর বেজে উঠল শ্রাবণধারার উম্মত তাণ্ডব ।

শান্তিলতা উঠে জানলার ধারে গিয়ে দাঁড়ায় ।

স্বর্খেন্দুও তার পিছন পিছন উঠে আসে। বলে :

—আমার মায়েরও এমন বর্ষার রাতে ফুলশয়ে হয়েছিল।

—তুমি কি করে জানলে ?

—তুই কিন্তু আমার মায়ের মতো নোস। আমার মা বড়ো
শাস্তি ছিল।

—আমি ?

—তোর বড়ো তেজ। মেঘেমানুষের, বউমানুষের অত তেজ
থাকা ভালো নয়।

—আমিও শাস্তি। আমার নাম শাস্তি।

আকাশে সাদা মেঘের ছড়াছড়ি। কোথা থেকে উড়ে এসে একসাথে
জোট বেঁধে একদিকে ভেসে চলেছে।

একরঙ্গি উঠোনটুকুতে দাঢ়িয়েই বা আকাশের কতটুকু নজ
পড়ে। দাওয়ার খুঁটিতে আঞ্চেপৃষ্ঠে বাঁধা হয়ে দাঢ়িয়ে থাকতে হলে
তারও বেশীর ভাগ চোখের আড়ালে পড়ে যায়। ঘাড় বাঁকিয়ে
প্রাণপণে চেষ্টা করলেও ওপাশে রাসমণিদের চালাটার উপর দিয়ে
একটা ফালি শুধু দেখা যায় আকাশের।

ঘাড়টাই শুধু ব্যথা হয়।

আথালিপাথালি মেরেছে। দড়ি দিয়ে শক্ত করে খুঁটির সাথে
পেঁচিয়ে পেঁচিয়ে বেঁধেছে। ব্যথায় টনটন করছে সমস্ত শরীরটাই।
ঘাড় বাঁকিয়ে সাদা মেঘে ছয়লাপ ওই ফালিটুকুর চেয়ে আরও

খানিকটা দেখবার চেষ্টা করলে ঘাড়টা যেন মটকে ঘাবে মনে হয়। তবে, সারা আকাশ জুড়ে পুঁজি পুঁজি সাদা মেঘের একমুখী সমান গতিতে ভেসে চলা দেখতে বিশেষ অসুবিধা হয় না শাস্তিলতার।

ছেলেবেলা থেকে কত দেখেছে। আকাশ জুড়ে সাদা মেঘের ভেসে চলবার লীলা, আর আজ-ভাঙা কাল-আস্ত চাঁদটার সাথে লুকোচুরি খেলা দেখতে দেখতে ঘুমচোখ জড়িয়ে এনে-এনেই সে যেন বড় হয়েছে – সংসারে উদয়াস্ত হাড়ভাঙা খাটুনি আর একটানা বকুনির তিতো স্বাদ ভুলে গিয়ে।

দাওয়ার কোণের দিকে খানিকটা ঘিরে চাঁদির রাম্ভাঘর। চালটা টিনের, দাওয়াও একটু চওড়া আছে। সামনাসামনি এই ছুটি ঘরেরই নামমাত্র একটু দাওয়া আছে, অন্য ঘরগুলির বেড়া উঠেছে ভিটের শেষ ইঞ্জিন স্থান দখল করে। ছোট লংঠনটা জ্বেলে চাঁদি তার ঘুপচি রাম্ভাঘরের ডিবরিটা নিভিয়ে দেয়। খেলবার মতো ছোট লংঠনটায় সামান্য বেশি তেল পোড়ে। বাইরে হাওয়ায় যে নিতে যায় না সে সুবিধাটুকুর দাম তো দিতে হবে।

ভাঙা কাঁসরের মতো খ্যানখ্যান করে উঠে চাঁদির গলা :

—এসে বসে যার যারটা খেয়ে লিয়ে যাও। অত ঘুম চলবে নি, পিটিয়ে হাড় গুঁড়িয়ে দেব।

স্বামী, দেওর, পাঁচটা ছেলেমেয়ে, আর পঙ্কু হাবাটে নন্দটার খ্যাট যা করার দিনে দিনেই চাঁদি সেরে রাখে। কিন্তু আজ ঘরে কিছুই ছিল না। আটটায় ছুটি পেয়ে নন্দ চাল আটা আলু পেঁয়াজ আর দু-তিন রকম মাছের খানিকটা লেজ-কাঁটা নিয়ে ঘরে ফেরার পর চাঁদি রাম্ভা শুরু করেছে।

নন্দকে দোকানে গিয়ে শিশিতে একটু তেল আর কিছু
মশলাপাতিও এনে দিতে হয়েছে।

—দাদা গেছে কোথা ?

—কে জানে কোন চুলোয় গেছে তোমার দাদা।

এবেলাৰ খঁজ্টেৱ জোগাড় কৱে দিয়ে নন্দও তাৰ দাদাৰ
মতো কোন চুলোয় গেছে কে জানে—এখনও দুজনাৰ পাতা
নেই।

ঘূমে কাতৰ বাঞ্চাগুলি খিদেয় বোধ হয় বেশী কাতৰ ছিল।
কাউকে ডেকে, কাউকে টেনে হিঁচড়ে তুলে এনে খেতে বসাতে
বেশী হাঙ্গামা কৱতে হয় না।

মন্ত একটা হাই তুলে শুকনো কাশিৰ একটা ধমক সামলে
এতক্ষণে যেন শাস্তিলতাকে দেখতে পেয়ে চাঁদি খ্যানখ্যান কৱে বেজে
ওঠে :

—কেমন মজা টেৱ পাছিস লো শাস্তি। ডিঙি মেৰে মেৰে
মিছিলেৱ পিছু পিছু ছুটিবি আৱ ?

—মিছিলেৱ আওয়াজ পেলে তুমিও তো ছুটে যাও।

—যাই তো। গলিৰ মোড়ে দাঢ়িয়ে মিছিল দেখে ঘৰে ফিরি।
তোৱ মতো আখায় ভাত চাপিয়ে দৰদোৱ ফেলে রেখে মিছিলে
ভিড়ে টো টো কৱে ঘূৰে বেড়াই সারাদিন ? ধিঙ্গিপনাৰ সীমা
আছে তো মেয়েমানুষেৱ, বউমানুষেৱ।

নিৰূপায় ছোট মেয়েৱ নিজেৱ পক্ষে সাফাই গাওয়াৰ মতো
নালিশেৱ সুৱে বলে শাস্তিলতা :

—ওৱা যে সবাই হাসিমুখে অমন কৱে ডাকল দিদি। তেতলা

বাড়ির মোটা বউটা ছিল, ওই যে সুন্দর গান করে সেই মেয়েটা
ছিল—আরও কত মেয়ে-বউ-গিলীবালীরাও ছিল।

এটা চেয়ে ওটা চেয়ে ছেলেমেয়েরা চেঁচামেচি জুড়েছিল।
দক্ষিণের চালাটার বেড়াটার গায়ে কাঠের গরাদ বসানো ফোকর-
টাতে মুখ রেখে রাসমণি চেঁচিয়ে বলে :

—তোদের বাড়ির ছেলেমেয়েগুলো খাটাসের মতো চিলায়,
ঁাদি। দিনভোর জরে ছটফটিয়ে মানুষটা একটু ঘুমিয়েছে, ঘুমটা
ভাঙ্গিয়ে দিলে ।

পরমাঞ্চর্য ব্যাপারই বটে যে, বদমেজাজী জাতকুঁহলী ঁাদি তার
শানানো তৈরী গলা যথাসাধ্য নরম করে জবাব দেয় :

—ছেলেপিলেরা একটু চিলায়। তা করা যায় কী বলো ।

ওদের চেঁচামেচিতে ঘুম ভেঙে গেছে দক্ষিণের চালাটার
পশ্চিমাংশের অধিবাসী দিবাকরের। সবাই জানে, কদিনের মধ্যে
এমন ঘুম দেবে দিবাকর যে চারপাশে হাজার বোমা ফাটলেও সে
ঘুম আর ভাঙবে না ।

রাসমণিও তা জানে। যুদ্ধফেরত জবরদস্ত সৈনিকটা রক্তবর্মি
করে মরছে। টি. বি. নয়, পেটের মধ্যে কী পেন হয়েছে। উন্টট
একটা ব্যাপার। যুদ্ধে গিয়ে আহত হয়েছিল, স্বস্থ হয়ে বাড়ি
ফিরেছিল। কবে যুদ্ধ থেমে গেছে, এতদিন পরে বোমার টুকরোর
আঘাতটা ঘনিয়ে উঠে ফাটিয়ে দিতে চাইছে তার দেহটা।
কাল দিবাকর হাসপাতালে যাবে। ছুদিন ধরে চেষ্টা করে ব্যবস্থা
করা গেছে ।

আধে অঙ্ককার গলি দিয়ে এবর-ওবরের মানুষেরা যাতায়াত করে, বাইরের লোকও আসে যায়। কোনো ঘরে ল্যাম্প, লঞ্চ বা প্রদীপ জ্বলে, আবার নিতে যায়। এ দিকটাকে ‘ভদ্র’ এলাকা আখ্যা দেওয়া যায়। গলিটা পাক খেয়ে আরও সরু আরও ছায়াচ্ছন্ন হয়ে পাশের দিকে এলোমেলো যে ঘরগুলির দিকে এগিয়েছে সেখানে এখন চলছে জীবন থেকে পুরো মাত্রায় মজা লুটিবার হল্লোড়—বেতালা বেশুরো গানবাজনা, ঘুঙ্গুরের বামাবাম আওয়াজের সঙ্গে চেঁচামেচি, হাসিকাশির ধমক।

গায়ে ফরসা জামাকাপড়, পায়ে পালিশকরা জুতো আর এসেন্সের ভূরভূর উগ্র গন্ধ নিয়ে খাশবাবু ছু-একজন বা পাঁচ-সাত জনের ছু-এক দল টর্চের আলো জ্বলে সরু গলিতে পাক নেয়—সঙ্গে দালাল থাকলে সে-ই টর্চ জালিয়ে পথ দেখিয়ে নিয়ে যায়।

ছু-একজন মাতাল ওই গলিতে বাঁক নেবার বদলে এই উঠোনে এসে ঢোকে—কেউ ধমক অর্থাৎ গালি খেয়েই বেরিয়ে যায়, কাউকে ছু-চারটা গাঁট্টা মেরে গলাধাকা দেওয়ার প্রয়োজন হয়।

মাঝে মাঝে মুখ তুলে খুঁটিতে বাঁধা শাস্তিলতার দিকে চেয়ে থাকে এবর-ওবরের বাসিন্দারা—কিছু বলে না। রাসমণিদের দাওয়ায় বসে চার-পাঁচজন বিড়ি ফুঁকতে ফুঁকতে জটলা করে। গুদের মধ্যে নন্দ, আবহুল আর স্বুখলাল শাস্তির চেনা। নন্দের

সমবয়সী আৱ ছজনকে শাস্তিলতা ছ-একবাৰ শুধু চেয়ে দেখেছে।
শাস্তি জানে, তাকে নিয়ে জটলা নয়। সবাই যে ছ-এক নজর
শুধু তাকিয়ে দেখে, কাছে আসে না, কথা বলে না, সেজন্ত শাস্তিৰ
কোনো ক্ষেত্ৰ নেই।

তাৱ ইচ্ছাকেই ওৱা সম্মান দিচ্ছে। নইলে মুখ ফুটে শুধু
একবাৰ ডাক দিলে মেয়েপুৱৰেৰ কত জোড়া হাত চোখেৰ পলকে
তাৱ বাঁধন খুলে তাকে মুক্তি দেবে তা কি আৱ অজানা আছে
শাস্তিলতাৱ।

কিন্তু বড় রাগী, বড় একগুঁয়ে, বড় লোভী আৱ স্বেচ্ছাচাৰী
সুখেন্দু—অন্ত সব দিকে মানুষটা যতই ভালো হোক। নিজেৰ
তেজ যেন তাৱ সহ হয় না, অহঙ্কাৰে বিকাৱেৰ ঘোৱে মাথাটা
কেমন বিগড়ে থাকে। ঘৰে ফিৰে তাৱ বাঁধন খোলা দেখলে, এৱা
তাকে মুক্তি দিয়েছে জানলে, খেপে গিয়ে কী কাণ্ড কৱবে কে
জানে।

একলাটি সে কী-ই বা কৱতে পাৱে এতগুলি মানুষেৰ বিৱৰণকে
—সবাই মিলে ধৰে বেঁধে পাঁচ মিনিটেৰ মধ্যে এই দড়ি দিয়ে এই
খুঁটিৰ সঙ্গে বেঁধে ফেলতে পাৱে সুখেন্দুকে।

কিন্তু তাৱপৰ ? এটাই শাস্তিৰ আসল সমস্তা দাঢ়িয়েছে। তাৱ
বাঁধন খুলে আজকেৰ মতো সুখেন্দুকে নয় ওই খুঁটিৰ সঙ্গেই বেঁধে
ৱাখা গেল—কিন্তু তাৱপৰ ? মৱিয়া মানুষটাৰ রোখ চাপবেই
যতটুকু পাৱে প্ৰতিষ্ঠাত হেনে ধৰ্ম হয়ে যাবাৰ, মৱে যাবাৰ।
সেই আজুবাতী উন্মত্ততা ঠেকাবে কে ? তাৱপৰ নিয়েই শাস্তি-
লতাৱ যত মুশকিল।

এদের হস্তক্ষেপের দরকারও হয় না। তেলা বাড়ির হাসি
বউদি, মণি-দিদিদের একটা খবর দিলে সর্বাঙ্গে টন্টনে ব্যথা নিয়ে
এভাবে খুঁটিতে বাঁধা হয়ে তাকে ঠায় দাঁড়িয়ে থাকতে হয় না।
তেলা বাড়ির সামনেটা ওদিকের বড় রাস্তায়। পিছনের দিকে
তিনি তলার কোণের ঘরটার জোরালো বাল্বের এক ঝলক আলো
ক্ষীণ হয়ে এসে পড়েছে রাসমণিদের ঘরের চালায়।

খবর দিলে ওরা তাকে নিয়ে গিয়ে স্নান করিয়ে চা ছব পাঁচারুটি
খাইয়ে ওই ঘরেই হয়তো শুইয়ে রাখবে—খ্যাপা মানুষটা ঘরে
ফিরলে তাকে বুঝিয়ে সামলাবার জন্য আরও কয়েকজনকে সঙ্গে
নিয়ে এসে এখানে অপেক্ষা করবে। কিন্তু, শান্তিলতা জানে,
ওভাবে স্বর্ণেন্দুকে সামলানো যাবে না। হাসি বউদি, মণি-দিদিদের
সঙ্গে খানিকটা তর্ক হয়তো সে জুড়বে—রাগারাগি করে, গালাগালি
দিয়ে অপমান ওদের সে করবে না। কিন্তু বুঝবেও না, মানবেও
না ওদের কোনো কথা। অন্ত অবস্থায় যে রাগে সে বোমার মতো
ফেটে পড়ত সেই রাগ চেপে রেখে ব্যঙ্গের স্বরে হয়তো জানিয়ে
দেবে : শান্তিকে তারা যখন আদর করে নিয়ে গেছে, শান্তি
তাদের কাছেই থাক। সারা জীবনের জন্তই থাক। শান্তিকে
দিয়ে তার আর কোনো কাজ নেই।

শান্তিলতাকে সঙ্গে নিয়ে ওরা এসে মিটমাট-মীমাংসার জন্য
সহপদেশ বাঢ়তে আরম্ভ করে অশান্তি ঘটালে হয়তো এই ঘর
ছেড়ে অন্ত কোথাও উঠে যাবে, অন্ত সাথী খুঁজে নিয়ে অন্য দিকে
যুরিয়ে দেবে জীবনের গতি।

‘কেউ একটু জল দাও না গো’—

কান পেতেই যেন ছিল সকলে। পাশের ঘরের সারদা
অ্যালুমিনিয়মের বড় গেলাসে জল নিয়ে বেরিয়ে এলে অন্যেরা আর
কেউ নড়ে না।

জানালার ফোকরে মুখ রেখে রাসমণি বলে :

—শুধু জল খাস নে শাস্তি, একটুখানি দাঢ়া।

দরজা খুলে বেরিয়ে এসে ছটো রসালো দানাদার শাস্তির মুখে
গুঁজে দেয়, বলে :

—শখ চেপেছিল দানাদার খাবেন। কিনে আনতে গিয়ে
মোড়ের দোকানে ডাগদরবাবুকে শুধোলাম। ডাগদরবাবু বললেন,
খেতে চাইলে দাও। দু-তিন গঙ্গা একবারে দিও না তাই বলে—
দু-একটা দিও। দানাদার কিনে ঘরে ফিরে দেখি কী, বেহেশ হয়ে
ঘুমোচ্ছেন। স্মৃতি দিতে এসে ডাগদর বলে গেল, দানাদার দিয়ে
আর কাজ নেই।

এক গেলাস জল শুষে নেয় শাস্তিলতা। সারদা বলে :

—মানুষটা ফিরতে এত দেরি করছে কেন আজ ! একজনকে
খুঁটিতে বেঁধে রেখে গেছে খেয়াল নেই ?

শাস্তিলতা বলে, তোরা শো গিয়ে ভাটি।

কাছের ও দূরের রেডিওগুলি থেমে যায়। রাত্রি বাড়ে। সরু গলির ও-মাথার পাড়াতে মাঝে মাঝে ছাড়াছাড়াভাবে মাথা চাড়া দিয়ে উঠলেও হল্লা মোটামুটি বিমিয়ে আসে। কাছাকাছি কোথাও একটা বাঁশের বাঁশি বেজে চলে। কোন্ দিক দিয়ে শুরু ভেসে আসে ঠিক ঠাহর পায় না। আকাশের ফালিটুকুতেও ছাড়াছাড়া সাদা মেঘ জমাট বেঁধেছে—ধীর মন্ত্রগতি জগৎজোড়া পুঁজীভূত শুচিশুভ্রতার অপ্রতিহত অভিযানের মতো।

শ্বাস্তিতে দাঁড়িয়ে দাঁড়িয়েই চোখ বুজে এসেছিল শাস্তিলতার, একাধিক মানুষের পায়ের শব্দে চমক ভেঙে উৎকর্ণ হয়ে উঠে শাস্তিলতা।

হ-সাত জন নানা বেশের মানুষ সুখেন্দুকে ধরাধরি করে নিয়ে উঠেনে ঢোকে। সুখেন্দু স্বলিত পায়ে হাঁটে। ওদের মধ্যে একজনের গায়ে উর্দি, পায় বুটজুতো—হ-এক বার তাকে যেন দেখেছে মনে হয় শাস্তিলতার।

আস্তিনগুটানো আদির পাঞ্জাবি পরা মানুষটা সবার চেনা— এ এলাকার সে নামকরা গুগুর সর্দার।

গুগু হিসাবে রাজা রাই সামিল—নামটা ও তার বাবুরাজা।

সুখেন্দুকে ঘরের মধ্যে নিয়ে গিয়ে বিছানায় আছড়ে ফেলে রেখে তারা বেরিয়ে আসে।

বাবুরাজা উঠোনে দাঢ়ায়। শাস্তিলতার সঙ্গে একটু রসিকতার
লোভ সামলাতে পারে না। হেসে বলে :

— বেঁধে রেখে গেছল বুঝি? আর ছঘা লাগিয়ে দেব
হারামজাদাকে?

শাস্তিলতা বলে :

— হাঙ্গামা কোরো না। ভালোয় ভালোয় কেটে পড়ো।

সঙ্গী একজন বাবুরাজাকে আঙুল দিয়ে খোঁচা মারে। বাবুরাজা
চোখ ফিরিয়ে চারিদিকে তাকায়। দাওয়ায় আর দরজাতেই শুধু মানুষ
এসে দাঢ়ায় নি, শুধু জানালা দিয়েই মানুষেরা মুখ উকি দিয়ে নেই,
গলি থেকে উঠোনে ঢোকবার মুখেও কতগুলি মানুষ দাঢ়িয়েছে।
ঠিক যেন কোনো নাটকের অভিনয় দেখবার জন্য প্রতীক্ষারত
নিরীহ নীরব দর্শক।

গুপাশের পুরানো একতলা দালানটার চিলেকেঠার ছাদ থেকে
বড় টর্চের ফোকাসকরা জোরালো আলো বাবুরাজাদের গায়ে এসে
পড়ে। শুধু চমক লাগে না, বেশ একটু সন্ত্রস্তই হয়ে ওঠে
বাবুরাজার।

কয়েক মুহূর্ত পরে আশেপাশে চিহ্নও দেখা যায় না তাদের।

শাস্তি ডাকে কি না, সেজন্ত অপেক্ষা না করেই যে যার ঘরে
চুকে যায়। শাস্তি যদি ডাকে ঘরের ভিতর থেকেও তার ডাক
শোনা যাবে। জোরের সঙ্গে, সুস্পষ্ট ভাষায় জানানো, তার ইচ্ছার
বিকল্পে গায়ে পড়ে তাকে দরদ দেখাতে চাওয়ার মানে হয় না।

শাস্তি রাগতেও জানে। রেগে আগুন হয়ে সে হয়তো ধরক
দিয়ে বসবে :

—ছ্যাবলামি করতে কে ডেকেছে, তোমাদের? আমার
ভালো চাও, না মন্দ চাও, শুনি?

নন্দর দাদা মনোহর ঘরে ফিরে থেতে বসেছিল। ঘরের
মেঝেতে লঠনের সামনে তাকে সব বেড়ে দিয়ে টাঁদিও কাসিটা নিয়ে
বসে গেছে। দেরি করা ধাঙ্গাবাজি। মনোহর চাইলেও আর
কিছুই তাকে দেওয়া চলবে না। দিলে রাতটা উপোস দিয়ে
কাটাতে হবে টাঁদিকে।

নন্দ-আবছুলেরা দাওয়ায় বসে জটলা পাকাচ্ছে। বিড়ি বোধ
হয় ফুরিয়ে গেছে, একটা বিড়ি ধরিয়ে দু-একটা টান দিচ্ছে পালা
করে।

ঘরের ভিতর থেকে ক্ষীণস্বরে শুখেন্দু বলে :

—উঠে দাঢ়াতে পারছি না রে। দড়িটা খুলতে পারবি নিজে
নিজে?

শান্তি নীচু গলায় বলে :

—ওদের কাউকে ডাকি?

শুখেন্দু তাড়াতাড়ি বলে :

—না না, ওদের ডেকে কাজ নেই। আমিট বরং কোনোরকমে
উঠছি দাঢ়া।

—থাক, তোমাকে উঠতে হবে না! চেষ্টা করে আমিট খুলছি
বাঁধনটা।

হাত বাঁধা, ঘাড় বাঁকিয়ে ধারালো ছপাটি দাত দিয়ে বাঁধনদড়ির
যেখানটা নাগাল পায় সেখানটা কামড়ে কামড়ে কেটে ফেলে
শাস্তিলতা। সময় লাগে খানিকটা।

অধীর শুখেন্দু দু-তিন বার জিজ্ঞাসা করে :

—কী করছিস? পারছিস না?

—এই হল বলে। আর একটু।

এক জায়গায় কাটা পড়তেই প্যাচানো দড়ি ঢিলে হয়ে যায়,
হাত আলগা করে গিঁট খুলে মুক্তি পাওয়া সহজ হয়।

ঘরে গিয়ে আগে আলো ঝালে শাস্তিলতা।

শুখেন্দুর চোখ টকটকে লাল। যেন ভূত দেখছে এমনিভাবে
চোখ বড় বড় করে মেলে শাস্তিলতার মুখের দিকে চেয়ে সে বলে :

—মুখ দিয়ে রক্ত পড়ছে তোর! মুখে মেরেছিলাম নাকি রে?

—ও কিছু না।

কলসী থেকে জল গড়িয়ে কয়েকবার কুলকুচো করে শাস্তিলতা
কড়া ধরকের শুরে জিজ্ঞাসা করে :

—এমন দশা হল কেন তোমার?

শুখেন্দু দুহাতে পেটটা চেপে ধরে রেখেছিল। কয়েকবার
হাঁপিয়ে গিয়ে জড়িয়ে জড়িয়ে বলে :

—বজ্জাতি করতে চাই নি বলে পিটিয়ে লাশ করে দিয়েছে।
পিলে লিভার একটা কিছু ফেটে গেছে নিশ্চয়। দু-তিন বার
রক্তবমি করেছি।

শাস্তি আর একবার কুলকুচো করে মুখের রক্ত ধূয়ে ফেলে শাস্তি
শুরেই বলে :

—ওঁ, মাথা ফাটায় নি ? কাপড়চোপড়ে যে রক্ত লেগেছে,
সেটা বমি করেছে ? যাক গে, ওদের ডাকি ।

—না না, ওরা এসে টিটকারি দেবে ।

—দিলে দেবে । টিটকারির ভয়ে মরবে নাকি বোকার মতো ?

সবাই এসে ভিড়ও জমায় না, টিটকারিও দেয় না ।

ডাক্তার আসতে আসতে সারদা আর চাঁদি কাপড় ছাড়িয়ে
কার ঘর থেকে তোশক এনে মেঝেতে বিছানা পেতে শাস্তিলতাকে
শুইয়ে দেয় । নন্দ-আবহুলেরা সাবধানে সুখেন্দুর গা থেকে রক্ত-
মাখা কাপড়জামা ছাড়িয়ে নিয়ে আলগা করে একটা চাদর
জড়িয়ে দেয় ।

কলসী থেকে এক গেলাস জল গড়িয়ে সুখেন্দুর মাথাটা ধূয়ে
দিয়ে বুনোর মা হাতপাখা নিয়ে বাতাস শুরু করে ।

কলসীতে জল বেশি নেই । জলের বড় টানাটানি চারিদিকে ।

ডাক্তার আসতে আসতে সুখেন্দু আর একবার খানিকটা রক্ত
উগরে ফেলে ।

শাস্তি উঠে বসে । এবার আর কেউ তাকে শুয়ে থাকতে
বলে না ।

ডাক্তার এসে সুখেন্দুকে পরীক্ষা করছে, রাসমণি ধীরে ধীরে ঘরে
চোকে । বলে :

— যাবার আগে মোর ঘরে মানুষটাকে একবার দেখে যাবেন

ডাগদুরবাৰু। বেহেশ হয়ে ঘুমোছিল, নাড়ীটা এখন ছেড়ে গেছে
মনে হয়।

কানে স্টেথোস্কোপ লাগানো থাকায় ডাক্তার যে তার মৃত্যুৰে
বলা কথাগুলি শুনতে পায় নি সেটা বোধহয় এতক্ষণে রাসমণিৰ
খেয়াল হয়। সে চুপ করে পাথৱের মূর্তিৰ মতো দাঢ়িয়ে থাকে।

শাস্তিলতা নীৱে উঠে গিয়ে তার পাশে দাঢ়ায়।

ডাক্তার পেট-টেপাটেপি আৱস্ত কৱলে স্বীকৃত আৰ্তনাদ কৱে
ওঠে। ডাক্তারেৰ ধমক খেয়ে গোঙাতে গোঙাতে বলে :

—আৱ তোকে মাৰব না শাস্তি, আৱ তোকে বাঁধব না।

স্বীকৃত একটু দিশেহারা ভাব জেগেছে টের পাওয়া যায়।
সেই একৱেখা একগুঁয়েমিটা যেন আৱ নেই।

কী কৱবে ঠিক যেন বুঝে উঠতে পাৱছে না।

ভাব জমাবাৰ চেষ্টা কৱছে সকলেৰ সঙ্গে। গা বাঁচিয়ে সাব-
ধানে চলাফেৱা কৱছে।

গুণাদেৱ হাতে মাৰ খেয়ে রক্তবমি কৱেছিল।

সকলে তাকে সহানুভূতি জানিয়েছে।

কিন্তু গুণাগুলিৰ কোনো শাস্তি হয় নি।

শাস্তিলতা রাগ কৱে বলে :

—যাও কেন গুণাদেৱ ব্যাপাৱে !

—চুপচাপ হাত গুটিয়ে বসে থাকতে প্রাণ যে চায় না—করব
কী ?

—তুমিও যে গুণা নও সেটা কি সবার জানা আছে ? জগৎ-
সংসারজেনে গেছে, আমাকে খুঁটিতে বেঁধে বেড়াতে গিয়েছিলে।
তারপর কে টানবে তোমার দিকে ?

—তুই শক্রতা না করলে সবাই টানত।

—কী শক্রতা করেছি ?

—সবার কাছে আমার নামে বানিয়ে বানিয়ে বলেছিস।

শান্তি বিষম রেগে যায়। বলে :

—তুই-তোকারি চলবে না বলেছি না হাজার বার !

সুখেন্দুও রেগে যায়।

—বলেছিস তো বেশ করেছিস—আমার মাথা কিনে ফেলেছিস।
সম্মান করে কথা কইতে হবে ? ও সব ইয়ার্কি চলবে না আমার
বাড়িতে।

—আমি কিন্তু কড়া ব্যবস্থা করব বলে রাখছি।

—যা খুশি কর। ব্যবস্থা করতে আমিও জানি।

—জান বলেই তো পিটুনি খেয়ে নাড়ী ছেড়ে যাবার উপক্রম
হয়।

—ওসব হয় পুরুষমানুষের।

—কত মস্ত পুরুষমানুষ !

—দেখবি কত মস্ত ?

ঝড়ের বেগে সুখেন্দু ঘর ছেড়ে বেরিয়ে যায়।

ছুটির দিন।

কাজে ছুটতে হবে না বলে স্বখেন্দু বেলা ছটো বাজিয়ে বাড়ি
ফেরে।

নেয়ে এসে পিংড়ি পেতে বসলে শান্তিলতা তাকে থালা ভরে
ভাত বেড়ে দেয়।

—এত ভাত খেতে পারব?

—যা পারবে খাও না। আমি তো পাতে বসেই খাব।

স্বখেন্দু হাসে।

ডাল দিয়ে ভাত মাখতে মাখতে এক খাবলা বেগুনভাজা মুখে
পুরে দিয়ে বলে :

—তোমার সঙ্গে সত্য আমি পারলাম না।

শান্তিলতাও হেসে ফেলে।

—কী করে পারবে? এ তো তোমাদের পুরুষমানুষের সন্তা
ইয়াকির ব্যাপার নয়। ঘর-সংসার করতে ঘরে এসেছি, ছেড়ে কথা
কইব কেন?

স্বখেন্দু হাসে।

—তোমার কথা বড় মিষ্টি লাগছে।

শান্তিও হাসে।

—বেশি মিষ্টি লাগলে পেট খারাপ হয়।

—জালিও না কিন্তু—দোহাই তোমার।

—কাল কারখানায় একটা কাণ্ডই হয়ে গেছে শাস্তি।

—কী?

খেতে খেতে রসান দিয়ে ব্যাখ্যান করে স্মরণেন্দু।

—আমাদের বড় সায়েবের হয়েছে ডিসপেপসিয়া। লাঞ্ছের সময় ফুড আর চা-টাই খেল—বিস্কুট কেক সিন্ধ আগু ছুটো ছুলও না।

খাশ পিয়ন পিনাকী—যেন সাড়ে পাঁচ ফুট লম্বা একটা নারকেল-কাঠির সরু সেপাই। মোটা হবার আশায় সে আড়ালে বসে অগুণ্ঠলি সাবাড় করছে, কোথা থেকে এক ষণ্ঠ এসে বড় সায়েবের খাশ কামরার জানলার নৌচের ফুলগাছটা মুড়িয়ে, খেয়ে চলে গেল।

ফুলগাছগুলি আছে আছে, বড় সায়েব কোনো দিন চেয়েও দেখে না।

আজ ফুড খেয়ে একটু ঝিমিয়ে উঠে জানলার বাইরে নজর পড়তেই চমকে উঠল—ফুলের গাছগুলি মুড়ানো।

লওভণ কাণ্ড বেধে গেল কারখানায়।

প্রথমেই তলব হল ছোট সায়েব কুমারবাবুর।

—কে মুড়িয়ে দিয়েছে আমার সাধের ফুলগাছ?

—ফুলগাছ কে মুড়িয়ে দিয়েছে জানি না সার। আমার ডিউটি মেশিনারি কেউ না ড্যামেজ করে দেখা, ওয়ার্ক স্লো না হয় দেখা, প্রোডাকশন আরও অন্তত হাফ পার্সেণ্ট বাড়াবার জন্য ফ্যাক্টরির আইন মান্য করে চেষ্টা চালিয়ে যাওয়া—

ধাঁই করে অমনি এক চড় ছোট সায়েবের গালে ।
ছোট সায়েব সঙ্গে সঙ্গে টের পায় বড় সায়ে শুধু ফুড থায় নি,
চু-তিনটে অগোফগোর চেয়ে শতগুণ বেশি দামী পেগও খেয়েছে ।
—সার সার । ফুলগাছগুলির দিকে আমার নজর রাখা উচিত
ছিল সার । এখন কী করব সার ?
নিখুঁত নিভুল সেকেণ্ড-মেনে-চলা ঘড়িটার দিকে চেয়ে বড়
সায়েব বলে :
—নোটিস জারী করো যে ফ্যাক্টরিতে সিরিয়স একটা চুরি
হয়েছে । আমার রিট্ন হকুম ছাড়া কারখানার কাজ বন্ধ হবে না ।
চুটির টাইমের পরেও একঘণ্টা দেড়ঘণ্টা কাজ চালিয়ে যেতে
হবে ।
—ওরা তো করবে না সার ।
—করবে না মানে ?
—টাইমের বেশি এক মিনিট বেশি খাটাতে চাইলেও খেপে
যাচ্ছে । পাঁচ মিনিট পিছিয়ে দিয়েছিলাম ঘড়িটা, ওরা কাজ
থামিয়ে হৈ চৈ করে উঠল—ঘড়ি থারাপ ।
নিজের মাথায় চু-তিনটে ঝাঁকুনি দিয়ে কড়া হকুম ঝোড়ে দিল :
—কাম আফটার আধঘণ্টা । ফর আধ ঘণ্টা আই উইল ট্রাই
টু আগোরস্ট্যান্ড ব্যাপারটা ।
—খাও, খেতে খেতে বলো ।
ডালমাখা এক গ্রাস ভাত মুখে পুরে দিয়ে বলে চলে স্বর্ণেন্দু—
ছোট সায়েব অভিমানে ঠোঁট উলটে চলে যাচ্ছে, বড় সায়েব
ডেকে বলে :

—অফেল নিও না নিয়োগী। ভুলে যেও না তুমি আমি দুজনেই
বোঝ আর ফেসিং এ সিরিয়স ক্রাইসিস।

—আমি তো নিয়োগী নই সার। নিয়োগী সায়েবকে লাস্ট
এপ্রিলে কিক আউট করে দিলেন, নিয়োগী সায়েবের কাজগুলি
আমাকে দিলেন—

—আই নো, আই নো। ডোক্ট ট্রাই টু চীচ মি—

—আমি নিয়োগী নই সার। আমি কুমার রায়।

—রাগ কোরো না। ব্যাপারটা বুঝতে ট্রাই করো সিরিয়সলি।
বিপদ্টা ভালো করে রিয়ালাইজ না করলে তুমি আমি দুজনেই
ফিনিশ হয়ে যাব—আদারওয়াইজ তুমি আমি তোমরা আমরা—
এভরিবডি উইল বি ড্যাম্ড।

—আমি তো সার নিয়োগী নই—ওঁর বদলে আমাকে সেদিন
অ্যাপয়েন্ট করলেন—

বড় সায়েব আবার একটা চড় বসিয়ে দেয় ছোট সায়েবের
গালে। লাথি মারে না বলেই ছোট সায়েব সেটা সয়ে যায়।

গুরুজন কান মলবে, গালে চড় মারবে—ও অধিকার তাদের
দিতেই হবে।

গল্প শেষ করেই হঠাতে গন্তব্যের হয়ে, যায় স্বর্ণেন্দু। পাতের বাকী
ভাতগুলো গপগপ করে খেয়ে তাড়াতাড়ি আঁচিয়ে শাটের
আস্তিনেই মুখ মুছতে মুছতে বেরিয়ে যায় স্বর্ণেন্দু। যেতে যেতেই
বলে যায়—

—মীটিং আছে। ফিরতে রাত হবে শাস্তি।

শুধু ঘর-বার, ঘর-বার। ঘুম আসে না শাস্তিলতার।

এই মাঘী বাদলার রাত। মাছুষটা এত রাত্তিরেও ঘরে ফিরল
না। দেরি বলে এত দেরি!

শাস্তিলতা ঘুমোতে পারে না। দরজা খুলে এক-এক বার
দাওয়ায় এসে দাঢ়ায়। হিম বাদলা হাওয়া আছাড় খেয়ে পড়ে
তার চোখে মুখে। কান পেতে রাখে পরিচিত পায়ের শব্দটির
জন্মে। স্থির দৃষ্টিতে চেয়ে থাকতে চায় গলির মুখটায় – উৎকণ্ঠ
প্রত্যাশার তীব্র আলোয় যেন ভেদ করতে চায় সেই ঠাণ্ডা জমাট
অঙ্ককারকে।

ঢং ঢং করে বারেটার ঘটা বাজে রায়সাহেবের দেউড়িতে।
ঘরে ঢুকে খিল এঁটে দেয় শাস্তিলতা। ছোট হারিকেনটার আলো
দপদপ করে জ্বলে দমকা বাতাসে জানলার ধারে। গরাদে মাথা
রেখে দাঢ়িয়ে দাঢ়িয়ে ঝিমোয় ইস্ট এণ্ড ইঞ্জিনিয়ারিং ওআর্কসের
টার্নার সুখেন্দু দাসের বউ। মাঝে মাঝে ঝিম কেটে যায়। চোখ
মুছে আবার চেয়ে থাকে সেই ভেজা কনকনে ঠাণ্ডা অঙ্ককারের
দিকে।

ঘুমোতে পারে না শাস্তিলতা।

ঘুমোতে পারে না স্বখেন্দু দাস। ইস্ট এণ্ড ইঞ্জিনিয়ারিং ওআর্কসের
টার্নার।

মীটিং ভাতে রাত এগারোটায়।

লেদম্যান প্রফুল্ল বলেছিল :

—এই ছর্দেগের রাতে কোথায় যাবে দাস? রাতটা আমার
কাছেই থেকে যাও।

রাজী হয় নি স্বখেন্দু।

—না ভাই। ফিরব বলে বেরিয়েছি। একা মানুষ বাড়িতে।
ভাবনায় ঘুমোতে পারবে না সারারাত।

— তবে যাও। দেখো, নৌকো পাও কিনা।

স্বখেন্দু ফিরতে চায়। একা একা হাঁটতে হাঁটতে ভাবতে চায়।

নতুন ভাবনা চুকিয়ে দিয়েছে তার মাথায় ইয়াকুব আলি।
পোড়খাওয়া মানুষ। মজহুরের ছেলে। বিশ বছর ধরে লড়ছে।
মজহুরের নেতা। এই পঞ্চাশ বছর বয়সেই মাথার সব চুল পেকে
সাদা হয়ে গেছে তার।

স্বখেন্দু ভাবতে চায়। বুবতে চায়। ইয়াকুব সাহেব মানুষটা
খাটি। দিলটা সাচ্চা। বাজে কথা বলে নি। নিজের স্বত্তের
কথা বলে নি। সব মানুষের স্বত্তের কথা বলেছে। সব অ-স্বত্তের
মূলটা কোথায় চোখে আঙুল দিয়ে দেখিয়ে দিয়েছে। বলেছে :

— দেখো ভাই, আসল ব্যায়রাম একটাই। সেইটাকে খুঁজে

দেখো। এখানে ওখানে মেরামতি করে কী হবে? মূল ধরে টান দিতে হবে। রোগের জড়টাকে মারতে হবে।

কনকনে শীতে খেয়াঘাটে গিয়ে দাঢ়ায় স্বখেন্দু। একা। উভুরে হাওয়া বইছে। টের পাছে হাড়ে মজায়। শীতের তীক্ষ্ণতা ছাড়া আর সমস্ত আবেগ অনুভূতি চিন্তাভাবনা যেন অসাড় করে দিতে চায়।

ওপারে শুশানঘাটের জলস্ত চিতাটা নিবু-নিবু হয়ে এসেছে। ছেট ছেট কয়েকটা শিখা তখনও মাথা তুলছে।

সবকিছু কেমন যেন অজানা অচেনা মনে হয় স্বখেন্দুর। আগুন কেমন তাও যেন ভুলে গেছে। চেষ্টা করলেও মনে পড়ে না। এই কনকনে ঠাণ্ডার বদলে যদি আমকাটের প্রকাণ্ড চিতার লেলিহান শিখা তার জীবন্ত দেহটা ঘিরে থাকত! কিংবা এখন যদি থাকত নিজের ঘরের নিরেট আশ্রয়ে! মাঘী বাদলার মাঝরাতের ঠাণ্ডা হাওয়ার শুধু ফাঁক-ফোকর দিয়ে ঢোকার অধিকার। নীচে তোশক, ওপরে লেপ। গা-পুড়ে-যাওয়া জ্বরের তাপের উপে যাওয়ার পথ নেই। কেমন লাগত তা হলে?

আজ মাঝরাতে নদীর ধারে খেয়ার অপেক্ষায় দাঢ়িয়ে বুঝতে পারা যায় না কেমন লাগত ম্যালেরিয়া জ্বর এলে নিরাপদ আশ্রয়ে লেপ তোশক চাপা দিয়ে ঠক ঠক করে কাঁপা।

কিন্তু না—এলোমেলো চিন্তা সইবে না।

ঁাকে ডাকে শন্তুকে জাগিয়ে খেয়া নৌকো আনাতে হবে ওপার থেকে এপারে। নদী পার হতে হবে তার খেয়ায়। ঘরে পৌছতে হবে। আশ্রয় নিতে হবে লেপ-তোশকের বিছানায়।

আপনজনকে সুযোগ দিতে হবে গরম মাথা ঠাণ্ডা করে দেবার।
নইলে এই নিজন নদীর ধারে এই হি হি হাওয়ায় নিশ্চিত মৃত্যু।

খেয়াঘাটের চালার বাইরে অশথ গাছটার নীচে এসে দাঁড়ায়
সুখেন্দু। ওপার পর্যন্ত দৃষ্টি চালিয়ে দেখতে চেষ্টা করে শস্ত্রে
নৌকোয় আলো জ্বলে কি না।

আর তখনই চোখে পড়ে দিগন্তকাঁপানা আওয়াজ তুলে এপারে
এগিয়ে আসা ইন্দ্রের পুস্পক রথটাকে।

হঠাতে যেন চিলের ছেঁ মারার কায়দায় মাটির দিকে মুখ বাঁকিয়ে
সোজা এসে আছাড় গেয়ে পড়ল শস্ত্রের চালাটায়। দেখতে দেখতে
দাউ দাউ করে জ্বলে উঠল আগুন। চোখের সামনে আকাশভাঙ্গা
হৃষ্টনায় ভেঙে চুরমার হয়ে জ্বলে পড়ে ছাঁটি হয়ে গেল শস্ত্রে
বড় চালাঘরটা।

আগে বড় চালার দাওয়ায় রান্না করত গঙ্গা। সারা শীতকালটা
দাওয়ার উন্ননের ধোঁয়া আর ডাল সম্বরের কাঁাৰ ঘূম ভাঙিয়ে
কাতর করত বাচ্চা ছুটোকে। ঘুন্দের বাজারে ছুটো পয়সা বাড়তি
হাতে আসতে বাঁশবনের গা ঘেঁষে ছুটো আস্ত করোগেট টিনের
চালা খাটানো বাঁশমাটির রান্নাঘর বানিয়ে দিয়েছে শস্ত্র।

তার আর চিহ্নটুকু নেই।

পরদিন কাগজে কাগজে খবর বেরোয় দুর্ঘটনার। সাইত্রিশ জন
মানুষ ছিল উড়োজাহাজে, সবাই তারা মারা গেছে সে খবরটা
ছেপেছে খুব কম কাগজেই। ছেলের কাছেই নলিনী ব্যাখ্যা ও
বিবরণ শোনে।

অনেক দূর থেকে আসা প্লেন হলেও অবশ্য প্লেনের সকলে মরত
কিন্তু পেট্রল কম থাকায় এমন ভয়ানক আগুন হত না। ঘাঁটি
থেকে সবে তেল বোঝাটি নিয়ে আকাশে উঠছিল, তাটি এমন
ভয়ঙ্কর আগুন হয়েছিল।

কুমার বলে :

— প্রায়ই অ্যাকসিডেন্ট হচ্ছে। হয় এদেশে নয় অন্য দেশে।
সারা পৃথিবী জুড়ে উড়ে বেড়াচ্ছে এরোপ্লেন। মোটর, ট্রেন,
এরোপ্লেন—কোনোটাতে একটাও অ্যাকসিডেন্ট হবে না, এরকম
নিখুঁত ব্যবস্থা করতে এখনও দেরি আছে মানুষের।

নলিনী শিউরে ওঠে। হংকং তার শুরু হয়েছিল দুর্ঘটনার
পর থেকেই। সেটা আরও বেড়ে যায়।

সাত দিন পরে কুমার উড়োজাহাজে বিদেশ যাত্রা করবে।

অনেক ভাগ্যের কথা। কুমারের অনেক চেষ্টা অনেক অধ্য-
বসায়ের ফলে এটা সম্ভব হয়েছে। কোম্পানি থেকেই পাঠাচ্ছে।
শর্ত শুধু এই যে বিদেশে বিশেষ বিচালান করে ফিরে আসার পর
এক বছর কুমারের বেতনাদি বাঢ়বে না। তারপর অবশ্য যথারীতি
বিশেষ গুণের বিশেষ মূল্য দেবার ব্যবস্থা করা হবে।

তাও কি কম ভাগ্যের কথা ? মধ্যবিত্ত ঘরের কত গুণী ছেলের চাকরি নেই।

কোম্পানি নিজের প্রয়োজনে নিজের স্বার্থেই অবশ্য তাকে পাঠাচ্ছে, কিন্তু কজন এমন সুযোগ পায় ?

গুভা শুনছিল। একেলো মেয়ে, ভাবী শাশুড়ীর মতো সাত দিন পরে কুমারের আকাশপথে যাত্রা করার কথা ভেবে ভেবে তার হৃৎকম্প শুরু না হলেও মুখে নেমে এসেছে ছর্তা বনার কালো মেঘ।

কুমার তাকে বলে :

—কেন জান ? কেন আরও বহুকাল এ রকম হবেই ?
ব্যবসাদারি আর ব্যক্তিগত লাভের হিসাব বাদ না গেলে মানুষ
নিখুঁত ব্যবস্থা করতে পারবে না। মাইনে-করা চাকরের খুঁত হোক
কিংবা মেশিনের খুঁত হোক—খুঁত থেকে ঘাবেই যাবে।

নলিনীর পাংশু বিবর্ণ মুখের দিকে চেয়ে গুভা টেক গিলে
বলে :

—থাক না, অ্যাকসিডেন্টকে বাড়াচ্ছ কেন ?

কুমার তার মনের ভাব বুঝতে না পেরে বলে :

—বাড়াচ্ছ না তো। যুদ্ধের কথা বাদ দিলাম। শুধু
আমাদের দেশেই বগ্যা, ছর্তিক্ষ, বিনা চিকিৎসা, ভেজাল—এ সবে
যত লোক মরে সারা পৃথিবীর অ্যাকসিডেন্টে তত লোক মরে কিন।
সন্দেহ। অ্যাকসিডেন্টকে ভয় করলে চলে না। আমিও তো
যাবার কিংবা ফেরবার সময় পেনে অ্যাকসিডেন্ট—

নলিনীর অঙ্গুট আর্টনাদ তাকে থামিয়ে দেয়। ছহাতে বুক
চেপে ধরে নলিনী চোখ বুজেছে। মার মুখের দিকে চেয়ে কুমারের

খেয়াল হয় যে এতক্ষণ সত্যাই সে বোকার মতো কথা বলেছে,
ব্যাখ্যা আর বিশ্লেষণ চালিয়ে গেছে।

পৃথিবীতে দুর্ঘটনা কদাচিৎ ঘটে বলে ব্যাপারটা তুচ্ছ করে
হেসে উড়িয়ে দিয়ে মায়ের আতঙ্ক কমানোই তার উচিত ছিল।
সত্যাই তো! বাড়ির পাশে ঘটল এমন ভয়ানক বিমান দুর্ঘটনা।
কয়েক দিন পরে সে বিমানে বিদেশ যাত্রা করবে। মার বুক তো
ধড়ফড় করবেই।

মুখ ফুটে কথা বলতে পারে না নলিনী—সব ঠিক হয়ে গেছে।
বলেও লাভ নেই। কে তার কথা শুনবে? নলিনীর হৃৎকম্প
বেড়ে, আতঙ্কজড়ানো বাকুলতায় দম যেন আটকে আসতে চায়।

একটা দিন কোনোরকমে চূপ করে থেকে এবং সারা রাত না
যুমিয়ে ছটফট করে কাটিয়ে পরদিন সকালে নলিনী ছেলেকে বলে:

— জাহাজে গেলে হয় না? আমার একটা কথা রাখ। প্লেনে
না গিয়ে তুই জাহাজে যা। কটা দিন না হয় দেরিই হবে
পৌছতে।

মুখ দেখলে মনে হয় নলিনী যেন কয়েক দিন ধরে জ্বরে ভুগছে।
কুমার বলে:

— সব ঠিক হয়ে গেছে, আর কি পালটানো যায়? তুমি এমন
করছ কেন মা? এত লোক হুদম প্লেনে যাতায়াত করছে, তোমার
ছেলের বেলাতেই বিপদ ঘটবে? পাগলামি কোরো না। হাজার
হাজার লোক প্লেনে চাকরি করে। হপ্তায় তাদের নিয়মমত কয়েক
বার দূরে দূরে পাল্লা দিতে হয়। তাদের মায়েদের কথা ভেবে মনটা
শক্ত করো।

মন শক্ত করবে ! মন কি আর বশে আছে নলিনীর । ছেলের বিদেশ যাওয়ার কথা ভাবতে ভাবতেই খানিকটা আলগা হয়ে এসেছিল মনের বাঁধনগুলি । তবু দুর্ঘটনা প্রত্যক্ষ না করলে, চোখের জল ফেললে ছেলের অঙ্গসমূহ হবে জানা থাকায় কোনোরকমে বুক বেঁধে ছেলেকে বিদায় দিতে পারত । কিন্তু ছাদে দাঢ়িয়ে, এ ধর্মসদৃশ নিজের চোখে দেখার পর আর শক্তি আছে মনকে শক্ত করার !

ছেলে বিদেশে যাক, তাতে আপত্তি নেই । বরং মনে প্রাণে তাই সে চায় । কিন্তু হাওয়ায়-ভাসা জাহাজের বদলে জলে-ভাসা জাহাজে ছেলেকে বিদেশে পাঠাতে যেন পাগল হয়ে ওঠে নলিনী ।

ওভার বাবার কাছে দরবার করতে যায় । সত্যপ্রিয় তার ব্যাকুল আবেদন বড়ই হালকাভাবে নেয় । তামাশা করে বলে যে কুমারের মেম বিয়ে করার দুর্ঘটনার কথা ভেবেই তো সে মেয়ের বিয়েটা স্থগিত করেছে । ওদের বিয়েটা চুকে যাবার পর সে একটা স্পেশাল প্লেন ভাড়া করবে । কেবল বেয়ান আর বেয়াই তারা দুজনে সেই প্লেনে চেপে কাশ্মীর বেড়িয়ে আসবে ।

সত্যপ্রিয়ের কাছে আমল না পেয়ে বাড়ি ফিরে মাথা যেন একেবারেই বিগড়ে যায় নলিনীর । গলা ফাটিয়ে চিংকার করে সে বলে :

—না, উড়োজাহাজে আমি তোকে যেতে দেব না । আমার মৃতদেহ ডিঙিয়ে তোকে যেতে হবে । তোর রঙনা হওয়ার আগে বঁটি দিয়ে গলা কেটে সদর দরজায় শুয়ে থাকব ।

আপিস থেকে খরচা দিয়ে বিদেশ ঘুরিয়ে আনবে, চাকরিতে উন্নতি হবে—হৃষ্টনার ভয়ে নলিনী প্রাণপণে কুমারকে ঠেকিয়ে রাখার চেষ্টা করছে জেনে নিখিলের বিশ্বয়ের সীমা থাকে না।

সে গিয়ে নলিনীকে বলে :

—মাসীমা, এ কি পাগলামি জুড়েছেন ? অনেক ভাগ্যে এ রকম সুযোগ মেলে ।

আমি সুযোগ পেলে একেবারের জায়গায় দশ বার ঘুরে আসতাম ।

নলিনী বলে :

—কী করব বল্ বাবা, সেদিন এরোপ্লেনের হৃষ্টনা দেখার পর থেকে আমার বুকের ধড়ফড়ানি কমছে না । বানিয়ে বানিয়ে তো বলছি না বা করছি না কিছু—ভয়ে ভাবনায় অজ্ঞান হয়ে পড়ছি ।

—তাই তো বলল কুমার । বেচারা ভারি মুশকিলে পড়ে গেছে । মায়ের এরকম অবস্থা দেখে ছেলের মনের অবস্থাটা কৌরকম দাঢ়ায় ভাবুন তো !

—সে তো ভাবছি, নিজেকে সামলাতে পারছি না । করব কী ?

—এটা আপনার অস্ফুর । কুমারকে যেতে দিন, নিজের চিকিৎসা করুন ।

—পারিস তো চিকিৎসা করিয়ে সারিয়ে দে না । সামলে থাকতে পারলে আমি গোলমাল করব কেন ?

একটু ক্ষীণভাবে হাসে নলিনী । বলে :

— তুই যেমন পাগল ! আমার খাতিরে কুমার যাওয়া বন্ধ করবে
ভেবেছিস ? এক হপ্তা পিছিয়ে দিয়েছে, আমায় একটু সামলে তুলে
যাবে ভেবেছে। আমি জানি না ভেবেছিস যে, মরলেও ওর
যাওয়া চেকাতে পারব না, শেষ পর্যন্ত ও যাবেই ?

নিখিল খুশী হয়ে বলে :

— এই তো দিব্যি কথা বলছেন। চোখকান বুজে ছেড়ে দিন
বেচারাকে — ঘুরে আসুক। দেখতে দেখতে বছর কাবার হয়ে যাবে।

নলিনীর শারীরিক দুর্বলতা খুবই প্রকট। চোখ বুজে বলে :

— বছর কাবার হবে পরে। তার আগে আমিই কাবার হব।

নিখিল জোরের সঙ্গে বলে :

— না, আপনি কাবার হবেন না। আমি আপনাকে কাবার
হতে দেব না। আমি দায়িত্ব নিলাম।

ছহাতে কপাল চেপে ধরে নলিনীর বসার ভঙ্গীটা মর্মাণ্ডিক
মনে হয় নিখিলের।

বারান্দায় দাঁড়িয়ে কুমার সিগারেট ফুঁকছিল। নিখিল ডেকে
বলে :

— একজন ডাক্তার ডাকিয়ে মাসীমাকে দেখাতে পারিস নি ?

কুমার বলে :

— ডাক্তার দেখিয়ে কী হবে ? ছেলেকে বিদেশে যেতে দিতে
চায় না — এ ব্যাপারে ডাক্তার কী করবে ?

— মন্টা ঠাণ্ডা রাখার ওষুধ দিতে পারে, ভয় ভাবনা তোঁতা
করার ওষুধ দিতে পারে। তা হলে আর তোর ব্যাপার নিয়ে এ
রকম করতেন না।

—মার শরীরটা ভেঙে গেছে ।

—যাবেই তো । অশ্বথ হলে শরীর ঠিক থাকে, মন ঠিক থাকে ?

—কী করব বুঝতে পারছি না ভাই ।

—ডাক্তার এনে দেখা ।

—তুই এনে দেখা না ভাই ।

—দেখাবই তো । মাসীমার চিকিৎসার দায় আমি নিয়েছি ।
পয়সা-কড়ির দায় কিন্তু তোদের ।

—যা লাগবে বাবাও দেবে, আমিও দেব । মামাৰ কাছেও নয়
কিছু সাহায্য চাইব ।

—মামা দেবে ? কোনো দিন তো খোঁজ খবর নেয় না ।

কুমাৰ খেদের হাসি হাসে ।

—আগে ডেকেও জিজ্ঞাসা কৱত না । আমি চাকরি পেয়েছি,
বাইরে যাচ্ছি, অনেক উন্নতি হবে—এসব জানাৰ পৱে এসে খাতিৱ
কৱচে । . বড় ছেলে খুব ভালো পাস কৱে চলেছে । ইচ্ছাটা
কি জানিস ? আমাৰ মতো বাইরে যাবাৰ ব্যবস্থা যদি কিছু হয় ।

ডাক্তার আসে । একটা ইনজেকশন তৈরি কৱে । বেশ শান্ত-
ভাবেই নলিনী সব দেখে যায় । ইনজেকশন দিতে গেলে হঠাৎ
থাবা মেৰে সিরিঞ্জটা ছিটকে ফেলে দিয়ে বলে :

—ইয়ার্কি রাখুন ডাক্তারবাবু। আমায় ঘুম পাড়িয়ে কী
হবে ? ছেলে উড়োজাহাজে স্বাইচ করতে যাচ্ছে—ওকে বরং
সামলান !

বিদেশ যাত্রার জরুরী আয়োজনের জন্যই কুমারকে কয়েক
ঘণ্টার জন্য বাইরে যেতে হয়েছিল। বাড়ি ফিরে শোনে যে, আধ
ঘণ্টা আগে নলিনী অজ্ঞান হয়ে গেছে।

তার জ্ঞান ফিরে এলে, একটু স্বস্থ হয়ে উঠে বসলে কুমার বলে :
—একেবারে মরণ পণ করে আমাকে ঠেকাবার চেষ্টা শুরু
করলে মা ? তুমি এমন করলে আর কি আমার যাওয়া হয় ?

জীবনে কোনো দিন ছেলেকে একটা কড়া ধমকও দেয়নি নলিনী।
আজ সে গলা ফাটিয়ে চৌৎকার করে বলে :

—আমি মরি বাঁচি তাতে তোর কী রে বজ্জাত ? তোকে
যেতেই হবে। না গেলে জীবনে কোনো দিন আমি তোর মুখ
দেখব না—কাশীতে গিয়ে থাকব।

কুমার বলে :

—তা হলে একটু শান্ত হও। তোমায় এ অবস্থায় রেখে আমি
কী করে যাব ? না গেলে কিন্তু চাকরি খতম হবে মা !

নলিনী দৃঢ় স্বরে বলে :

—বললাম তো তুই যাবি। উড়োজাহাজেই যাবি।

কুমার আশ্চর্য হয়ে মার মুখের দিকে চেয়ে থাকে।

যে আতঙ্কে কদিন দিশেহারা হয়ে থেকে অজ্ঞান হয়ে গিয়ে-
ছিল, এমনিভাবে আপনা থেকে সে আতঙ্ক মিলিয়ে গেল !
কিছুক্ষণ অজ্ঞান হয়ে থেকে এমন শক্ত হয়ে গেল নলিনীর মন যে

ছেলেকে উড়োজাহাজে বিদেশে পাঠানোর ভয়কে এমন তেজের
সঙ্গে জয় করতে পারল !

গুভা বলে :

— এ রকম হয়। আনন্দ বেদনা ভয় এ সব একটা সীমা
ছাড়িয়ে গেলে মানুষ আর সইতে পারে না, একটা শক লাগার
মতো। ব্যাপারটা ঘটে এই যে, মনটা ভৌতা হয়ে যায়।
অ্যাকসিডেন্ট চোখে দেখে একটা হিস্টিরিয়ার ভাব এসেছিল,
সেটা চরমে উঠে কেটে গেছে।

তাই হবে। নতুনা নলিনী যে তাবে সামলে নিয়ে স্বাভাবিক
হয়ে ওঠে, উড়োজাহাজে যাত্রা বাতিল করার কথা একবার উচ্চারণও
করে না—তার কোনো মানে হয় না। দুর্ঘটনা প্রত্যক্ষ করার
আঘাতে মনটা বিকল হয়ে গিয়েছিল। সেটা কেটে গেছে।

যাত্রা করার দিন ঘনিয়ে আসে।

কারও টের পেতে বাকী থাকে না যে প্রাণপণ চেষ্টায় নলিনীকে
প্রাণের ব্যাকুলতা চেপে রাখতে হচ্ছে। কিন্তু সেটা কিছুমাত্র
অস্বাভাবিক মনে হয় না। ছেলের স্বদূর বিদেশ যাত্রার দিন কাছে
এলে মায়ের প্রাণ তো ব্যাকুল হবেই।

গুভা বলে :

— কান্না পেলেও কাঁদবেন না। তোমার যে অমঙ্গল হবে।

— তুমি ?

— আমি কাঁদলে দোষ হবে না। গুরুজন তো নই-ই, আপন-
জনও নই।

হপুরে আঞ্চীয়বন্ধু কয়েকজনকে খেতে বলা হয়েছিল। কুমারের
বিদেশ যাত্রার প্রসঙ্গ নিয়ে গল্পগুজব করতে করতে বেলা বাড়ে।
যারা স্নান করে আসেনি তারা একে একে স্নান সেরে নেয়।
সকলের শেষে যায় কুমার।

অনেকক্ষণ কেটে যায়, কুমার আর বেরোয় না।

নলিনী বাইরে থেকে জিজ্ঞাসা করে :

—তোর এত দেরি হচ্ছে কেন রে ?

কুমারের সাড়া মেলে না।

দরজা ভাঙা হয়। দেখা যায়, কুমার মেঝেতে পড়ে আছে।
সর্বাঙ্গে সাবানের ফেনা, মাথা থেকে রক্ত চুঁইয়ে চুঁইয়ে পড়ে
গড়িয়ে যাচ্ছে।

নিমন্ত্রিতদের মধ্যেই একজন আঞ্চীয় ছিল ডাক্তার। রক্ত বন্ধের
ব্যবস্থা করতে করতে সে জানায় যে আঘাত মারাওক নয়, কিন্তু
বড় বেশী রক্তক্ষয় হয়ে গেছে—তাড়াতাড়ি রক্ত দেৱাৰ ব্যবস্থা
করতে হবে।

বক্ত চাই। রক্ত। পাত কৱাৰ রক্ত নয়, ক্ষয় কৱাৰ রক্ত নয়,
মানুষেৰ প্রাণ বাঁচানোৰ রক্ত।

নলিনী আত্মকষ্টে বলে :

—আমি রক্ত দেব। আমাৰ সমস্ত রক্ত দেব।

ডাক্তার আঞ্চীয় বলে :

—আপনি শান্ত হোন !

টার্নার স্বর্খেন্দু। জড় ধাতুখণ্ডকে ঘষে মাজে, গড়ে পেটে—
নিরবয়ব পিণ্ড রূপ পায়, আকার পায়। স্বর্খেন্দুর মস্তিষ্কের
নির্দেশে আর হাতের তাড়নায় ধাতু বস্তু হয়ে ওঠে, যন্ত্র হয়ে ওঠে,
গতির প্রতীক আর সৃষ্টির সহায়।

আপসোস জমা হয়ে ছিল স্বর্খেন্দুর। ভদ্রলোক মালিক হবার
নেশা চেপেছিল তার।

আরও এক উগ্র নেশায় সে নেশা অবশ্য ঝিমিয়ে পড়েছিল—
শাস্তিলতার শুষ্ঠাম দেহকে পাবার নেশা।

আপোস করতে হয়েছিল। কিন্তু রাগ মরে নি। শাস্তিলতাও
সে রাগের জড় মারতে পারে নি।

ইয়াকুবের কথায় তার রাগ পড়েছিল।

— ভাই, কাজের মানুষের চেয়ে বড় কে? কাজ না হলে
সংসার বাঁচে? আমাদের হাতেই সংসার চলছে। ঠিক কি না
তেবে দেখো।

এ তল্লাটের পাকা টার্নার তুমি। তোমার মতো দেমাক
কার? এ কারখানা ও কারখানা থেকে প্রায়ই তোমার ডাক
পড়ে। তুমি এ কারখানা ছেড়ে যেতে চাও না। কেন?
এদের তুমি ভালোবাস, এরা সব তোমাকে ভালোবাসে। তোমার
মতো স্মৃথ কার বলো? মিছে আপসোস ছাড়ো স্বর্খেন্দু ভাই।

স্বর্খেন্দু আপসোস ছেড়েছে।

কাজের মানুষকে ভালোবেসেছে ।

শাস্তিলতাকে নতুন করে চিনেছে শুখেন্দু । তার ঝজুকোমল
শরীরটার শুরভি উত্তাপ এক রাত্রে তাকে বেপরোয়া মাতাল করে
তুলেছিল । কিন্তু তার মনের সঙ্কান করে নি । মেয়েমানুষের
আবার মন কৌ !

আজ শাস্তিলতার মনের অগাধ ভালোবাসা, অসীম ধৈর্য আর
অতল শাস্তির উৎসে স্নান করে দিনে দিনে নতুন হয়ে উঠে শুখেন্দু ।
শাস্তি, বিবেচক, প্রেমিক । রাত্রে বুকে জড়িয়ে নেয় শাস্তিলতাকে
নতুনতর আবেগে । বলে :

—আমার স্বভাবটা বড় একরোখা । গেঁ চাপলে সব গোলমাল
হয়ে যায়, শাস্তি । তুল করলে, একগুঁয়েমি দেখলে তুমি কিছু বল
না কেন বলো তো ! আমার অন্তায় হলে বলবে । বলবে তো ?
বলো, বলবে তো ?

—পুরুষমানুষ একটু একগুঁয়ে হওয়া ভালো । না হলে আমার
ভালো লাগে না একটুও ।

—সত্যি ?

—সত্যি, সত্যি, সত্যি ।

গাঢ় হয়ে মিশে যায় শাস্তিলতা শুখেন্দুর বুকে ।

পরদিন সন্ধ্যা প্রায় কেটে গেল। শুখেন্দুর দেখা নেই।

শাস্তিলতা কৃটি বেলচিল।

অঙ্ককার হয়ে এসেছে, কিন্তু তখনও আলো জ্বালে নি। শুখেন্দু
না ফিরলে আলো জ্বালে না। ঘরের মানুষ ঘরে না ফিরলে তার
আলো জ্বালতে ইচ্ছা করে না।

পুরুষপাড়ের বস্তির বলাটি তার রান্নাঘরের দাওয়ায় আসে!

বলে :

—কাকা তোমায় ডাকছে।

—কেন রে?

—কী যেন হয়েছে কারখানায়। মারামারি—

বলতে বলতে সহদেব এসে হাজির।

স্থির হয়ে দাঢ়িয়ে শাস্তিলতা শোনে সব কথা।

বিকালে আজ আবার স্নান করেছে, তোরঙ্গ খুলে অনেকদিন
পরে ফুলশয্যার নীলাষ্টরীখানা পরেছে কী ভেবে কে জানে!
পুষ্পর মাকে ডাকিয়ে এনে যত্ন করে চুল বেঁধেছে, খোপায় দিয়েছে
বেলফুলের মালা। লম্বা সিঁথিতে মোটা করে সিঁছুর দিয়ে গেছে
পুষ্পর মা, কপালে বড় একটা কুমকুমের টিপ।

বলতে গিয়ে সহদেব একটু থমকে যায়। আন্তে আন্তে সামলে
নিয়ে মুখ নীচু করে জানায় --

বেআইনী ভুম জাৰি কৰে বসে বড় সায়েব। প্রতিবাদে
সবাই কাজ বন্ধ কৰে যে যাৰ জায়গায় বসে। খেপে গিয়ে বড় সায়েব
বাবুৱাজাৰ দলকে এনে কাৰখানাৰ মধ্যে ঢোকায়। মজুৰৱা কুথে
দাঢ়ায়। শুখেন্দুট ছিল সকলৈৰ সামনে। বাবুৱাজাৰ লাঠিতে
তাৰ মাথায় খুব জোৱ চোট লেগেছে। অজ্ঞান অবস্থায় তাকে
হাসপাতালে নিয়ে গেছে। সেখান থেকেই ফিরছে সহদেব।
এখনো জ্ঞান ফিরে আসে নি।

শ্বিৰ হয়ে দাঢ়িয়ে থাকে শান্তিলতা। দূৰ থেকে রাস্তার
গ্যাসেৰ আলো এসে পড়ে তাৰ শান্ত কঠিন কালো মুখে। জলজল
কৰে জলতে থাকে কুমকুমেৰ টিপ,—চওড়া সিঁথি।

আস্তে আস্তে ঘৰে ঢুকে যায় শান্তিলতা। পৰ মুহূৰ্তেই বেৱিয়ে
আসে।

বলে :

-- আমাকে হাসপাতালে নিয়ে চলো।

[অপৰ পঠা দেখুন]

বাংলা সাহিত্যের কয়েকটি বিখ্যাত বই :

মানিক বন্দ্যোপাধ্যায়ের

বিখ্যাত উপন্থাস

হ্রস্ফ ৪,

প্রেস, কম্পোজিটর, লেখক প্রতিকে কেন্দ্র করে রচিত এ-উপন্থাস স্বর্গত
লেখকের মতে তাঁর অন্তর্ম বিখ্যাত সাহিত্য কীর্তি।

পাশাপাশি ৩॥০

‘যুগান্তর’ পত্রিকা বলেন,—‘শক্তিশালী লেখা। ইহা গতানুগতিক হইতে
পৃথক। ইহার স্তৰ চরিত্রগুলি বাস্তব ও জীবন্ত।...

মানিক বন্দ্যোপাধ্যায়ের
জীবিতকালের সর্বশেষ উপন্থাস

মাঞ্জল—৩॥০

লেখকের জীবিতকালের সর্বশেষ উপন্থাস। যুক্তি নিয়ম ও অঙ্কসংস্কারের সংঘাত
জীবনকে নানাভাবে বিপর্যস্ত করেছে, ভুল করেছে—মাঞ্জল গুণছে কিন্তু
বাঁচবার চেষ্টায় ঢিল নেই, এগিয়ে যাবার চেষ্টায় কামাই নেই।

নাগপাশ—৩,

‘যুগান্তর’ বলেছেন—সমাজ দর্শনের সঙ্গে জীবন দর্শনের একটি নিলিপ্ত বলিষ্ঠ
এবং প্রায় নির্মম ভঙ্গী এই উপন্থাসের পৃষ্ঠাগুলিকে অসাধারণ করিয়া রাখিয়াছে।

পৃথুশি ভট্টাচার্যের
শ্রেষ্ঠ উপন্থাস

সোনার পুতুল—৩॥০

.....গ্রন্থকার পৃথুশচন্দ্ৰ ভট্টাচার্য প্রখ্যাত কথাসাহিত্যিক। তাঁর অন্তদৃষ্টি
গভীর, রচনাভঙ্গী অপূর্ব। চরিত্র বিশ্লেষণের নিখুঁত নিপুণতা, কাহিনীৰ
সৱসতা ও সংলাপের মাধুর্য পাঠকের চিন্ত অভিভূত করে। উপন্থাসটিৰ
ভিতৱ চিন্তার প্রচুর খোরাক আছে।'

.....‘যুগান্তর’ পত্রিকা (২১২৫)

হরিনারায়ণ চট্টোপাধ্যায়ের

নতুন উপন্থাস

অবরোধ—৩।

সংসারের সমস্ত গৱল নিঃশেষে পান করে যে মেঘেটি অমৃত বিলাবার
সর্বনাশ। পণ করেছিল, নৌলকঙ্গী সেই কুক্ষার বেদনাবিধুর জীবনায়ন।

বনকপোতী—৩।০

ঘর বাঁধার মোহে ঘর ছাড়া মেঘের কর্ণণ উপাধ্যান। এক মর্মস্পর্শী বেদনা
মধুর কাহিনী।

মণিলাল বন্দ্যোপাধ্যায়ের

বিখ্যাত উপন্থাস

আধুনিকা—৩॥০

‘মাসিক বস্তুতীতে’ ধারাবাহিকভাবে প্রকাশিত ‘স্বয়ংসিদ্ধা’-খ্যাত লেখকের
অপর এক সার্থক স্মষ্টি। ‘আধুনিকার রসোভীর্ণ সংজ্ঞা আধুনিক উপন্থাস
রসিকদের এক অপূর্ব ন্য৷

তারাশঙ্কর বন্দ্যোপাধ্যায়ের উপন্যাস

তামস তপস্যা ৪।

‘অ্যাকাডেমি পুরস্কার’ ও ‘রবীন্দ্র পুরস্কার’ প্রাপ্ত
বিখ্যাত লেখক প্রেমেন্দ্র মিত্রের নতুন উপন্যাস

আবার নদী বয় ৩।০

উপহারোপযোগী অপূর্ব প্রচন্দপট সম্বলিত। উপহার পেয়ে
ও দিয়ে সমান তৃপ্তি।

শক্তিপদ রাজগুরুর উপন্যাস

দেবোংশী ৩।

বাংলার পশ্চিম সীমান্তে লালমাটি আৱ শালবনের বুকে মনুষ্যত্বের বলিষ্ঠ
চেতনায় চিৱ-জাগ্রত একটি বেপৰোয়া ছলছাড়া মাত্য আৱ ব্যাকুল

কামনাময়ী আদিম এক নারীর জীবন বেদ ! বাস্তব ধর্মী লেখকের অন্যতম
বলিষ্ঠ রচনা ।

মেঘে ঢাকা তারা ৪॥০

চলচ্ছিত্র জগতে যুগান্তকারী শক্তিপদ রাজগুরুর একটি সার্থক উপন্যাস
মেঘে ঢাকা তারা উপহারে শ্রেষ্ঠ !

স্বরাজ বন্দ্যোপাধ্যায়ের নতুন উপন্যাস

পঞ্জজা ৩

একটি মেঘের জীবনে প্রেম এলো এবং প্রাণের বিশালতায় হলো তার শুরু ।
তারই এক অপৰূপ সঙ্গীব কাহিনী ।

সুধীরঞ্জন মুখোপাধ্যায়ের উপন্যাস

দুর্গাতোরণ ৩

নীহারুরঞ্জন গুপ্তের অমর কাহিনী

রঙ্গের টেকা ৪॥০

চলচ্ছিত্রে রূপায়িত হবার আগেই বইটা একবার পড়ে নিন ।

কালোপাঞ্জা ৪॥০,

ধূমকেতু ৪৫০

গোপাল ভট্টাচার্যের নতুন উপন্যাস

অপূর্ব বিজয়া ৩॥০

রবিশঙ্কর শ্রীমানীর

সুস্থ জীবন ১।০

ব্যায়ামাচার্য শ্রীবিমুচ্চরণ ঘোষ বলেছেন—‘শ্রীরবিশঙ্কব শ্রীমানীর উৎসাহ
ও চেষ্টা অসাধারণ, যা তার দেহকে স্বন্দর ভাবে গড়ে তুলেছে ।
'সুস্থজীবন' বইখানি তার দেহের মতই স্বন্দর করে গড়ে তুলেছেন—যা
সহস্র সহস্র ছাত্র-ছাত্রীদের সুস্থজীবন লাভ করতে অনুপ্রাণিত করবে ।

ডক্টর শশিভূষণ দাশগুপ্তের
উপমা কালিদাসস্য ৩,
কালিদাসের উপমার সুনিপুণ আলোচনা। অপূর্ব প্রচন্ডপট সম্পর্ক।
দেবৌপ্রসাদ চট্টোপাধ্যায়ের
পুরানো প্রশ্ন আৱ লতুন পৃথিবী ৩,
ভাববাদ খণ্ডন ২॥০
দেশ বিদেশের দর্শনের ইতিহাস আলোচনা কৰা হয়েছে এ গ্রন্থে।

ছোটদের জন্ম
সুভাষ মুখোপাধ্যায় ও দেবৌপ্রসাদ চট্টোপাধ্যায় সম্পাদিত গ্রন্থমালা
একালের বই
প্রথম খণ্ড ১॥০
সুভাষ মুখোপাধ্যায়ের
ভূতের বেগার ১॥০
গীতা বন্দ্যোপাধ্যায়ের
অঙ্কুর (জার্মিনাল) ১॥০
খনি মজহুরদের জীবন ও সংগ্রাম নিয়ে লিখিত বিগত শতাব্দীর এ উপন্যাস
বিশ্বসাহিত্যের একটি শ্রেষ্ঠ সম্পদ।

